

MIBUZYO A BWIINGUZI



Katu ciimvwi buyo kwakaindi kaniini ku mupailo.

Oyandwa Leza, twa Ku lumba sunumasiku kuli, lutaanzi, kuli Jesu Kristo, Mufutuli wesu. Twa Ku lumba mukuti Walo ngu mbobuca nguwenya, sunu, amuya myaka. Twa Ku lumba ku bantu basyoma ceeco. Tuli kkomene loko kuti tu jisi Leza, kutali kaleza kakuyeeyela buyo, mutuni wakuyeeyela buyo, muuya wakuyeeyela buyo; takukwe cintu cakuyeeyela buyo kujatikizya ncico—Leza wabwini a muumi oyo uupona a ndiswe a muli ndiswe alimwi ulabeleka kwiinda muli ndiswe. Kutali kupanga cibumbwa kuli Leza, pele swebo mukuba zinkozya zyuumi zya Leza. . . I Muuya Uusalala, kutali kwaambaula kwiinda mu cibumbwa, pele kwambaula kwiinda mu cilongo cakanununwa—Leza wakayubununwa mu mubili wabuntu. Obo mbotu Ku lumba nkambo ka ceeci, Musumpululu wa Mulilo mupati kaututobela, na swebo ka Tu utobela, mubwini, a ku luyubununo lupati lwa Muuya nguwenya kaucita mulimo nguwenya oyo Ngo wakacita lyoonse cindi Niwa kaboola mu nyika. Ino nkumbulizigwa nko utupa.

² Twa bungana sunumasiku, Mwami, kutali ku bukanze bumbi pele kuziba nzila a kwiya nzila, kwiinda ku lugwasyo Lwako, obo mbu tweelede kuba Banakristo babotu a balelwa beelela kabotu ku oora eli ndo tu langanya. Walombwa utu gwasye, Mwami; tuli Ku pengede. Mu Zina lya Jesu. Ameni. (Inga mwa kkala.)

³ A mibuzyo iimbi iitandila ku makumi otatwe na makumi one, Ta—Ta ndizi obo Mbe konzya kusola kwiibweza. Nda solekesya canguzu masakati aya kubona ikuti na inga Nda konzya akwalo kwiilanganya mbo kweelede, pele tee Nda konzya. Pele Ndi yanda kwaamba kuti Ndiyo ocita ku bubotu kwini kuteeti Mbwe konzya kwi—kwi ingula mibuzyo eyi, nkaambo mibuzyo mibotu, iizwa ku myoyo ya Banakristo. Elyo ncobeni Ndi—Ndi yanda kucita zyoonse ezyo nzo Ndi zyi nzila mbo iingulwa mukuyeeya kabotu buyo mbuli Mbwe zyi nzila yaku iingula. Elyo Ndi—Ndi yanda kulumba Mwami ku nzila Mbwa agwasya kuseeni mu ku tugwasya ku—ku jata mibuzyo eyi a ku—a ku—bwiinguzi obo Mbwa atupa.

⁴ Lino, Nda isanganya buyo yoonse mukati omu, Ndi yeeyela kuti ili mwanda a makumi osanwe iimbi. Elyo tu jisi itandila ku makumi obile, Nda yeeyela, kuseeni kuno. Elyo—elyo aboobo lino, katutana talika, Ndi yanda buyo kwaamba ikuti na muntu uli oonse wali kuyanda kubona cibalo eci *I Mbungano Iizyana kuliyuumba buniini mbuli Ingoma Mbozizumanana kuzuma*, mukutausi muna Presbyteria kuno kasololela mbunga yakwe mu

cizyano cakuliyuumba buniini, bupange bwa i—bwa cipobwe cilemekwa cabukombi. . . Andi bone buyo kwakaindi kaniini.

⁵ “Bamembala bakubusyi bala zembaana ku ciimbo ca jazzi—ciimbo ca jazzi. Cisobano ca kupenga caamba kubambulwa m-u-b-w-a-a-m-b-e bupya bwamabala, cizyano cakuliyuumba buniini.” I mweembezi awa kasololela bakubusyi boonse kutala kuya a kwiinda mu kupenga kwa Kristo, kubambulwa kwa kasobanwa mu cizyano cakuliyuumba buniini a jazzi. Ee. . . Mwalo mu Maryland. Lino, sa eco tacili cintucimwi?

⁶ Elyo mpawo, nceeci cifoto ca baabo. . . Ndali kumwaambila cifumo cino ca baabo ba Beatosi, *Kubweeda kwaba Beatosi*, elyo nceeco caano; amu kacibale buyo kuzwa ku magazini a ku zintuzyonse zyandeene. “. . . mbuli mbozya kabede, baka talisya bukombi bupya.” Lino, mweendelezi wabo. . . Ndi jisi katendululwa kuzwaku mutende awa. Tamu jisi ciindi. . . Kuti kufumbwa muntu uyanda kubala ezi, na inga Nda zibikka aa bboodi lyakuzibya makani kubuleya, mpawo inga mwa zibala. Elyo Ndi yanda buyo kumutondezya oora ndyo tuponenamo kuti lila yoosya. Inga tee mwa cimvwisya, pele, bantu, basoleka ku cimvwisya, kuti zintu ezi mbo zibede! Nda kumbila Mukwesu Capps, uli jisi lwiwii lubotu nkabela ula konzya kubala kabotu kwiinda Ndime, Nda mukumbila kubala caano eci kuzwa ku mweendelezi wa ba Beatosi. Sena inga wacicita, Mukwesu Capps, ku ciindi eci?

⁷ [Mukwesu Capps wabala caano ca ba Beatosi—Mul.]

[Caamba kuti:]

[Iba Beatosi bala libuzya beni a kutali janina bwiinguzi. “Tacikwe busyome, tacikwe busyome kumaninina!” waamba Derek Taylor, silutwe wakwaambilizya twaambo kubuleya itwa ba Beatosi, “Mbaaba balombe aba bone kuzwaku Liverpool. Bala nciki; bala sanku zisetekene; mba byaabi; elyo batola bweendelezi ku inyika. Kuboneka mbuli kuti bakatalisya bukombi bupya. Mba sikulwanakristo kumaninina. Nda amba, Ndime sikulwanakristo ambebo; pele mba sikulwanakristo maningi cakuti bala ndiyoosya, calo citali cintu cite. Pele Ndili kkuutilide a mbabo. Kutali ku bantubonse? Ndili kkuutilide a mbabo mu kusyomeka kwabo, a bantu abo babayanda kanji mbantu bagambwa akunyema kapati.”]

[“Mu Australia, kupa mukozyanyo, ciindi aciindi ne twa sika ku bbuwa lya ndeke, cakali mbuli kuti deGaulle wakasika, na kubotu akwalo, Mesiya. I nzila zyakabambwa kabotu cakutonkomeka. Basunkuta bakasowa mifunko yabo. Balwazi baka pupanina ku mootokala, mbuli kuti kuguma kuzwa kuli umwi wa balombe inga kwa baponya alimwi. Bamacembele bakaima kaba langilila a bazukulu babo mbuli mbo twa kali kwiinda. Nda kabona

buboneki ku masyu abo. Kwakali mbuli kuti mufutuli umwi wakaboola nkabela bantubonse bakali kkomene a kwaanguluka, mbuli kuti zintu munzila imwi ziyooaba babotu eno.” Taylor wakapumuna a kusyonka musanga watombwe mu kanwa lyakwe, “I cintu buyo cisyeede kuli ba Beatosi,” wa kati, “nkuzumanana mu lweendo lwa kuponya.”]

⁸ Sena tacili ceeco Nca kaamba? “Banji bayo boola kuli Ndime mu buzuba obo a kwaamba, ‘Mwami sena Mebo tee . . .’” Mwabona? Lino, sena tamu konzyi kubona kuti tamu konzyi kubikka lusyomo lwanu mu miswaangano mipati ya kuponya? Tamu konzyi kubikka lusyomo lwanu ku musyobo uuli oonse wa citondezyo mbuli ceeco. I cintu buyo mpo mukonzya kubikka lusyomo lwanu muli MBUBOBU MBWAAMBA I MWAMI kuzwa mu Bbaibbele. Lino, Mbungano, awo mpe mpawo ncobeni Mpe ekasola ku mubamba, bana bangu. Elyo ikuti na cintucimwi cacitika kuli ndime alimwi Leza wa nditola kuzwa mu nyika eyi, muta kakakilwi. Amuyeeye eci a moyo wanu woose: amukkale a Ijwi eelyo! Muta kasiyi Ijwi eelyo! Kufumbwa cintu ciimpene kuli Ndilyo, amucileke cilikke, takukwe makani mbocibede. Mpawo mu lizi kuti Lili luleme. Mwabona?

⁹ Muswaangano mupati wa kuponya lino! Basizibi abo akwalo bakagambya beendelezi babo a zisapi, a tombe, a busofwi bwabo; elyo bantu kabasowa misako yabo yakweenzya a kuponesegwa kwiinda mukulanga balombe abo. Nca busofwi loko, a tombe, sikulwanakristo! Nywebo mwabona, ngu Saatani mu muswaangano mupati wakusabula. Mwabona? Ula cita kufumbwa cintu eco Kristo nca konzya kucita, pele ta konzyi kusimpikizya Ijwi. Mwabona? Uyo obweza kabeela ka Ndilyo awa a kabeela ka Ndilyo awa, pele ta konzyi ku Li bweza kumaninina. Mwabona? Ta konzyi ku Li bweza antoomwe. Aboobo nywebo mwabona, ta kugambyi Bbaibbele lyakati kuyo tandila kucenga mbabonya Basalidwe kuti nokwali kukonzeka: muuya wa sikulwanakristo.

¹⁰ Lino, awalo mweendelezi wabo uuzibya makani kubuleya kuno, mwiiminizi uuzibya makani kubuleya, ula bavuninina, ulasyoma muli mbabo, elyo wakati unjidwe cintu nciconya, nkaambo baka mubamba kubaiminina.

¹¹ Zyalo nzintu zibi, zyalo . . . Lino, sena tamu bwene, banakazi, kaambo Nce soleka kumwaambila kujatikizya kusama tubbudula otu, kugela masusu, kuumpula, a zintu. Walo muuya. Walo muuya! Ngooyu we moonya mu mamagazini esu ali kumbele a zintuzyonse ezyo zitondezegwa kumasena, cizyano cakuliyuumba buniini a zintu mu mbungano. Baa, obo mbubambe bwini bwa Saatani, alimwi bacili mabungano a tubungwe.

¹² Kujokela ku Ijwi, banike, cakubinda mbuli mbo muzi; alimwi mutabi acamba caku Li siya! Amu kkale ncobeni a Ijwi eelyo.

Mwabona, obo muuya wa sikulwanakristo, ula konzya kwaamba mu myaambo, ulakonzya kutondezya zitondezyo a zigambyo; ulakonzya kuponya balwazi; inga wa cita zintu ezi zyoonse. Mwabona? Balo bantu bayeeya kuti baswenena kuli Leza, kuti balombe balo bakatumwa kwa Leza, nkaambo mbungano yatolaansi Ijwi.

¹³ Balombe abo bazulilwa ku mbungano. Elvis Presley ngwa Pentekoste. Pat Boone ngwa Mbungano ya Kristo. Amulange balo balombwana, bana Pentekoste, Mbungano ya Kristo, a boonse abo mbuli boobo kaba jisi myuuya mibi ali mbabo. Red Foley, jwi bbotuloko, Mbungano ya Kristo, laimba nyimbo zyakombi kwiinda muntu ulioonse uunga wa ziimba a cizyano cakuliyuumba buniini mu jwi litobela. Kwiinda ku micelo yabo muyo obaziba. Amulange ku mabungano nkoba zulilwa. Elvis Presley ngu membala wa Assemblisi ya Leza. Mboobo we, umwi aumwi wabo wakali kuyanda eco, nkabela Saatani wakacipa kuli mbabo.

¹⁴ Tamu bwene, beenzuma, obo. . . Muta lekezyi ku Ijwi eelyo. Mwabona, walo muuya oyo uumuvumpa.

¹⁵ Elyo Nda ambila banakazi aba, cindi balibamba lwabo kuboneka basinkwela mu madressi aya, cakuti Leza uyo mubamba kwiingula kambo kakucita bumambi. Ikuti na mula ndisyoma kuba ceeco nco mwaamba, mulanda wa Leza, musinsimi, amusiilile kuli ceeco Nce mwaambila. Mwabona? Antela inga tii mwakonzya ku cimvwisya, elyo kuti na tamu konzyi, mpawo amucite buyo eco Nce mwaambila kucita. Leza uyo ndipeda kaambo kuli ceeco Nce wamba. Mwabona? Amu swiilile kabotu loko, a kuyeeya kuti zintu ezyo nzya muuya.

¹⁶ Kwalyoonse, ndiza muntu ta. . . Nywebo mulayeeya, *Leza uuvumbidwe a lukanda*, Nda kakambauka ali ceeco kutali ciindi cilamfu cainda (mwabona, mwabona?), Leza ulaa lukanda ali ncico? Lino, amuyeeye buyo, to bamwi twa katumwa ku inyika eyi kunjila mu myeenya eyo ku kutwaambila zintu ezi. Mwabona? Kwalo nkukanzwa; ngu Leza kaambaula, katondezya. Cindi wabeteka cintu cili coonse kwiinda ku nyama, baa, balo tabakwe butongo (amulangisye awa), bantu babotu, basyomeka, taba konzyi kukwaambila bubeji naa cili coonse. Elyo cintucoonse ngu dyabulosi. Cabukombi, nekuba kutalika muswaangano mupati wa kuponya. Mwabona? Nca sikulwanakristo buyo nguonya. Mwabona? Elyo ngooyo muna Presbyteria a boonse abo. Sa mwabona twalo tubungwe, obo mbo tucita, moonya mu cintu nciconya?

¹⁷ Baa, okuno mu London, England, calinolino buyo baka jisi nkamu ya zizyano zyakuliyuumba buniini ku kulikozyanisya

Kristo, a Judasi, a zyoonse ezyo, alimwi...Ba kaita Kristo kuti “Taata-o” a kwaambaula ku majwi aya oonse aa bukanazi bufuba bwa bana. Mwabona? I bana baniini kabeendelezya nyika. Lino, nywebo mulizi kuteeti Bbaibbele lya kaamba kuyo citika kuti: Batalumbi, batasalali, batakwe luyando lwabuntu, bajaya zipangano, basikulengelela twaambo, batalemeki bazyali (mwabona?), bana baniini beendelezya nyika, nkabela ba cicita.

¹⁸ Nda kanjila mu busena buzuba bumwi; bakali kusobana eci, umwi wa mincini eyi iilila yabikkwa kkobili ya kaindi, isofweede, koonse kwa zintu ezyo. Tii ndakali kuyanda akwalo kutola mukwasyi wangu. Nda kati ku mulindu oyo, “Mbobuti alo masileeti mbwaa sambalwa?”

“Masenti aali kkumi kabeela komwe.”

“Uyo lizya ongaye mu oora?” Waa kandaambila. Nda kati, “Ngaaya mali; kou simpula!”

“Ee,” waa kati, “Ta ndikonzyi kucita eco. Balo bana bala boola mukati muno kulizya oyo.”

¹⁹ Mpawo Tii ndaka belesya mali awo; Nda kainka kubusena bumwi bumbi. Mwabona? Ee, zintu ezyo inga zyakubamba kunyongana; inga wayandika kuunka kunselelo a kuula cikama camisamu iitontozya kunyongana yakunywa wamana kumvwa zintu zya bufuba. Oko kunyemya Munakristo ncozyo. Ikuti na ubotelwa musyobo wa zintu ezyo, ulizi eco cilubide kuli nduwe? We elede kufutulwa, nkambo eco cili muli nduwe cilya cintucimwi cili kunze lya Ijwi. Calo cilya . . .

²⁰ Nywebo tamu konzyi kuyeeyela Jesu kucita cintu mbuli ceeco inga mwacita na? Sena inga mwayeeyela umwi wa basinsimi kucita cintu cili boobo? Tamu bwene, beenzuma, cintu coonse cili koonse ngu dyabulosi. Elyo Bbaibbele lya kaamba obo mwayo boola mu ciimo cabukombi a kucita buyo mbubonya ncobeni mbuli Kristo. Mwabona? Pele nzila ilikke njo muyo sola kukonzya ku ciziba, takuli kusangana mbungano *eyi*, na kusangana mbungano *eyo*, kwalo nkukkala a Ijwi; Walo ndi Ijwi.

²¹ Lino, Mwami alongezye umwi aumwi wanu. Tu unka nkoonya kugama ku mibuzyo. Elyo lino, ku tandila... mane kutandila oora a maminiti ali kkumi aosanwe... Nse kookonzya kumanizya mibuzyo eyi yoonse. Kuli zikata biya zya njiyo. Ndi yeeya kuti mibuzyo mibotu. Yalo mibotu loko. Ndiyo tambikizya biyo ansi a kubweza omwe awa a waalya mbuli mbo Ndi yabuya. Elyo eno... ku uvwiila... .

Inga ndaa...Nda yeeya kuti sunumasiku inga Nda selemuka, kulekela muntuumwi kwiibala, kwaamba, “iyyi” na “peepe,” “iyyi” na “peepe,” aa... Oko takuli kucitila bantu bululami. Ba kabuzya mibuzyo eyo kutegwa iingulwe. Elyo inga Tii—Tii ndacita ceeco, nkaambo Ndiyo bweza eyo Nje konzya; a yeeyo Nje ta konzyi, Ndiyo ilanganya ciindi citobela.

²² Elyo lino, Nda—Nda. . . Kutandila Munsondo itobela, Nse zyi. Nda mwaambila; ikuti na mwajana Billy ciindicimwi aakati ka lino a Bwatatu. . . Ndiza tuyo elela kuunka.

²³ Lino, nceeci cintu comwe. Ndili syaalilide loko mu miswaangano yakubuziyanya kwakumbali. Billy wanditondezya mulwi wa miswaangano yakubuziyanya kwakumbali mulamfu *boobo*, oyo ulindila, imwi yayo, kwa myeezi. Ee, kuciindi Ne liko, Nde elede kulanganya imwi ya yeeyo, kulanganya umwi wa muswaangano, kucita zintuzyonse Nze konzya kubaanga nku ceelanya. Ndiyo komba mwiki ino kuciindi Nda tano liko a kulomba Mwami, “Ino inga Wa yanda kuti ndicitenzi, kumanizya eyi na—na kubweza miswaangano yakubuziyanya kwakumbali?” Ikuti na Nda bweza miswaangano yakubuziyanya kwakumbali, mpawo Ndiyo langanya buyo. . . boola ku ng’anda Munsondo akulanganya miswaangano yakubuziyanya kwakumbali nkoonya kwiinda mubusena bumwi, a kuzumanana ncobeni kumanizya mu buzuba a miswaangano yakubuziyanya kwakumbali. Elyo ikuti na tii Nda cita, baa, Ndiyo saya ku miswaangano yakubuziyanya kwakumbali mane Ndi kajokele alimwi. Ikuti na tii Nda cita, mpawo Ndiyo ingula. . . Ndiyo. . . Billy uyo mutumina kkaadi.

²⁴ Elyo Nda mwaambila; calo ncibotu, aba bana bayandika, ku mwaambila obo mbo bayandana, luyandisyo ndo ba jisi kuli umwi aumwi. Umwi uyo ambila umbi a umwi omwe uyo waambila. . . Billy wiita buyo omwe mu cibaka, kutandila mamaile aali mwaanda a makumi osanwe, elyo bamwi bambi bala jata bamwi bambi. Bala yandana. Ta bayandi kwiimpya cintu cili coonse. Ba li jisi. . . yanda kuba kookuno ku kaindi kaniini kali koonse kubona cicitika; nkambo ikuti na Mwami weelede kupa cintucimwi, bayanda kuba kookuno ku citambula. Elyo Ndila ba lumba.

²⁵ Lino amuyeeye, beenzuma bayandwa, cifumo cino Nda bamba kaambo aa mibuzyo imwi. Elyo Nda ziba imwi ya yeeyi (inzya!) nekubaboobo, njila cifumo cino, nkunji kujatikizya bantu kulongela ku Arizona. Mwabona? Nda yeeya kuti Nda. . . ncibotu ndasalazya ceeco, kutegwa inga mwamvwisya.

²⁶ Lino, muta—muta yeeyi kuti Ndi soleka kwaambila bantu oko nko bakonzya kukkala, a ceeco nco bakonzya kucita, a. . . Lino, ta Nda ambi ceeco, mukwesu wangu uyandwa. Kuli bantu basyomeka abo bayanda kulongela kokuya. Ee, kufumbwa muntu uyayanda kulonga, inga masimpe Nda ba—ba ukkomene, kufumbwa buyo kuti Nke liko kwalo, mbubonya mbuli Mbeli kokuya. . . Ndili kokuno kutandila ziindi zili kkumi Mbwe bede okuya. Ndi jisi. . . Aakati ka eno a Krisimasi, Ndi jisi mazuba atandila kuli one kuba kokuya. Mpawo aamana biyo oko, Ndu unka ku masi ambi. Ndi nooli kuno ku cikombelo ambweni kwa nsondo zyobile na zyotatwe Nke tana inka ku masi ambi mu i—i lubukulusyo, mbuli mbo Ndi cita ciindi eci cabutololo.

Elyo mpawo kuzwa waawo, Ndi jisi buyo muswaangano omwe mu Arizona koonse, alimwi oyo ucitika mu Mukazimaziba ku Phoenix, kwa masiku obile kuba antoomwe a Bantu Bamakani aa Bunakristo. Mwabona? Ta ndi. . . Ikuti na bantu kumasena kuya. . . Sena inga wasandula teepu eyo?

[Mukwesu Branham walomba kuti teepu rekkoda izimwe kuciindi na kanana ku mbunga. Kabeela katakwecintu aa teepu—Mul.]

²⁷ Lino, mbuli mbo tu talika mu mibuzyo eyi sunumasiku, Ndiyo bweza omwe awa a. . . Muli mukwiibotelwa na? Amwaambe, “Ameni!” [Mbunga yavwiila, “Ameni!”—Mul.] Nda yeeya ncampindu kuli ndiswe ku ciindi cino. Elyo oh, Nda syoma muciiindi cisyoono ku. . . Kandilanga cifumo cino kakutanaba kuboola kunselelo kuno zibalo zimwi—zimwi a masena amwi mu Bbaibbele, Ndali kuyeeya, “Oh, ino ncintu cibotu mbo ciyooba. . . Kuciindi notu lindila Kuboola kwa Mwami, ino ncintu cibotu mbo ciyooba kujokela kwiinda muli basyakacite boonse abo ba Cizuminano Cakale, kwiinda muli Jobu a kwiinda muya, a kulanganya matobelanwa aa miswaangano aali mbabo (sa inga tiicaba cibotu loko?), ku mutondezya buyo obo mbo batondezya moonya mu buzuba (Ijwi lyoonse lila swanana), a zyoonse kujatikizya lunyonyooko ilwa—a ziindi zyansiku a obo mbo zitondezya kuli zyasunu; obo zintuzyonse mu Cizuminano Cakale mbo zyaamba kuboola ikwa Mwami Jesu.”

279. Lino, mubuzyo mutaanzi ngo Nda somona kuzwa kokuno: **Mukwesu Branham, sena cili lubide ku Munakristo ku bikka—ku bikka masusu aakwe mu tuvungyo? Alubo, nkulampa kuli buti maboko aa zisani mbwa elede kuba? Nda lumba. I mucizi.**

²⁸ Lino, eeco. . . caamba koonse kumaninina loko ku mwanakazi oyo. Lino, kuli ndiswe to bamwi bakwesu inga twa yeeya, “Oh, mwanakazi mufubafuba.” Pele—pele tabuli bufubafuba kuli nguwe; uyanda ku ziba.

Lino, kujatikizya kubikka masusu mbuli mbo cakabede, zyooso zyobile na cintucimwi cimbi? Mundi jatile. Tii—Tii nda. . . Calo. . . Amundi jatile. Tuvungyo. Amu ndijatile. Mbali ya tupini, zyooso zyobile! Eyo nje nzila basimbi mbo bakali kubamba myaka yakamana. Nywebo mulayeeya, musyobo. . . Embo mbo cakabede? Ba kali kuziita kuti zyooso zyobile, kubaanga kuvungana buyo ka kulengelela ansi? Peepe, zyooso zyobile, amu ndijatile, beenzuma.

²⁹ “Nkulampa kuli buti maboko aa zisani nkwaelede kusama?” Ta—Ta ndiyeeyi ncintu cili coonse kujatikizya eco. Ta ndizi. Mwabona? Eco Nce ta konzyi kutondezya ku Bbaibbele, Ta—Ta ndiyandi kwaamba kunji kujatikizya ncico.

³⁰ Lino, Ndi mwaambila buyo eci lwangu, nkambo Ta ndijisi Lugwalo kutondezya ceeci. I cintu buyo nco Ndi jisi ku

balindu kujatikizya masusu abo nkuta agela. Nzila mbo bayanda kwaabamba, eyo ili kuli mbabo. Elyo kujatikizya tuvungyo, cancobeni, Ta ndizi mbotubede, naa tatuli tuntu otu tuboneka mbuli kuti mapeegesi aa zisani ayo ngo bamangya mu masusu abo, kujatikizya i—i cintu buyo eco Nce zyi. . .

³¹ Elyo bulamfu bwa maboko aa zisani, Ndi yeeya kuti, mukuba Munakristo, Leza inga wakwaambila kujatikizya eco cakucita kujatikizya zintu ezyo. Nywebo mwabona? Nda syoma mbuli muntu Munakristo yebo inga—yebo inga waziba mbo kucitwa ceeco. Ta ndisyomi kuti Leza ukosola kulampa kumwi kuli koonse na kufumbwa mbo cibede. Kufumbwa kuti kobonekela bweelede a kuboneka cabulemu a kunjoloma, Ndi—Ndi yeeya kuti kuli kabotu. Tamu bwene? Mwabona? Lino, oyo muyeeyo buyo wangu. Lino, oyu ndime, mwabona, nkambo Ta ndikonzyi kutondezya acimwi cimbi kubelesya Lugwalo.

³² Nda syoma mubuzyo cifumo cino waboola kujatikizya kupendula masusu, nywebo mulizi, kubelesya i—kubelesya mubala. Lino, Ta—Ta. . .walo. . .Ta—Ta ndikonzyi kwaamba cintu kujatikizya ceeco. Ta ndizi, pele Ta—Ta—Ta—Ta ndijisi Lugwalo kwaamba ku—ku kupenta masusu anu. Lino, eco—eco. . .

Nywebo no banakazi, mula yanda kuboneka kabotu, nkabela mweelede kuboneka kabotu. Elyo Mukwesu Branham talwani ndinywe no bana. Nywebo muli bana bangu; Ndila—Ndila—Ndila muyanda, alimwi Ta—Ta ndi yandi kumu tapatila. Inga—Inga teenda cicitila mubuyo; Ndi soleka buyo kumugwasya.

³³ Pele lino, amulange, andi buzye buyo. . .Anda ambe eci mu kwiingula mubuzyo oyo. Lino, sena muli libambilide? Elyo kuli ndinywe nomuli ku teepu, mboobu we, bacizi: Ikuti na kuli mubuzyo muli ncico, muta ciciti. Pele ikuti na muli—ikuti na muzwide Muuya wa Leza a kusololelwa kucicita, kufumbwa kuti ta cinyonganyi Lugwalo a kutanyonganya mubuzyo, mwakkutula caculondoka kuti olo nduyando lwa Mwami, mpawo amuzumanane a kucicita (mwabona?), nkambo takukwe Lugwalo lwaamba kuti “peepe” (mwabona?) kujatikizya ncico. Ta ndi. . . Ta caambi cintu mbuli ceeco mu Bbaibbele.

³⁴ Ndi lizi Isaya 5, Nda syoma nje njiyo, kaambaula kujatikizya banakazi, obo mbo bayo sama zikobela zyakucincauzya a zintuzyonse mbuli ezyo; pele oko kwakali kulisumpula a zintu, kulicengeezya. Ikuti na mwacita boobo nkambo ka kulisumpula, mpawo cili lubide. Mwabona? Amu lingule moyo wanu kumbele lya Leza. Ikuti na taakwe Lugwalo lwa ncico, a nzila Muuya mbou musololela, amu zumanane a kucicita. Pele lino, cindi casika kuti naa mweelede kuba a masusu malamfu na masusu mafwaafwi, muli jisi masusu malamfu; eelyo ndi Bbaibbele.

³⁵ Kuli mubuzyo awa; Inga—Inga ndawiingula ndyoonya eno. Uli mukati muno; Nda ubona cifumo cino na ciindicimwi. Kati,

“Yebo lyoonse ubwekela banakazi, obo mbo bateelede kubamba masusu abo, pele taakwe noamba cintu kujatikizya baalumi.”

³⁶ Ikuti na Nda bona mwaalumi kanjila muno kajisi masusu malamfu kaalengelela kundelo yakwe mbuli mwanakazi, Inga ndaamba, “Mudaala, nkaambonzi toinki kuyogelelwa masusu? Uboneka mbuli mwanakazi.” Mwabona? Pele kanji baalumi tabaciti boobo. Mwabona? Kutali mbuli baalumi. . . Lino, kutali mbuli kutakakilwa kwa baalumi, bali jisi buyo mulandu mbuli mwanakazi.

Elyo akwalo, mwaalumi uuyo lekela mukaintu wakwe kucita ceeco, ujisi mulandu kobile kuli ncico, nkambo weelede kuba nguwe oyo uujiisi nguzu zyakuzumizya boobo mu ng’anda. Elyo mwaalumi oyo utakonzyi akwalo kweendelezya ng’anda yakwe; mbobuti mbwanga wakonzya kukucita mu ng’anda ya Leza? Mwabona?

³⁷ Ndili lumbide loko ku nkamu yesu ya banakazi njo tujisi iboola kokuno. Nda caamba eci a bulemu a luyando, alimwi eno, Leza ulizi kuti obu mbwini. Nda—Nda kali kujisi mweenzuma mukambausi Kumusanza oyo waka jisi imwi ya mabungano aboneka kunjoloma maningi Nge kasola kubona. Oko casika ku banakazi, banakazi ibabotu kwiinda Mbe kasola kubona kabakkede oko cabusalali, cabuleza, a masusu malamfu. Elyo lyoonse Nda kanyomenena kwiinka mbungano eyo. Elyo Mwami Jesu wa kandipa mbungano mazuba ano kuno eyo iinda kubota ku mamaile ali mwaanda: banakazi bangu.

³⁸ Ta ndi munyemeni kuba silunya pe; Ndili boteledwe buyo nkambo ka ndinywe. Ta ndiyandi buyo kuti Saatani abikke cituta ali oonse. Mwabona? Ndi yanda kuti kamuya butanta atala, kutali kujokela munsu. Muta lekeli muntu kumweena kwiinda ku mabibo amwi, na cintucimwi cimbi mbuli eco, na cintucimwi kwaamba, “Oh ee, ta ci. . .” Mwabona? Nje nzila Saatani nja kapandulula Ijwi kuli Eva. Mwabona? Amu syome buyo eco Ijwi nco lyaamba. Yaa.

280. Cakubinda loko. Mukwesu Branham, mukuziba kuti ciindi ciyabumana nkabela butamani buyabutalika kuyabuya, ino inga aba malailile nzi ako kuli bobile bakanzila lukwatano?

³⁹ Amu zumanane ncobeni a kukwatana. Mwabona? Amu zumanane ncobeni mbuli buyo ikuti muyo kkala kwa myaka imbi iili mwaanda ano aa nyika. Amu zumanane ncobeni; amu tonkomeke myoyo yanu aali Kristo, kutali myoyo yanu a zintu ezi zya inyika, pele aali Kristo. Mwabona? Amu zumanane ncobeni; amu kwatane, bana. Leza amu longezye mu mucado wanu.

281. Oyandwa Mukwesu Branham, Nda kabbizigwa mu Zina lya Jesu. I Ijwi lyaamba kuti muyo tambula cipego ca Muuya Uusalala. Sena eci—sena eci caamba lubbizyo, Muuya Uusalala, na sena caamba kuteeti Nde elede

kutambula cipego. . .cini. . .Nde elede kutambula luzibo lwini ku lubbizyo? Ndila yandisisya ku—ku zuzigwa a—a Muuya. Akaka kojatila bulembo bulamfu nkaambo Nda kali kuyanda ku kubuzya mubuzyo oyu kwa ciindi cilamfu. Nda lumba. Elyo muntu wakasaina zina lyakwe. Balo tabakkali mu dolopo.

⁴⁰ Lino, ngooyo mubuzyo mubotu. Lino, lubbizyo ku Muuya Uusalala nduzibo lwini olo muntu ndweelede kutambula. Lino andi baange nsalazye oyo kwa kaindi kaniini. Mwabona? Lino, bantu banji bajisi i—i muzeezo. . .Ndi syoma kuti wakanyonganisigwa. Elyo ambweni nkoonya kuno ku mbungano a ku mbungano eyo iiswiilila, inga kwaba mubuzyo. Lino, cindi Nda kanana kutasyoma citondezyo citaanzi ca Muuya Uusalala kuti nkwaambaula mu myaambo (Ta—Ta ndi zumini eco) Ndila syoma ku lugwasyo lwa Leza inga Nda citondezya mu Bbaibbele kuti eco cili lubide (mwabona?), nkambo kwaambaula mu myaambo ncipego ca Muuya Uusalala. Mbangaye bazi boobo? Kuponya kwa buleza ncipego ca Muuya Uusalala, elyo mpaawa ba Beatosi bali mukukucita. Mwabona?

⁴¹ Saatani inga wakkopela kufumbwa ca zipego ezi. Balozi, basimooba bala konzya kwaamba mu myaambo a kwii pandulula. Zyooko zyamasaka, ziindi zinji simooba uyo kanana mu myaambo, kunywa bulowa kuzwa mu kapompo kamutwe wa muntu, a kupandulula mwaambo uatazizilwe.

⁴² Okuya mumasena aku Arizona cindi noba jisi cizyano cakaindi ca kusekelela cizyano ca maila, bana India bala zambaila bazoka beenze ali mbabo cindi noba sola kukomba kuli Leza kuti atume mvula ku maila abo. Ba ciita kuti cizyano ca maila. Ba la bweza ngalala zya maila, akuli zambaizya nzizyo, a kupanga kakumbi, elyo bala zyana. Elyo mung'anga ula yutuka kajisi meja a mutwe wakwe, meja aa munyati. Elyo bala zyana a muzoka mweenze kaba zambailide, a basimooba a bunji bwaba sikufwebela mu ndombondo a zintu koonse kubusena. . . . Taba kazumizyi mukuwa kuba kubusena ku ciindi eco, pele Nda kabalangilila kwiinda mu bbainokkilasi, alimwi ndi jisi beenzuma bana India abo bakainka ku zizyano zyabo; mbaabo batali Banakristo, mu bwini. Elyo bala zyana cizyano eci ca maila kaba jisi bazoka aba. Elyo simooba ula yutuka, a kulitenda a zipoko, a zintuzyonse zimbi, elyo kumamanino bala njila mu muuya, a kotalika kwaamba mu myaambo a kwii pandulula.

⁴³ Ndi jisi. . .konzya kukubweza moonya mu maora otatwe na one kuzwa lino, awo sibusangu mpa bikka pensulo a tafule, a kunjila mu kunyangwa muya a misyobo yoonse ya zintu, a kuvukauzya maanza abo; nkabela pensulo eyo iyo buka a kotalika kulemba mu mwaambo uatazizilwe, elyo simooba uyo ima a ku baambila eco nco waamba.

44 Lino, eco tacili citondezayo ca Muuya Uusalala. Mwabona? To konzyi kuyaamina ali ceeco. To konzyi kuyaamina aa mucelo wa Muuya, nkaambo kabalwebalwe ka Muuya lwalo nduyandisyo. Elyo Kristiani Sayaansi ila kutauka luyandisyo lunji kwiinda muntu uuli oonse Ngwe zyi, elyo akwalo balakaka Jesu Kristo kuba Sibuleza. Mwabona? Kuli citondezayo comwe luzutu ca Muuya Uusalala eci Nce zyi, calo ndusyomo lwa masimpe mu Ijwi lyaka syomezegwa lya oora!

45 Lino, abo ba Juda bakaboola; balo baka jisi buzumini bunji kwiinda basikwiiya ndoba kajisi. Balo bakali bantu bakaiisigwa kabotu mu Lugwalo kwiinda basikwiiya mboba kabede, nkaambo bakali bazeli ba nswi, basikubwezelela mitelo, a bumwi bumbi. Elyo baka jisi lusyomo lwa masimpe muli ceeco nco bakali kucita. Lino, amuswiilile kabotu loko lino; mu taimpyi eci! Mwabona? Cindi casika kukuba a micelo iya Muuya, bulome a buuya, Ndi yeeyela kuti taakwe naba omwe wa bapaizi abo pele abo bakali kukonzya kwiinda Jesu Kristo muli nguwo. Wa kainka ku tempele, a koosa ntambo, wa kabalanga a bukali, a kusandamuna matafulle abo, a kubatanda kuzwa mu busena. Sena mbo mbubo? I Bbaibbele lya kaamba kuti Wa kabalanga a bukali. I Bbaibbele lya kaamba boobo. Obo mbombubo ncobeni.

46 Aboobo amubone, bapaizi abo bakali basibuuya, babombe, bantu bamvwisya. Cindi ne cakasika ku micelo ya Muuya, bakali kukonzya kutondezya micelo minji ya Muuya kwiinda Jesu mbwa kasola kucita. Cindi ne cakaboola ku lwiiyo lwabukombi, tiiba kaziba. . . kuba a cikolo oko Nkwa akazwida. “Nkukuli nkwarzwida muntu oyu? Nkokuli nkwa kazwida? Ino ujisi kkaadi lili buti lya luswaanano? Ino nkabunga nzi nkwa zulilwa? Ta tuzi oko nkwa akazwida. Wa kali muntu mutande buyo cakumaninina oyo wakazyalwa a kuzyalwa kwa musokwe. Baa, inga twa muubausya awa mu maminiti masyoonto buyo a kumutondezya kwiinda ku milao. . .” Ba kali jisi nguzu zyakucita eco nco bakacita kuciindi nocakasika kuli ceeco. Nkaambonzi? Nkaambo bakakakilwa kubona kuti Wa kali Ijwi lyaka syomezegwa lya oora. Nzila buyo mbo baka kuziba, cindi Jesu nakakutauka Ijwi kwiinda mukukonzya kubaambila eco ncoba kajisi mu myoyo yabo, eco nco bakali kucita. . . Wa kali Musinsimi kweendelana ku Ijwi lya Leza. Eco Nca akaamba cakaboola kucitika, ijwi lyoonse, ijwi ku ijwi.

47 Wa kali Musinsimi wa Leza, Mulanda, Leza i Musinsimi. Kutali. . . Wa kali—kali—kali kakutanaba oko, musinsimi wa Leza, alimwi oyu ngu Leza i Musinsimi, kutali musinsimi wa Leza. Oyo wakali Malaki, Jeremiya, a Isaya, a Eliya, alimwi abamwi bambi, pele oyu wakali Leza i Musinsimi, kutali musinsimi wa Leza. Mwa cimvwisya lino?

Basinsimi boonse bakalungulula buumi Bwakwe mu tubeela, bakacita caabilo cabo, pele muli Nguwe mwakali Buzule bwa basinsimi boonse. I basinsimi, Ijwi lya Mwami lya kaboola kuli

mbabo, basinsimi, pele Oyu wakali Ijwi a Musinsimi, Muntu nguwenya. Mwabona?

⁴⁸ Lino, lino, cindi muntu atambula Kristo mu ciimo eco Walo mwa bede, inga tii mwa citambula mbuli kuba... Mwabona? Lino, bamwi babo balati, "Ee, Ndili muna Lutherani." Ee, takukwe cintu kulwana ceeco, pele Basikwaze ta balyi ceeco. Mwabona? Eco cakali kuciimo mbuli mbo cakabede; eco cakali cilyo cipya cibotu ca buzuba obuya.

"Ndili muna Wesleyani." Oko kuli kabotu, pele uponena mu ciindi cakainda. Mwabona?

Lino, bantu abo bakati, "Baa, tuli jisi Abrahamu kuba taata wesu."

Musinsimi oyo wakati, "Leza ulakonzya kubusya mabwe aya kuba bana kuli Abrahamu." Mwabona?

"Swebo tuzulilwa kuli *eyi*. Swebo tuzulilwa kuli *eyo*."

Eco tacikwe cintu... Wa kati, "Nywebo no nzyalani ya bazoka, nguni wamucenjezya kuccija kuzwaku bukali? Muta taliki kwaamba, 'Tuli jisi Abrahamu kuba taata wesu,' nkambo Leza ulakonzya mabwe aya kwaabusya kuba bana kuli Abrahamu." Mwabona?

⁴⁹ Aboobo mukuba silwiyo lwabukombi wakayiisigwa kabotu taka jisi cintu cakucita a ncico. Mukuba mubombe a sibuuza taka jisi cintu cakucita a ncico. Ncinzi caka Mu bamba kuba waandeene? Wa kali Ijwi lyakaba mu mubili, kutali Ijwi lya buzuba bwa Musa, Musa wakali buzuba obuya, Ijwi; kutali Ijwi lya buzuba bwa Nowa, Nowa wakali Ijwi lya buzuba obuya; kutali buzuba... Ijwi lya buzuba bwa Eliya, Eliya wakali Ijwi eelyo lya buzuba obuya; pele Wa kali Ijwi lya lyoonse, alimwi bakali kupona kaindi.

⁵⁰ I cintu nciconya cilainduluka! Eco nce citondezyo ca Muuya Uusalala, cindi Leza ayubununa kuli nduwe nkabela wa cibona, MBUBOBU MBWAAMBA I MWAMI a kucitambula. Lino kutali obo mbobede, obo mbokabede, na takukwe cili coonse kujatikizya ncico, nceeco Leza nca ka kucitila eno. Nceeco citondezyo.

⁵¹ Jesu wakati... Wa katupa citondezyo ca Muuya Uusalala, Johane 14. Wa kati, "Ndili jisi zintu zinji zyaku mwaambila. Ta ndijisi ciindi ca kuzicita, pele cindi Muuya Uusalala waakusika, Walo uyo mwaambila, ku mwiibalusya nze Nda kamwaambila, alimwi uyo mu tondezya zintu ezyo zyeedelede kuboola." Sena tamu bwene? Nceeco citondezyo. Oko nkwaamba ziciboola a kuba... mukuba aa bupanduluzi bwa Buleza ibwa Ijwi lya kalembwa. Lino, sena eco tacili citondezyo ca musinsimi?

⁵² I mulinguzi mu Bbaibbele wakali muntu wakali kukonzya kwaamba ziciboola, alimwi inga zino londokede, mbubonya kutali muntuumwi wakabikka maanza aali nguwe, eco nce

cipego. I musinsimi wakakanzwa a kuzyalilwa kuba musinsimi. Mwabona? Buumi boonse wakali musinsimi, oyo ngo mulimo. Awo mpempawo bantu. . .

⁵³ Bunji bwa mibuzyo awa: “Ee, sena Nabwiinga. . .?” “Sena eci. . .?” “I mbungano a. . .” Mwabona? Tamu—tamu konzyi kupambukanya obo mbobede. I Nabwiinga walo Musale wa Leza. I mbungano iyo inda. . . Abo mbe mbabo Mbo lyaambila, “Kufumbwa muntu uuyanda, walo aboole.” Pele Nabwiinga walo Musale wa Leza.

⁵⁴ Kuli milimo yosanwe iisalidwe aa Leza. “Nkambo Leza wakabikka mu Mbungano baapostolo, basinsimi, bamaiyi, beembeli, bavangeli.” Leza wa kacita boobo. Muntu ujisi madaikona a bamwi bambi, a zintuzyonse zimbi, pele nywebo mwabona, pele Leza wakabikka mu Mbungano ku bulondosi bwa Mbungano; konzyi kwiipambukanya.

⁵⁵ Lino, Muuya Uusalala, cindi Wa boola, Ngu kamboni kuli ndinywe (mwabona?) kuti Ijwi eli lili luleme, Ijwi lya sunu, kutali Ijwi lya Luther, Ijwi, kutali lya Musa. Tu lapa bumboni kuti Ndyia Bwini, pele mbuzuba bumbi.

⁵⁶ Lino, ino kuti Jesu waboola a kwaamba, “Lino, mbuli Musa mbwa akaboola kumugwisya nyoonse kuzwa mu Egepita, Nda boola kumutola kubusena bumwi?” Ino ikuti Na kaamba, “Atweende tuka beleke a kuyaka bwaato. Ndi—Ndime Mwami Leza, Ndi—Ndiyo impausya inyika kupola lino. Ndiyo bbizya inyika, boonse babo?” Baa, Walo nekunga wakazwida ku. . . Mwabona, Lugwalo tiilwa kaamba kuti Uyo oboola boobo. Mwabona? Inga natakaba Mesiya. Takukwe makani kunji obo Mbwa kalino yaka, na kufumbwa cintu Nca akacita. Nekubaboobo tali. . . Na taka zwidilizya kuba Mesiya. Aleluya! Nceeco we! Calo nceelelo! Iiyi, munene!

⁵⁷ Bakorinto Bataanzi 13 yaamba boobu: “Cindi ayo malondosi asika, eco cili mu cibeela ciyo manisigwa.” Aboobo zintu ezi zyoonse ziniini zya kusotauka mujulu aansii mbuli mwana, kusola kwaambaula mu myaambo, a zintu zimbi ezi zyoonse, cindi ayo malondosi. . . Elyo tuli jisi sunu, kwiinda ku lugwasyo lwa Leza, bupanduluzi bulondokede bwa Ijwi a kusimpikizigwa kwa Buleza! Mpawo eco cili mu cibeela ciyo manisigwa. “Cindi ni Nda kali mwana, Nda kaambaula mbuli mwana, Nda kamvwisya mbuli mwana; pele cindi ni Nda kaba mwaalumi, Nda kabikka ambali zintu zya bwana.” Ameni! Ndila inka ku kukambauka nkabela mpawo kutasika ku zintu ezi.

282. Mukwesu Branham. . .(Sena Nda umanizya oyo? Sena Nda sika ku kujatikizya lubbizyo lwa Uusalala. . . Iiyi, oyo wali boobo, embo na? Yaa. Amundi jatile, ikuti na Nsi ndaulanganya, amundijatile buyo. Ndi. . . Eyi mibuzyo imwi mibotu loko. Inga wakkala buyo busiku bomwe boonse aa mubuzyo omwe, mukwesu, alimwi mpawo

kutasola kuuguma.) **Nda kulumba kuba mulanda wa Leza, i kusyoma...alimwi Ndila syoma Mulumbe wa Bwini. Mukaintu wangu tandi swiilili...waamba cintu cili coonse...kwaamba cintu cili coonse kujatikizya Mulumbe oyu, alimwi taswiilili ku teepu ili yoonse. Ndili mupenzi Iya kulibilika ku ncito yangu akwalo. Ndi yanda mukaintu wangu kuti asyome awalo nkabela kokombela bana bangu. Mukwesu Branham, Ndi yanda kuba mulongwe wazya Leza...Ndi yanda kujanika mu luyando Iwa Leza ku buumi bwangu. Ndi yanda kuba mulanda Wakwe. (Elyo muntu wasaina "atala." Mulindile aniini.) Cindi ni Nda kali muniini, Nda kaambila bantubonse kuti Nda kali kuyanda kuba mukambausi. Ta ndizi eco Leza nca yanda kuti ndicite. Ndili libambilide kucitila Mwami kufumbwa cintu. Wako mu Mwami.**

⁵⁸ Lino, mubuzyo mubotu. Elyo muntu uli sinizizye. Mukaintu wakwe, mulongwe wakwe uuli ncibeela cakwe...Akube kuti Ndi yungizye cintucimwi awa kuli ceeco? Bakwesu bangu, Nda caamba eci mu Zina Iya Mwami. Bumwi bwa mazuba aaya, Mwami nawayanda, Ndi yeeya kuti Ndiyo zumanana buyo kubamba teepu eyo ya *Lukwatano a Kulekana* (mwabona?), kucileta nkoonya okuno ku cikombelo. Ikuti na candaanya, ciyo elela buyo kwandaanya. Pele tuyo tondezya kuti ndi Ijwi Iya Mwami.

⁵⁹ Amulange, bakwesu bangu. Amuswiilile kuli ceeci. Sena mulizi na kuti bunji bwa ziindi mula bweza nabukwetene uutali nguwe ano aa nyika? Meso amwi obile mabotu aasalaluka, na aa bbulu, na aasiyasiya a kumu kwelelezya cankwela mu busena mo—omo mwa takeelede kuzumina. Bantu banji bala mvwisya obo.

⁶⁰ I muntu unjila mukukwata kusaanguna weelede kukulanganya munzila yakukomba. To elede kubweza mwanakazi kwiinda ku bweebesi bwaanze, pele bweebesi bwamukati, umwi uyooba mutumbu ku bana bako.

⁶¹ Ndi lizi eci ciyo mvwika bubyaaabi ku mukutausi mu kwaamba ceeci aa cikambaukilo. Pele Nda kali kunga ndiinka a—a basikuula ng'ombe cindi nekali Kumbo. Twa kali kuula ng'ombe zyambuto, elyo bakali kuyanda kutalika itanga. Elyo Nda kaiya kunji loko awo cakuti...kuciindi Ne kabona abo basikulailila makwebo aakwiindilana a zintu nzo bakali kucita, basikuula abo. Nda kali kweenda a mulombwana mudaala, kaboola kuno ku mbungano a ndime, elyo Nda kamu sololela kuli Kristo, muhedeni umaninide kuzwa kumatalikilo, Ba. Jeverez. Bunji bwanu mula bayeeya, simpulazi ku masena aaku Colorado. Twa kali kuunka, elyo bakali kunga banjila... ng'ombempwizi.

Nda kabona munamani muniini wambuto buzuba bumwi kasambalwa madollar ali zyuulu zili kkumi acimwi, munamani buyo muniini; taa kalina bambwa kuti azyale. Elyo Nda kati. . .elyo Jeff wakati, “Ikuti ni Ndali jisi mali, ni Nda ula munamani oyo.”

Elyo Nda kayeeya, “Lino, ngu simpulazi; ula mvwisya mulimo wakwe.” Nda kati, “Jeff, nkaambonzi nconga. . .Ino nceelelo nzi? Walo ngwa Herefordi. Oyo wakali kusambalwa kaindi ku madollar ali myaanda yotatwe, kuli ndime, kaboneka mbuli munamani mupati kwiinda a zintuzyonse.”

⁶² Wa kati, “Langa, Billy, kuli cintu comwe nco tamvwisya mukuula ng’ombe.” Kati, “Ndi yeeya kuti weelede kujatilila mu lweendo lwako lwa kukambauka.” Pele kati, “To mvwisya makani aa ng’ombe.” Wa kati, “Lino, langa ku munamani uulya kunselelo okuya.” Twa kaselemuka kuya kokuya. Kati, “Bona kulangisisya oko kwamusyokwe ku meso ayo?”

Nda kati, “Inzya.”

Kati, “Bana bayo, a bazukulu bayo, a bazukululwa, babazukululwa, bayo balo bacino jisi kulangisisya oko kwamusyokwe.” Elyo kati, “Ziyo komezya bazyo mukutaba kabotu. Ta zikabi manyina mabotu ku banamani bazyo.” Elyo kati, “To konzyi kuzibamba kuneneya; ta zikapangi nyama yakulya mbotu.” Wa kati, “Langa ku munamani oyu muniini awa usambalwa. Langa obo mbwaboneka kuba a buuya. Langa ku buboneki bwa luumuno mu busyu bwakwe, oko kuboneka kwaluyando, taakwe kulangisisya kwamusokwe ku meso akwe.” Kati, “Uyooba nyina wini ku munamani wakwe; elyo munamani wa munamani, a munamani wa munamani uyo zumanana kuba boobo.” Elyo kati, “Zyoonse zyalo ziyoooba manyina, ikuti na ba konzya kujana musyobo uululeme wa poho wambuto ku munamani oyo (mwabona?), uyo zizyalila bana bazyo. Pele oko kuboneka kwa kubilauka ku busyu lyoonse kuyo bamba tanga lya ng’ombe litali kabotu, ikuti na muntu usola kuula ng’ombe.”

Nda kati, “Iiyi, munene! Nda lumba.”

⁶³ Elyo cintu nciconya caamba ku banakazi. Wa bweza umwi wabo ujisi meso abilauka a busyu bupentedwe, boneka mbuli musyobo umwi wa munyama, kusola kuli bbilinganya kuzwa ku muntunsi, ta kabambi cintu cili coonse. Walo uno endauka ciindi coonse. Elyo Bunakristo tabuli bweebesi bwaanze pe, mbwa mukati: bwa luumuno, butontozi, kulisakatizya lwabo mu nzila yalumuno, muuya wabutontozi, uuli muyandisi loko ku busyu bwa Mwami. Eco nce tu yanda kulangila ku banakazi, a baalumi, a kufumbwa mbocibede. Lino. . .

283. Mukwesu Branham: Mibuzyo: Sena mwanakazi Munakristo uleelede kusama twakulisakatizya tutakwankotuya, mbuli tusakatizyo twa munsingo na ingale?

64 Ee, Mucizi, Ndi lizi eci caamba kunji kuli nduwe, alimwi caamba kunji kuli ndime kuli nduwe kubikka kaanzambwene kako kuti Ndiyo kwaambila bwini. Lino koyeeya, Bbaibbele lyakati, “Cindi walisakatizya, utali sakatizyi a—a tusakatizyo tudula loko, a ingale, a misyobo yoonse yakusama twakulisakatizya, pele akube kulisakatizya kwa luumuno, a butontozi, a muuya wabubombe (eye Nje zwa kubalulula), uli muyandisi loko ku busyu bwa Mwami.”

65 Lino, Ta ndaambi kwiinda kuli ceeco, Mucizi, ikuti na waka jisi kasakatizyo kakujatya. . . Lino, oyu ndime kutali Mwami. Ikuti na waka jisi kasakatizyo ako kakujatya nkooli kuyanda kusama, na ikasakatizyo kaniini kamunsingo mulumi wako nka akakupa, na ambweni kako. . . kantukamwi mbuli kaako nkosama, lino, kuli ndime, Ta ndiyeeyi kuti eco ncibi. Lino, oyo ndime buyo. Lino koyeeya, Ndali bamba kumvugwa kabotu; oyo muzeezo wangu. Pele Ndi yeeya kuti nkubulanganye kuli ncico; nzila mbo cicita. Mwabona? Kalo nkaambo kali kunze lya ncico. Elyo cindi wabona kuteeti cili mukukujata, mpawo kosiya cintu cilikke. Pele Ndi yeeya ikuti na wakasama nweenwe ya mucado. . .

66 Lino, Ndi lizi nywebo no bantu bana Nazarene, cakali kucitika kuti tee mwakali kuzumina akwalo kubbizya mwanakazi waka samide nweenwe ya mucado. Mwabona? Ta—Ta ndisyomi, eco mbuli ciyandika. Mu Bbaibbele bakali kusama nweenwe zya micado, nkuti buyo yakali kwiitwa kuti ibbwe, kuzunguluka mutwe wabo, tukkobili tuli fuka muli ndilyo. Pele Ndi. . . ku tondezya kuti bakali kwetwe. Lino, Ndi yeeya kuti eco cili kabotu.

67 Ikuti na banakazi bayanda kusama a—a kulibamba kuboneka cabulemu, kusalala, mbuli mulindu, baa, Ndi yeeya kuti taakwe cintu kuli ceeco, kuli ndime. Pele cindi watalika kubikka cintu eco mukucibamba kuba kulisumpula kuniini, mpawo uli lubide. Kwalo nkulanganya kwako.

68 Sena mulayeeya nywebo no banakazi okuno kutali ciindi cilamfu cainda noba kajisi nco bakali kwiita kuti “misinsi mibyaabi”? Ndi yeeya kuti ili mukuboola alimwi, na bajisi iindide kubija. Kuba. . . Inzya, yalo ni, “mbyaabi” lino, mubusena bwa, “mibyaabi.” Pele baka jisi cipekupeku ciloolole kutali ciindi cilamfu loko cainda. . . Baka jisi basimbi, banakazi baniini. . . Elyo mubwini, bamwi bapati bakali kucicita abalo, nkambo boonse bayanda kuba baniini. Ta ndaambi ndinywe no bacizi, Nda amba banakazi be nyika. Elyo bakali kunga batenda misinsi yabo—yabo kusika aatala, kutandila kulampa kwa kakokola ziindi zyoonse, mpawo kusama musyobo umwi wa cikobela cakunsi kuboneka kabotu. Elyo cindi nebakali kunga beenda, cakali kutondezya cikobela eci cakunsi cijisi maleesi, atusakatizyo, na kufumbwa cakali aali ncico. Calo, nywebo mulizi. . .

⁶⁹ Kwakali i—i musimbi wa kaboola kuli ndime, oyo wakali musimbi muna Dunkardi, waa kazwaa kutambula Muuya Uusalala. Waa kali kuzulilwa ku Assemblisi ya Leza, alimwi oko kwakali ku Fort Wayne, Indiana, oko nkwe Nda kakwatila. Elyo waa kaboola kuli ndime, mulindu muniini mubotu, elyo waa kati, “Mukwesu Branham, Ndi yanda kukubuzya mubuzyo.”

Nda kati, “Ncibotu, Mucizi, ngwa buti?”

Waa kati, “Sena uyeeya kuti cili lubide ku musimbi ku—musimbi Munakristo kusama ‘musinsi mubyaabi?’”

Nda kati, “Mucizi, eci cintu comwe Nce—Nce takonzyi kumwisywa kwini. Ino ncinzi ‘musinsi mubyaabi?’” Elyo waa ka ndambila mbo wakabede. Nda . . .

Waa kati, “Utondezya pitikoti.”

⁷⁰ Nda kati, “Ncinzi—ncinzi cili mu banakazi eco cikonzya kubabamba kutondezya zisani zyabo zyakunsi ku mwaalumi umwi? Ncinzi cinga . . . Ncinzi—mulimo nzi musimbi Munakristo ngwa jisi mu kucita cintu mbuli ceeco? Sena inga wayeeyela Munakristo?”

⁷¹ Lino, amulange, i mwaalumi, takukwe kunji kuli nguwe cindi casika ku mubili. Elyo walo, ikuti na wakeenda katasamide kumaninina, inga kwa—inga nikwaataba bubyaabi kuli nkuko. Kutali kwiiminina mwaalumi, pele balo . . . Nywebo mulizi kuti—ino musyobo nzi wa mwanakazi ukonzya kunyonganisigwa ku mwaalumi katubwide shaati lyakwe alimwi kasamide cibbudula na kufumbwa nca kajisi? I cintu cipati ciboneka bubbabani cakaindi, ciboneka kubbalangana a kusesemya, Nda . . . yoosya. Amubone baalumi aba kumasena kuno . . . Ee, Ndi yeeya kuti inga cabamba mwanakazi kuluka aalanga ku cintu cili boobo. Ikuti na waa kajisi . . . Pele lino, ko bweza mwanakazi a ku mubikka mbuli boobo, oyo ni tempele yaandeene. Mwamwisywa na? Yaa.

⁷² Pele Ndi yeeya kuti mbuli kuciimo ca ikasakatizyo ka munsingo, na . . . Lino, ikuti na waunka kuli lundika mbuli boobo mbulikuti wakakukula cintoole ca teeni seenti kunselelo kuno kubelesya magneti aali nguwe, Ndi—Ndi yeeya kuti . . . Jatile eco, Nseeli kuyanda kwaamba mbuli boobo, pele eco—eco cili lubide.

⁷³ Ikuti na kuli cintu cimwi cakandi kopa ciindi citaanzi kulwana lwangu . . . cakandi bamba kuusa nkaambo ka America, cakali . . . Nda kali mu Switzerland buzuba bumwi, elyo Mukwesu Arganbright a Ndime kajana busena bubotu kulaale kumusanza ku Lausanne oko nko bakali kukonzya kuula nyama, mpati mbotu, kutandila kubulungana kupati *boobu*, lema kutandila thriikkota ya paundi, Ndi yeeya kuti, kwa maseenti atandila ku makumi otatwe mu mali ana America. Oh, twa kali kupona mbuli bami! Mazuba oonse twakali kuselemukila kokuya. Elyo boonse babo okuya banywa waini, nywebo mulizi; meenda abo taali mabotu. Elyo tii Nda kakonzya kunywa waini

oyo, aboobo Nda kalyuulila kagomo kaniini kuzwa ku...i cintoolo cisambala misamu caka jisi meenda ayo akaminununwa kukujikwa. Elyo Nda katolelela kagomo ako koonse nko Nda kali kuunka. Ndi yeeyela kuti bantubonse bakayeeya, “Oyo mulombe ubwezelezya kaccaso kakwe.” Aboobo Nda kali kajisi mu janza lyangu. Twa kaselemukila ku busena obu oko boonse i—sambala nyama eyi, elyo buzuba bumwi *Muka America* wakasika keenzya kumbele. Kutandila ’28 musyobo wa Chevy, kajisi mubwa wa mazakala kakkede aa mabelo akwe a kuleta eco mukati muya, elyo waka jisi kunji. . .Balo banakazi bobile baka jisi twakulisakatizya tunji toonse twakali mu cintoolo ca teeni seenti, zintu zilamfu, zipati ncobeni, a masikkiyo, nkabela kalengelela kuyaansi, a mubala; elyo bobile babo ba myaka iili makumi osanwe yakukomena, kukomena mbuli ndime. Elyo nokayeeya nco bakali kuyandila kuba bakukomena kwa kkumi ayosanwe. Pele ino basola kucita nzi? Ba sola kweenzya lweendo lwa buumi kulangila mu ciboniboni citondezya zili kusule, kulanga musule kuli boobo mbo bakabede.

74 Lino, Munakristo taciti ceeco. I Munakristo tasoleki kuba mbuli obo mbwa kabede pe; ta langi oko nkwaakabede, ulanga nkwaya. Mwabona, mwabona? Uta bikkili maanu obo mbokabede kaindi; wakainda kale kupona boobo. To kajokeli kuli nkuko; oko nkwa kaindi. Elyo kufumbwa oyo weenzya lweendo lwa buumi kalanga mu ciboniboni citondezya zili kusule uyo njila mu ntenda mbi; aboobo mboya kucita mu lweendo olu lwa Bunakristo. Uta langi musule mbuli mbokabede, kolanga mbuli obo mboya kuba. Paulo wakati, “Kuluba zintu ezyo zyakaindi, Ndi bindaanina mbaakani ya lwiito lupati.”

75 Lino, pele caka kubamba kuusa. Ba kaleta mubwa oyu muniini wakaindi, uununka mukati muya a kumu kkazika aa tafule! Lino, eco inga capa umwi kuluka! Elyo kulyuubausya a mubwa oyo mpoonya awo, kamubikkide mpoonya atala awo a maanza abo, elyo mpawo kuyoolisya maanza ngaonya! Elyo sikukutauka wamu resitiranti wakasika okuya, akuyubununa cintucimwi. Mwii. Guggenbuhl wakali a ndime; wa katalika kuseka, a kunyona mutwe wakwe.

Nda kati, “Ino—ino inga waambanzi?”

Kati, “I sikukutauka wamu resitiranti wakati, ‘Amu gwisye oyo!’”

Ba kati, “Peepe, muna America; mumuleke alikke.” Mu kwaamba kumwi, “Ta zyi cibotu pe.” Mwabona?

76 Cindi ni Nda kasika ku Saint Angelo ku Rome (lino, amuyeeye ceeci), ku Vatican mu Rome, Italy, balo baka bikkide cikwankwani kutala kuya ku Saint Angelo: “Ku banakazi bana America: Kamu tana njila mu matobelanwa aa migodi

yakuzikkila bafu, akaka musame zisani mukulemeka bafu”; mbungano ya Katolika. Mwabona?

284. Mubuzyo: Mukwesu Branham, nkookuli Nabwiinga nkwa yooba cindi nyika yaa kubbotoka a kupyaa? Sena Unooli mu busena mbuli bana ba Israyeli mbo bakali mu Gosheni cindi zipenzyo nozyakaloka? Sena Nabwiinga unooli aa nyika kuciindi eci cano citika? Ikuti na kuli boobo, nkuuli? Alimwi sena Nabwiinga oonse uyooba mu busena bomwe ku ciindi ca Kukwempwa?

⁷⁷ I Nabwiinga, cindi nyika yaa kubbotoka...I ciindi ica Kukwempwa ciyooba cakubusya bafu a kubunganya antoomwe kwa baumi, ku...antoomwe a baumi, ku Kukwempwa kuti kukacitike. Lino, pele Nabwiinga...Lino, mwabona, omwe wabo mu Kukwempwa kaindi awa kakutanaba Mileniamu. Elyo cindi nyika yanoopya nkaindi awa kwakwiinda Mileniamu alimwi kwaa kumana Lubeta lwa Cuunocabwami Cituba. Mwabona? I Basalali bayo bungana aa bukwasule bwa nyika cindi Saatani aakuyutuka kuzunguluka Muunzi uyandwa nkabela Leza uyoosya mulilo a silufa kuzwa ku Julu aku banyonyoona. Yaa. Lino, olo Ndugwalo.

285. Akwalo, Mukwesu Branham, Ndila syoma mwanakazi weelede kulibombya ku mulumi wakwe. Pele ikuti na mwanakazi Munakristo ujisi mulumi sizibi oyo walo uutajaniki nokuba kuli umwi wa miswaangano yako... kusika kuli umwi wa miswaangano yako alimwi taka... alimwi uyanda mukaintu wakwe kuno cita zintu, kugela masusu aakwe, kusama tubbudula, a kwiinka ku masena aatali aabuleza, sena mwanakazi oyu weelede kulibombya ku mwaalumi mu nzila eyi? Akaka pandulula eci kabotu maningi, mbuli mubuzyo oyu uubuzigwa kanjikanji.

⁷⁸ Peepe, Mucizi, to yeelede kulibombya ku muntu uuli boobo. Peepe nconzyo. Ku kaambo aka uyoosiya zintu zyoonse a kukakatila kuli Leza. Lino, i cintu...Ikuti na ulayanda... mwaalumi oyo uyanda kupona a nduwe, alimwi waba... kkala koli Munakristo...Pele ikuti walo uyo kubamba kusama tubbudula, kugela masusu ako, a kucita zintu ezi zyoonse zimbi, a kumasena aatali aabuleza, koyandaula lutaanzi Bwami bwa Leza a bululami Bwakwe. Yebo to angidwe ku muntu uuli mbuli oyo. “Pele kufumbwa kuti,” Bbaibbele lilati, “mbuli mbwa botelwa alimwi nkabela ula botelwa kukkala antoomwe (mulayeeya eco?), aba lekwe...”

Elyo lino, ezi, tii Nda lemba Lugwalo, nkambo Nda ibweza buyo (nywebo mwabona?) maminiti masyoonto aainda. Nda bweza omwe lino elyo mpawo mukuti ta Ndi jisi ciindi... .

⁷⁹ Pele Paulo wakaamba kuti kufumbwa buyo kuti balo... mulumi uutasyomi na ujisi uutasyomi...na mukaintu uusyoma na umwi, akube kuti mukaintu uusyoma akkale a mulumi

uusyoma, kufumbwa kuti taciimpene kuli Leza lino. Ikuti na ula botelwa kukkala a nguwe. . . “Ko zumanana, Oyandwa, ikuti na uyanda kwiinka ku mbungano, eco cili kabotu; pele Ta ndi kainki. Ta ndi syomi muli njiyo; taakwe cintu cakucita a njiyo. Pele ko zumanana; eco cili kabotu.” Pele cindi walo aamba, “Yebo tokonzyi kucicita,” lino nceeco cintu caandeene. Yebo to angidwe kuli ceeco mpawo; ula tantamuna zintu zyoonse nkambo ka Leza.

286. Mukwesu Branham, sena cili (Atu bone)...ku muntu ujisi—oyo ujisi uupona, munabukwetene wakalekwa oyo uukwata alimwi katana kuboola mu Mulumbe kukambauka?

⁸⁰ Ee, muli Timoteo Mutaanzi 3:2, na muyanda kulemba ayo, a Tito 1 kusikaku 6 (Nda ilemba eyo), Ndi yanda kuti mubale eyo ku mubuzyo oyu. Mwabona? Ikuti na muntu—ikuti na muntu uyanda mulimo wa bishopo na mukambausi (cintucimwi cimbi mu mbungano), walo weelede kuba a mukaintu omwe buyo. Obo mbombubo! I mukutausi. Lino, eyo ngu Timoteo Mutaanzi 3:2, a Tito 1 kusikaku 6. Lino, Tito 1 kusikaku 6, inzya! Yaa. Lino, amuzibe kuti Bbaibbele lyakati muntu oyo uli mukutausi mu ng’anda ya Leza uyooba a mukaintu omwe. Lino.

287. Oyandwa Mukwesu Branham, mukuyeeyela kwa myaka iili kkumi yainda Leza wakandi swaangana lino a kuponya eco cipego ca luyandisyo, na, kuyubununa obo cipego ca luyandisyo mbo cakabede, alimwi mbubonya mupailo wangu ngwa. . .kuti Ndiyo jokela. Sena Ndiyo citambula Nke tana kufwa? Sena mulumi wangu uyoomvwa Ijwi, a ceeco nce Nde elede kucita?

⁸¹ Oyo mubuzyo uukubwene. Lino, waa kati. . .Lino, mbo cibede awa, na. . .waa kati, “Mulumi wangu,” aboobo Ndi yeeyela kuti kweelede kuti mwanakazi wa kaamba oyu. Lino, waa ka sweekelwa luyandisyo lwakwe lutaanzi. Mwabona? Waa—waa katontola mu Muuya. Lino, Mucizi, ambweni nkaambo uciboola ku mbungano a kucita ceeco ciluleme, tona sweekelwa lufutuko lwako, pele waka sweekelwa lutangalo lwa lufutuko lwako. Davida wakalilila Mwami ciindi cimwi, “Mwami, kobweedezya lutangalo lwa lufutuko lwangu.” Yebo ucili Munakristo, pele Ndi. . .nce yanda kucita, Mucizi, nkwaangulula zintu zyoonse nzyozi kucita, a kuyandaula Leza, a kukomba.

⁸² “Sena mulumi wangu uyoomvwa Ijwi, a ceeco nce Nde elede kucita?” Mbuli Mbe amba cifumo cino, kuba buyo munyo loko: “Muli munyo wa nyika.” Mulumi wako uyo langilila buumi bwako busalali, alimwi mulumi oyo utali musyomi uyoosalazigwa ku Mwami kwiinda ku mukaintu uusyoma. Koyandaula buyo Mwami, kokkala cabubombe, a kukomba

ciindi coonse, kupa Leza kulumbaizya, a kuba siluse ku mulumi wako kufumbwa kuti kayanda kuona a nduwe munzila eyo.

288. Ku kuswaangana kwa Munsondo: Ikuti na mwanakazi wacita cilubide a . . .(Lino, amulindile asyoonto; ncibotu Nda bala oyu lutaanzi kuli lwangu. Nywebo mwabona? “. . . a mwaalumi uukwete, weempwa a kucilulamika kweendelana ku . . . sena uyandika ku . . . mukaintu a mwaalumi bali muli ncico, nekubakuti mukaintu oyu katazi cintu cili coonse . . . ” Yaa. Eci cili kabotu.) **Ikuti na mwanakazi wacita cintu cilubide a—a mwaalumi uukwete, weempwa a kucilulamika ku mulumi wakwe kweendelanya a Magwalo, sena uyandika kwiinka ku mukaintu wa mwaalumi uuli muli ncico, nekubakuti mukaintu oyu katazi cintu cili coonse ca ncico ncazi; na sena mulimo wa mwaalumi ku mwaambila lutaanzi; na sena uyandika kunyonganisigwa? Mbulamfu buti mbo tweelede kuunka mu kubozezya oku cindi camana a kucitwa, elyo acindi bulongwe bwabamo?**

⁸³ Ee, Mucizi wangu oyandwa, kuli buyo cintu cimwi eco nco kacita ciluleme. Waa kabamo, Nda yeeyela, na muntuumwi oyo ngozi wakali mumo, mu mucito mubi, kuti wakatola mulongwe wa mwanakazi nkabela wakaba mucito wankumbatano. Elyo cindi nokacita, awo wakawa kuzwa ku luzyalo lwako. Mpawo wa keempwa, alimwi to kakonzya kweempwa kusikila waka jokela ku mwaalumi oyu a kuyo cilulamika. Yebo weelede kutolelela mulumi wako a kwiinka ku mwaalumi oyo, eco nco kacita. Elyo eco nce cintu nco keelede kucita; olo Ndugwalo, nco keelede kucita.

⁸⁴ I mulindu wakasika kuli ndime kutali ciindi cilamfu cainda nkukonya kuno mu Louisville, kuti waa, mbuli mwanakazi muniini, waa keenda a mwaalumi elyo—elyo mpawo waa . . . Waa kalizi kuti wakali kucita cilubide. Elyo waa kazwa mu dolopo, a kwiinka ku dolopo limbi kulaale, nkabela waa kacinca zina lyakwe, kapona a bantu bamwi. Elyo mwaalumi oyu wa kamuccilila a kumwaambila cindi naakasika okuya, walo kajisi zintu ali nguwe. Waa kacili kweelela kuba mukaintu wakwe wakaindi uzizilwe kuli nguwe pele kakutakwe kusekelela kwa lukwatano na walo na kaziba. (Elyo cindi naakali nkoonya okuya kutala, waa kakwetwe ku mwaalumi Munakristo mubotu.) Elyo wakati na taa kacita, nekunga na kabbotola cintu coonse, ka muyoosya; boobu, waa kacita kuona a baalumi bobile, calo nca kalubizya, mu mweenya waku-tondezya ciimo cakwe kuzwa kumatalikilo. Elyo waa kajisi muvwanda, elyo eno, musimbi utandila myaka iili kkumi alusele yakukomena nkabela taakazi oyo umwi wabo wakali wisi wini kuli nguwe. Lino, wanjila mukwiima kuyaku mweezi, nkabela caka muletela mapenzi. Lino, ino inga waa citaanzi? Nda kati, “Kuli buyo comwe . . . ”

Waa kati, “Ikuti na Nda ambila mulumi wangu, walo uyo ndileka; alimwi ikuti na Nda . . .mwana wangu musimbi wa ciziba, uyo lijaya.”

⁸⁵ Elyo Nda kati, “Ikuti na wacisisa mu moyo wako, uyo inka ku gehena. Lino, kolyeeleka omwini.” Kuli cintu comwe biyo cakucita, nku salazya masifwilila ako. Eco cililuleme ncobeni. Ko syomeka.

⁸⁶ Nywebo mulizi, ziindi zinji mu zilengaano, nzila bantu mbo baboola, banakazi a baalumi; Muuya Uusalala ulafumbulula zintu kuleta nzyo bakacita kungsi lya maumi abo a (mweelede kuti mwaka kumvwa alimwi mwaka cibona, nywebo mulizi. Mwabona?), a ku baambila zintu mbuli mbo beelede ku zicita.

Ba lati, “Ee, Nda—Nda kacilulamika kale a Mwami.” Pele ula kaambo ka ncico ku mulumi wako na mukaintu wako kuyo mwaambila. Mbo mbubo. We elede kulilekelela eco.

⁸⁷ Lino, muntu oyu, ikuti na ngo nguwe ujisi mulandu, waa kacicita; waa kainka ku mulumi wakwe. Lino, yebo wali salazya, Mucizi, nkaambo aakati . . .Yebo—yebo waka cita bumambi ku mulumi wako. Wa kainka ku mulumi wako a kuyo salazya ku mulumi wako, mpawo wakainka ku mwaalumi a mulumi a kulisalazya okuya. Wa salala. Ikuti na mulumi wako wazumanana ku—ku yanda kupona a nduwe, cili kuli nguwe. Ta elede kucicita eno, pele walo—pele ikuti na walo uyanda kupona a nduwe nkabela wa kujatila, mpawo koba mulindu uukubwene kuta yooba mu mulandu wa cintu cili boobo alubo. Pele ikuti na ta kujatili, mpawo oyo wakwe—oyo mulimo wakwe. Ula konzya kukuleka. Mbombubo ncobeni.

⁸⁸ Pele lino, mwaalumi oyo ngo kacita aawe mucito, lino, ngo nguwe weelede kwiinka ku mukaintu wakwe a kubweza mukaintu wakwe kujokela kuli nduwe. Yebo wa kacita cibeela cako, lino nciindi cakwe kucita cibeela cakwe. Mwabona? I bacibeela cabili . . .

⁸⁹ Oyu mwanakazi wakacita mucito a muntu, alimwi wakatola mulumi wakwe, waa kacaamba, alimwi wakainka ku mwaalumi a kucaamba, a ku cilulamika. Lino, mwaalumi wabili wakali mwaalumi uukwete awalo; lino, weelede kuya ku mukaintu wakwe a kubweza mukaintu wakwe a kujokela ku mukaintu oyu. Mpawo calulama. Mwabona Nce pandulula? Mpawo ca bambwa. Pele kunze kwa ceeco, ucino jisi mulandu, a kungsi a moyo wako unoopegwa kaambo.

⁹⁰ Nda kajisi mwanakazi kutali ciindi cilamfu cakainda kutala kuya oyo waka jisi ceeco kuzwa Nkondo ya Nyika Yakusaanguna. Elyo waa kati, “Oh, Mukwesu Branham.” Waa kasowa myaanda ya madollar ku basilisi ba malwazi aakuyeeya a zintuzyonse. Nda kali kkede oko nke mulangilila mu kaanda ako. Meda waka muleta kutala okuya. Waa kali kkede kuya kasina katambala kakwe kwiinda ku maanza akwe mbuli

bobuya, kati, “Nda limvwa kuti nyika iyo bboloka, alimwi Mebo. . .” koonse mbuli boobu.

Nda kazumanana buyo kukkala awo. Nda kati, “Lino, kuli cintucimwi kujatikizya. . . Yebo uujisi cintucimwi mu buumi bwako kumwi?”

“Peepe, Ndili mwiiyi wacikolo ca Musondo.”

Nda kati, “Ncibotu.” Ka kkala aalya asyoonto a kulangilizya. Nda kati, “Nda bona mootokala muniini wa grini, alimwi yebo a mwaalumi wa masusu aasiyuluka ku mutwe, a citima cakali afwi kuuma mootokala.”

. . . ? . . . Waa kati, “Uta kaambili muntu eco!”

Nda kati, “Mulumi wako wakali mu mpi ku ciindi.”

Waa talika kulila, kasotokela mujulu, “Uta kaambili muntu naba omwe.” Mwabona? Eco cakali kulaale kungsi lya gano lyakwe lilyeendelezya. Waa kati, “Nda kali lekelela kale eco kuli Leza kaindi loko.”

⁹¹ Nda kati, “Pele lindila asyoonto. Yebo to kabisizya Leza. Yebo wa kabisizya cikonke ca lukwatano. Yebo weelede kujokela ku mulumi wako a kuyo lulamika eco lutaanzi.”

Waa kati, “Uyo ndisiya.”

Nda kati, “Leza wakakusiya nekuba. Aboobo lino, nguuli ngo yanda kuti a kusiye?” Nda kati, “Koya kuli nguwe.”

Elyo waa kati, “Oh, Ndi—Ndi. . . Inga uyo cita *eci*, alimwi Ndi jisi bana bobile.”

Nda kati, “Ee, nku koonse Nkwe konzya ku kwaambila. Musilisi wa malwazi aakuyeeya inga takonzya kusomona eco kuzwa kuli nduwe, pele Muuya Uusalala wayubununa; alimwi Nsena kubwene mu buumi bwangu.”

Waa kati, “Obo mbombubo ncobeni!” Kati, “Ee, Ta—Ta ndikonzyi ncobeni ku mwaambila.”

Nda kati, “Ee, Nda. . . Botelwa Ku kuswaana.” Kazumanana kuya mu kaanda kambi, elyo waa jokela mukati muya.

Meda wakati, “Ula kuyanda mukati muya alimwi.”

Nda kinka kuya; elyo Nda kati, “Ncinzi nco yanda?”

Elyo waa kati, “Mukwesu Branham, Ta ndikonzyi kwaamba ceeco ku mulumi wangu!”

Nda kati, “Mulumi wako ujisi masusu aasiya ku mutwe.”

“Inzya!”

Nda kati, “Walo ujisi cintu nciconya cakuli lekelela kuli nduwe.”

Waa kati, “Oh, kutali mulumi wangu!”

Nda kati, “Yebo inga cabota wainka a kuyo muleta okuno.” Nda kati, “Sena ulimuzi mwanakazi uuli *boobu*, oyo uusama

dressi lisalalapyu, oyo uubeleka mu ofesi lya musyobo umwi uli *boobu* wa kkampani ya myootokala?”

Waa kati, “Masimpe!”

Nda kati, “Sena taba mwiiti zina lili *boobu*?”

“Inzya!”

Nda kati, “Nsondo zyobile zyainda bakali kkede kuni lya musamu wa bbichi a...kaba kkede mu mootokala Chevrolet niini iisalaluka ijisi mweelwe wa laisensi wa *obu-a-obu*, alimwi bakali mu mucito nguonya.”

Waa kati, “Kutali mulumi wangu!”

Nda kati, “Ncibotu, koya ukamujane a kuboala kokuno.”

Waa kinka. Maminiti masyoonto, mpaawa ba kajoka. Wa kati, “Bwalo mbwini!”

Nda kati—Nda kati, “Yebo wabona? Lino koya kaambile Leza!”

⁹² Pele lutaanzi, cindi wasika ku cipaililo elyo wayeeya kuti kuli kaambo, koya saansi a kuyo lulamika kaako. Elyo kufumbwa kuti oyu muntu umbi awa ujisi mulandu wakutaambila mukaintu wakwe...Mukaintu oyu walo walisalaza. Lino, cili kuli nguwe a mulumi wakwe. Pele mwaalumi oyu umwi a mukaintu wakwe beelela kuboola kusalala muli ncico. Elyo to konzyi...Tacikwe makani eco nco cita, ciyo kupenzya kufumbwa buyo kuti kopona kusikila ukacisalazye. Kuli nzila yomwe biyo ya ku cicita: Ko caamba. Ikuti na cigwisya lukanda kuzwa kuli nduwe, ko cicita nekuba obo. Ko amba masimpe, mpawo wa cibamba kabotu. Ameni!

⁹³ Nda konzya kumvwa aa teepu kwaamba kuti, “Eco cililubide.” Pele kacisoleka buyo ciindi comwe kubona kuti na tacili mbubo. Ncibotu.

289. Mubuzyo wa cifumo ca Munsondo: (Kulubizya nceecino ciindi, pesi...) **A ciindi cakatambula Muuya Uusalala, na lubbizyo lwa Muuya Uusalala, sena kuli lwiindano? Sena muntu ulaamba mu myaambo? Na takuli lyoonse, ino nkulitondezya kulibuti mbo u konzyakuzibwa?**

⁹⁴ Ee, sa inga mwa yezeezya mutumbu kazyala muvwanda nkabela katazi? Inga kano lebukide kuta kuziba. Akwalo tokonzyi kutambula Muuya Uusalala kakutakwe kuuziba. Kuli cintucimwi cikucinea muli nduwe. Mwabona? Kuli cintucimwi cikucinea. Bubambe bwako boonse, bubambe bwako boonse bwa kumuuya bambwa bupya alubo, elyo waba cilenge cipya muli Kristo, mbuli Bbaibbele mboli cibikka, i *cilenge cipya* muli Kristo. Yebo uli cizi.

⁹⁵ Lino, yebo wati, “Mukwesu Branham, nkokuti tosyomi kuti muntu weelede kwaambaula mu myaambo ku kutambula Muuya Uusalala.” Kutali kutondezya kuti ujisi Muuya Uusalala.

⁹⁶ Nda lombozya kuti zizo zyoonse zyamu mubungano yangu zya kaambaula mu myaambo. Ndila yanda kuti balo kabacita ceeco, alimwi ikuti. . . Ndila syoma ikuti na wa lombamba Leza, Leza uyoupa kuli nduwe. Pele leka ndi kwaambile; Ndi lizi bantu banji baambaula mu myaambo nkabela taba jisi Muuya Uusalala. Elyo takukwe mukutausi uuli syoma a mbunga yakwe pele kuti uyoambila mbunga yakwe nciconya. I dyabulosi inga walikozyanya kuli ceeco.

⁹⁷ Paulo wakati, “Nekubakuti Nda amba a myaambo ya bantu a baangelo, nekubakuti Nda pa mubili wangu kuti utentwe mbuli cituzyo, nekubakuti Nda mvwisa maseseke oonse aa Ijwi, nekubakuti Nda abila lubono lwangu loonse ku bacete, alimwi zintu ezi zyoonse, nkabela nke tajisi luyando, nokuba Ndi cili wabuyo. Ndili jisi lusyomo lwakuti inga Nda zyula malundu a zimwi zimbi; Ndi cili wabuyo.” Mpawo wa kati, “Eco cili mu cibeela ciyo maninina cindi malondosi aboola,” na, “cindi ayo malondosi aku yubununwa.”

Lino, Ndi jisi mubuzyo kuli ceeco. Nda syoma Ndi sike kuli nguwo sunumasiku, kujatikizya ceeco cakacitika kucindi Zinatimizyo niza kajulwa. Elyo Nda yeeya ambweni ciyo lulamikwa kuli ndinywe ku mubuzyo oyu.

290. Mubuzyo: Mukwesu Branham, ino tucite buti? Cintucimwi cindi sinkilide ncakuti Nse konzyi kuzwidilila. Ciindi cabutololo cakamana, Nda kalota kuti Nda kali swekede mu museenga uutuba. Kwakali kuya kusiya; Tii ndaka konzya kujana nzila yangu. Ciloto eci cakkala a ndime kuzwa ku ciindi cabutololo cakamana. Lino, Ndili mbuli umwi uugugulika mu mudima. Mwana wangu (E-r-v- . . .), Ervin, a mukaintu bakali sanganizidwe mu ciloto cangu. Lino, abalo bali mu mudima. Tuli mu kupenga—tuli mu kupengana. Ndila syoma kuti Leza uyo kutondezya mbo cibede—mbo cibede mu myoyo yesu lino. (Muka. . . Oh, ncibotu.) Ikuti na tuli lubide na masena aakubisya, ko twaambila. Tu yanda kululama.

⁹⁸ Ta ndimuzi mulindu, pele Nda limvwa buyo ikuti na mpoli aano, mulindu, kuti ndeeli penzi lyako. Yebo wakalekela cintucimwi kucitika kuli nduwe caka kubamba kulibilika, nkaambo kuba mu *museenga uutuba* ciiminina “kunjoloma a bululami.” Elyo ulekela biyo Saatani ku bikka cimwi ali nduwe. Ciloto cako cakatondezya kuti taakwe cintu cilubide. Yebo ulibilikide buyo, elyo mukucita ceeci a kuyeeya ceeci, uli mukubamba mukwasyi wako oonse kulibilika. Leka kucita ceeco; kotaminina nguzu zyako zya kapegwa aa Leza. Ciloto cako cilatondezya kwiinda ku bupanduluzi kuti muli *mu* museenga uutuba. Zyoonse zintu zili kabotu. Nduwe buyo, lwako, kulibilika.

⁹⁹ Elyo ucitya cimwi cizo ca mukwasyi kulibilika, elyo cizo citobela, a cizo citobela, elyo cintu citaanzi nyoonse mula kwankwana a kuyabuya. Elyo cizo cimwi ca mukwasyi cila baanga canyongana kujatikizya cintucimwi, cila nyonganya cimbi, a cimbi, a cimbi, elyo cintu citaanzi mulizi mukwasyi oonse wanyongana. Ngu Saatani. Mpawo ikuti cizo cimwi ca mukwasyi cabotelwa, lekela zimbi kubotelwa aa ncico. Aboobo zyoonse zya mukwasyi zila sola kucita ceeco.

¹⁰⁰ Soleka, umwi umwi wanu no bana, ku kugwasya bauso, bamaama. Bamaama, yebo. . . Taata, ku soleka kugwasya bana. Ta lekeli, muuya wa kutasyoma wabuusu ku kubungilila. Muli Banakristo. Mwaka zyalwa ku Muuya wa Leza. Muli munyo wa nyika. Muli jisi nguzu zya kapegwa aa Leza. Elyo Bbaibbele lyakati, “Ikuti na kuli kulumbaizya kumwi, ikuti na kuli bubotu bumwi, amu yeeyele aa zintu ezi.” Muta yeeyeli kujatikizya cintu cibi.

Elyo Mucizi, Ndi yeeya kuti ndepenzi lyako, Mucizi uyandwa.

Nda konzya kukkala ali oyu kwa ciindi cilamfu loko, pele kweendelana a nce Nda syomezya, maminiti buyo ali makumi obile. . . Elyo Nda yanda kubweza buyo minji ya yeeyi. . . ikuti na takukonzeki, kwijjosya biyo aa desiki nkabela Ndiyo ibweza alubo.

291. Bamwi baamba kuti Mukwesu Branham ngu Mwana wa muntu. Nda kali kuyeeya kuti Musumpululo wa Mulilo ngu wali Mwana wa muntu. Sena Ndili lubizizye?

¹⁰¹ Ee, oyo mubuzyo mubotu, mubotu maningi. Pele Ta ndili Mwana wa muntu, pele mwana wa muntu. Kuli lwaandano lukubwene. Jesu Kristo wakali Mwana wa muntu, Mwana wa Leza, Mwana wa muntu, Mwana wa Davida.

¹⁰² Lino, kaambo mubuzyo oyo antela nco wa kabuzigwa a muntu oyu na mu kwaambwa, nkaambo bantu bandi langanya kuba mulunguluzi, kwalo Nkwe tana. . . Ndi jisi mubuzyo omu undi kazya canguzu aali ceeco. Mwabona? Pele Ndi—Ndi—Ndi. . . nywebo—nywebo. . . Cindi ni Nda kabala mibuzyo eyi muyo bona kaambo Nce ingula zintu mu nzila Nje cita. Mane Ndaba mu ciimo cakasimpe kusololelwa kucita cintucimwi (mwabona?), mpawo Ndiyo—Ndiyo amba eco Nce elede kwaamba. Pele oora eelyo talina sika.

¹⁰³ Aboobo Nseli—i—i Mwana wa muntu unanikidwe. Ta nditaminini kuba musinsimi Wakwe. Ziindi zinji Nda kacaamba cindi Ne ndatakali kuyeeya kuti Nda caamba, kalijata lwangu aa teepu. Pele Ndila amba eco zimwiziindi, nkaambo na muyanda kucipa mu bwaambe, i *musinsimi* ngu mu bwaambe Chikuwa walo “i mukambausi” buyo. Kufumbwa muntu ulizi eco; kojana dikishionari. Mwabona? I *musinsimi* walo “i mukambausi” mu dikishionari lya Chikuwa. Pele mucu Hebrayo naci Giriki, i

musinsimi walo “i mulunguluzi, umwi uubona zintu zili kumbele a kwaamba zintu ziciza.” Pele mu bupanduluzi bwa Chikuwa, i *musinsimi* walo “i mulunguluzi.”

¹⁰⁴ Aboobo Ta ndiyandi kuliita cintu cili coonse pele mukwesu. Ndili mukwesu wanu, alimwi kamu ndilanganya buyo mbuli Mukwesu Bill, na Mukwesu Branham, na kufumbwa mbo mu yanda kucita kujatikizya ceeco. Eco—eco—eco cili kabotu, eco—ncibotu loko. Eco nco musyoma, kamu cibamba kuli lwanu. Nywebo mwabona?

¹⁰⁵ Elyo lino, wali buti mubuzyo umbi uutobela? Ndali samba maningi muli eyi, Nda ziluba zintu mbo zyabede. Umwi wayo wakali, “Sa Nda kali Mwana wa muntu?” alimwi . . . Ngooyu mbo ubede Nda syoma. “. . . i Mwana wa muntu na sa Musumpululu wa Mulilo Mwana wa muntu?” Peepe! I Musumpululu wa Mulilo bwalo Mbunanike.

¹⁰⁶ I Musumpululu wa Mulilo . . . Lino, eci inga canjila mukusakana aniini cita nywebo bamwi no basilwiiyo lwabukombi, Mwii. Vayle, antela Mukwesu awa, a bamwi bakutausi awa kuzwa ku Arkansas, a beenzuma bangu babotu koonse, antela inga baziba.

¹⁰⁷ Lino, Musumpululu wa Mulilo ngu *Logosi* oyo wakazwa kuli Leza. I *Logosi*, uuli mu bwini mbube bwa Buzule bwa Leza. Cindi Leza naakaba mu ciimo eco Bwa kali kukonzya kubonwa, Bwakali bunanike bwa Muuya mupati oyo wakayutuka, Nku selukila muciiimo caansi, kuseluka aansi, Leza, Taata, *Logosi* oyo wakali atala lya bana ba Israyeli, kuti . . . Wa kali kusalala, taakali kukonzya kubweza cibi. Kwa keelede kuba cituulo ca bulowa moonya mu Edeni. Mpawo ulya *Logosi* wa kaba mubili a kukkala aakati kesu; alimwi oko oyo *Logosi* mwa akakkala mu mubili wabuntu, oyo wakali cituuzyo . . .

¹⁰⁸ Cindi muntu nakabambwa mu cinkonzya ca Leza . . . Elyo mpawo Leza wakaseluka ansi mu cikozyanyo ca muntu kuti anunune muntu; eco cakaleta muntu a Leza kuba antoomwe. Majulu a nyika zyakabukatana a ku myontana; Leza a muntu baka swaangana mbuli Bubebwataata a ciimocabwana cindi *Logosi* niya kaba mu mubili a kukkala aakati kesu.

¹⁰⁹ Jesu wakati, “Nda kazwa kuli Leza, alimwi Ndi ya kuli Leza.” Sena eco cili luleme? Nokwakamana lufu, kuzikkwa, bubuke, a kuyakujulu Kwakwe, cindi mubili nowaka tolwa kujulu kuyo kkala ku janza lyalulyo lya Leza . . . Lino, Ta ndaambi kuti Leza ujisi janza lyalulyo, Leza walo Muuya. Pele *ku janza lyalulyo* caamba “mu nguzu a bwami bwa Leza.” Kuti mu Zina eelyo zintuzyonse mu Julu zyakaulikwa Ndilyo a kuba kungsi lya Ndilyo. Zintuzyonse aa nyika zyuulikidwe Ndilyo a kuba kungsi lya Ndilyo, Zina atala a mazina oonse, Jesu Kristo.

¹¹⁰ Lino, oyu *Logosi* wa kali muli Nguwe, walo wakali Muuya wa Leza, Bunanike, kwiinda ku luzyalu lusalazya lwa Bulowa,

lwakaleta bana banji kuli Leza, abo bananikidwe a nguwenya oyu *Logosi*.

¹¹¹ Lino, aa buzuba bwa Pentekoste Wa kaseluka ansi, oyo Musumpululu wa Mulilo, akwaandaana mbuli boobo, elyo milaka ya mulilo yakakkala ali umwi aumwi wabo, kutali milaka yabo, pele milaka ya mulilo yakakkala ali umwi aumwi wabo, nkamu, nsale ikketedwe, yakalizibya kwiinda ku Musumpululu wa Mulilo, kutondezya kuti Leza wakali lyaapawide Mwini kunjila mu muntu. Sena mwa cimvwa? Leza, *Logosi*, kalyaapaula Mwini kunjila mu muntu! Leza, kutali mu muntu omwe, Uli mu Mbungano Yakwe yoonse mu nyika. Ako nkekaambo Jesu ncaakati, “I milimo eyo Nje cita muyo icita a nywebo, minji.” Lino, Ndi lizi King James ilati, “mipatiloko,” pele busanduluzi bululeme buliko “*minji* kwiinda yeeyi muyo icita.” Leza wa kalilongela kulinjizya mu Muntu omwe, Jesu Kristo. Pele lino Wa kalilongela a kulinjizya mu Mbungano ya boonse mboizulwa iya Leza Muumi.

¹¹² Ndyoonya lino, kuciindi Leza nali waano kaambaula a ndiswe mu myoyo yesu, Uli mu Africa, Uli mu Asia, Uli mu Europe, Uli mu England. Koonse oko basyomi nko babungene antoomwe, mpaawo Mpali aakati kabo.

¹¹³ Lino, nokwakamana lufu, kuzikkwa, a kuyakujulu Kwakwe, alimwi kuboola kwa Muuya Uusalala, Paulo mu lweendo lwakwe kunselelo, oyo wakali Saulo, mu nzila ku Damasiko, wa kauminwa aansi ku Musumpululu wa Mulilo, *Logosi*. Elyo oyo mu Juda taakaita ulya Musumpululu wa Mulilo kuti, “Mwami,” citakuti wa ka Uziba kuti wakali nguwenya *Logosi* oyo bantu bakwe ngoba katobela kwiinda mu nkanda. Mwabona? Lino, oyo taakali Mwana wa muntu, oyo wakali *Logosi*.

¹¹⁴ Lino, tu laamba eci a bulemu, a luyandisyo, a kulemeka. Mwabona? Mbuli Jesu Kristo mbobuca nguwenya, sunu, amuyamyaka, akwalo kuti ku mazuba aamamanino, mbuli mbo kwakabede kaindi kuciindi ca Lota, na mu ciindi ca Lota mu Sodoma, mbubonya mbo kuyooba mu buzuba obo Mwana wa muntu anoli yubununa Mwini alubo, kuliyubununa Mwini. Lino, mu mazuba aya aamamanino *Logosi* oyo wakali ali Jesu, oyo Wa kaba kuzwa kuli boobo kujokela ku Musumpululu wa Mulilo alubo nkabela waselukila ansi aa nyika ku (Ni ndaamba cintucimwi, pele Ndi langilila teepu. Taba ka syomi eco ikuti na wa baambila. Inga tii cabamba lwaandano luli loonse. Balo. . . Bantu inga tiiba cisyoma, pele Ndiyo sotoka eco), pele wakaselukila ku, mbuli lubeta luvwentauzya kalucitika.

¹¹⁵ Elyo lino, oyo Musumpululu wa Mulilo mupati oyo wakalizibya cakumaninina akwalo kwiinda ku kkamera yasayaansi, kuteeti ano a nyika sunu. . . Nceeco cifoto ca Nguwo kacilengelela oko. Nda syoma uciliko, embo na? Sa nkouli? Waka tondezegwa munzila yasayaansi kwiinda ku mubotu wiinda ngo

tu jisi. George J. Lacy, mweendelezi wa FBI ulanganya zidindo zya mpela zya tunwe a makani a mapepa, kati, “Nda ka wiita kuti lwangu kuba lwiiyo lwakulilemeka kwa mizeezo, Mufundisi Branham, pele,” kati, “mumuni wakauma maleensi. Nda ubikka ku mimuni ya ultra-reyi nkabela kwaka jisi kulangwalangwa kuno kwa mazuba one a osanwe. Elyo mumuni wakauma maleensi. Elyo maleensi aya taka bwezi lwiiyo lwakulilemeka kwa mizeezo!” Lino, oyo watondezegwa.

¹¹⁶ Mpawo amulange milimo ya Nguwo. Walo, akati kesu, ula tondezya nguwenya Jesu oyo wakali kupona cimwi ciindi mu Palestine, Muuya nguwenya wakali aali Nguwe wakaboola kwiinda mu Mubili kusikila Walo wa jokela ku Bweendelezi alubo, uuli Ngu boola cainoino kuzootaminina Mubili. Ameni! I Mutwe uboola ku Mubili. Mwa ci mvwa? Oyo uyooba Mwana wa Leza, Mwana wa muntu, Mwana wa Davida, NDIME, Duba lya Saloni, Mpana yaku Kkuti, Ntanda yaku Bucedo.

¹¹⁷ Ta ndili Nguwe; Ndili mulanda Wakwe. Elyo Musumpululu wa Mulilo tali Nguwe; Walo uli muciiimo ca Muuya (mwabona?) oyo wakali aa Mwana wa muntu elyo waboola lino kuzoonanika bana ba muntu, kubweedezya mulimo mbubonya buyo mbuli Mbwa kaamba kuti kuyooaba, kutegwa Mutwe a Mubili onse ziswaangane antoomwe.

¹¹⁸ Mbubonya buyo i—mbubonya piramidi mbuli Enoki nja kayaka. Elyo tula jana mu piramidi eyo, tiiba kakonzya kubikka bbwelyansonje atala lyayo. Nkaambonzi? I Bbwelyansonje li ciboola. I ntaamo zili ciloba mu i—mu piramidi...Tuyo langalanga eco buzubabumwi, elyo Ndi yanda buyo kuyo mutondezya obo mbo cilondokede kwini ku Lugwalo.

¹¹⁹ Elyo lino, ikuti na mwalanga a mali dollar lyanu yaa America, eelyo bbwelyansonje, liso, yaamba kuti, “I Caando Cipati.” Ciyoo boola.

Elyo amulange mabwe aayo...Sena kuli muntuumwi kuno wakasola kuba ku mapiramidi aamu Egepita? Ee, ikuti na muyo langisya...Inzya, awa, kuli maanza kutala kunze awo. Ncibotu. Mabwe aayo ali bikkidwe mukati muya cakulondoka loko, alimwi aatala awo, oko nkombole mbuli mukati atala lya njiyo, cindi bbwe eelyo lyaboola, li yooba mbuli daimondi kiyyela kabotu ansi mukati muya cakulondoka ncobeni muli njiyo.

¹²⁰ Lino, bbwe eelyo nelyata keela ansi awo aa tako elyo lya ntalisyo, nanka kuteela mu ntalisyo ntanzi na ntalisyo yatatu. Liyo eela buyo a ntalisyo yaatala, cindi buyake boonse bwa kwela mu bbwe. Elyo Jesu takonzyi kuboola mane Mbungano, Mubili wa basyomi a mulimo oyo Ngwa kasiya ciindi cimwi uyo oelela kuba nguwenya mpawo mbuli mbo wakabede kaindi ku...Elyo mpawo, eco cile...“Balo kakutakwe ndiswe taba londolwi pe,” Paulo wakati, Hebrayo 11. “Kakutakwe ndiswe taba konzyi kulondolwa.” Ba leelede

kuba a mulimo oyu wakubusya bana Lutherani, bana Wesleyi, a boonse babo kwiinda muciiindi cakatobela mu makkalo abo. Cindi eco caakusika, cindi cibeela eco ca kooko basikwaze nkoba bungene. . . “Mbubonya mbuli mutunta oko basikwaze bayo bungana,” mubuzyo mbo wakabede. Oh, cili londokede ncobeni. Nda syoma oko kwaingula mubuzyo.

292. Mukwesu Branham, sena Saatani ula konzya kubelesya cipego ca myaambo na businsimi mu muntu oyo uujisi Muuya Uusalala?

¹²¹ Oyu nguumwi mubotu embo na? Iiyi, munene! Ikuti. . . Weelede kulangisigwa, kabotu loko loko. Ikuti na mwalanga mu Bakorinto Bataanzi 14:29, nywebo nomuyanda kucilemba. . . Mwabona? I—i muntu wakalemba oyu taka saina zina lyakwe; waamba buyo kuti, “Leza aku longezye.” Mwabona? Mu Bakorinto Bataanzi 14:29 tu jana kuti kufumbwa cipego mu mbungano ceelede kusunkwa lutaanzi. Mwabona? Mwe elede kupakamana, nkambo myuuya mibi ila sobelela mukati. Nkaambo amuyeeye, invula ilawa a baluleme a bataluleme. I mvula njiyonya yakatuminwa kusimya maila akwalo ila simya nsaku, maanzi ngaonya. Mbangaye bazi boobo? Lino, eco ceelede kusalazya lunyungu lwa nzoka kuli ndinywe mpawo, obo mwana oyu mbwa akaboola. Ndi soleka kuusala awa kuubamba nke tana manizya ciindi cangu, pele Nse konzyi kuujana: aboobo, obo mwana oyo mbwakali wa lunyungu lwa nzoka. Mwabona?

¹²² Leza ulijisi mulao. Lino, ali ceeci, mu mulao oyu iwa Muuya wa Buumi mweelede kulangisisya, nkambo Saatani ulasobelela kunjila mukati.

¹²³ Elyo Paulo, cindi cintucimwi ni cakayubununwa ku muntuumwi, ceelede kuba a babetesi bobile na botatwe nobaceya kacitaninga kukonzya kwaambwa kumbele lya mbungano.

¹²⁴ Lino, akwalo kuno inga Nda cileta eci. Nda bona wangu. . . Ta ndiyeeyi kuti Mukwesu wangu nkwali sunumasiku, pele muntuumwi waka fubaazya muntuumwi wakazwa ku cikombelo a kwiinka kunselelo kuli ya Mukwesu Junior Jackson ku kubungana. Kati, “Ba kainka kunselelo aakati ka ‘bayuni bafwide.’” Sena tomvwi bweeme kwaamba bukanazi mbuli boobo? Fumbwa na nduwe ni, na uli mwana kuno muli Kristo, Nda fwa bweeme nkambo ka nduwe. Uta citi cintu cili boobo. Junior Jackson mukwesu wangu. Don Ruddell mukwesu wangu.

¹²⁵ Ee, kaambo ka ncico, nkambo cindi Ni ndakabamba mbungano kuno mu ncililanwa imwi, cindi Ne kajokela, ku kubona ikuti na inga Ndi jana kuyubululwa kwa zipigo, cisela ca mbabo bakasomauka kuzwa kuli njiyo. Nkaambo cindi nokali kunga watalika kwaamba, na kukambauka, na cintucimwi, caka sika. . .Cakalikunjila mubusena bwakuti to kali kukonzya kukambauka cita kwakali muntuumwi kwamba

mu myaambo, muntuumwi kupandulula, muntuumwi kupa bupanduluzi; nkabela cisela ca ncico taakwe akwalo ne cakacitika.

126 Lino, Ndila syoma mu kwaambaula mu myaambo. Ndila syoma mu bupanduluzi, pele ceelede kuba cintucimwi cigama ku mbungano, kutali, “I Mwami ulaboola linolino,” na cintucimwi—calo cili kabotu. Pele, “Muta belesyi kwiinduluka kwabuyo,” Jesu wakati, “mbuli mbobacita bahedeni.”

127 Ceelede kuba cintucimwi. “Koya uka mwaambile Mukwesu *Niini-a-niini* cintu cimwi ncakacita a—a ku. . .” “Baa, koya kaambile Mukwesu, Mucizi *Niini-a-niini*, cindi nakacita cintu citeenene kunselelo okuya buzuba bumwi, waa kasotoka milao ya mulumi wakwe. . .cikonke ku mulumi wakwe. Ikuti ata cilulamiki—cilulamiki, Muuya Uusalala uyo munyonyoona.” Mpawo mu jisi MBUBOBU MBWAAMBA I MWAMI!

128 Mpawo kuzibya cibi eco. Nde ndilyo notuba a mbungano mbuli mbo yakabede cindi Ananiasi a Safira niba kanjila. Mpawo tu jisi mbungano iimvwi kaitomede.

“Oh,” yebo wati, “Mukwesu Branham. . .” Mulombwana umwi, Nda kamwaambila eco; wa kati, “Ee, utubikka loko aa mbaakani.”

129 Nda kati, “Sena Ta ndili aa mbaakani kutala kuya ku beenzu Mbe ntana bwene mu buumi bwangu? Pele Ndi jisi lusyomo a kaanzambwene muli Leza wangu Oyo waka ndituma kucita ceeci, alimwi taakwe ciindi comwe nicaka lubide na nociyo lubila kufumbwa kuti ngu Leza.” Mbo mbubo.

130 Kutali kwaambaula mu myambo a zintu mbuli zeezyo. . . Ndi syoma kuti myaambo eyo a bantu abo bajisi zipego ezyo, ikuti na Mbanakristo beni nkabela bajisi kuyandisya muli nzizyo, bayo swaangana lwabo antoomwe, nkaambo. . . a kupa myaambo a bupanduluzi bwabo a kubona nco bakonzya kucita kusumpula Bwami bwa Leza. Ba jisi mulimo wabo beni, pele tuzulilwa kuno aakati baswiilizi oko i—basizibi nkobali mukubelekwa a zimwi zimbi. I Bbaibbele lyakati, “Bayo amba kuti tamu yiide.”

131 Ziindizimwi balo balabula bulemu loko ancico a—a zimwi zimbi. . . Kutali nkamu yesu kuti tai jisi, pele Nda balekela kuya kumbele kwa kaindi. Nda kati, “Amu cilangilile.”

132 Lino, Nda kaambila bakwesu (kuli bakamboni botatwe aano bazi eci), Nda kati, “Mu cileke cilikke. Kwainda kaindi Ndiyo—tuyo ziba naa nca Leza na pe. Ikuti na tacikonzyi kwiiminina kukomwa, mpawo mwana wa musokwe.” Mbombubo ncobeni Bbaibbele nco lya kaamba. Elyo cindi kukomwa kwasika, ncinzi cakacitika? Sena Nda kamwaambila eco kwa ciindi cilamfu? Mwabona? Amubuzye mweembeli awa.

Wa kati, “Ino makani aa *ceeci* a *ceeco*?”

133 Nda kati, “Ko cileka cilikke! Balo mbavwanda. Ta tukozyi kucibeteka, pele langilila cindi caboola ncobeni kukumvwisya kwini ku Ijwi.”

134 Lino, Mukwesu Junior Jackson wakali jisi nguzu zya kuta zuminana a ncico. Walo uyanda mbungano yakwe... I bantu boonse bayanda kwaambaula mu myaambo azintu mu baswiilizi. Ayo mapenzi aa Mukwesu Junior; eco cili—eco cili kuli nguwe. Pele Junior Jackson ulasyoma Mulumbe oyu mbubonya mbuli i... kufumbwa oonse wesu ulacita. Walo nguumwi wesu. Alimwi tali “muyuni ufwide” kwiinka okuya. Junior Jackson muntu wa Leza oyo Ngwe yanda a moyo wangu woone. Elyo tako kuno sunumasiku, kutegwa inga Nda citondezya munzila Nje yandakucita.

135 Elyo—elyo Don Ruddell... Ta ndi yeeyi ikuti Don nkwali kuno sunumasiku, nkambo bajisi mbungano yabo iini. Pele ikuti na Nda bona muntu uuli woone kaboola ku cikombelo eci, wazwa a kuya kuli Don Ruddell, na—na Mukwesu J. T. Parnell, na Mukwesu... kufumbwa umwi wa bakwesu abo kuno aba basicisima ba Bwami, inga Nda botelwa nkabela inga Tii ndaziba cakucita. Inga ndati, “Mwami, ko zuzya imwi eyi kusule alubo. Atwii sukumune a kuzuzya imwi iimbi.” Inga nda ciyanda. Inga ndayanda kubona balombe abo... Balo bangu—mbana bangu.

136 Lino, J. T. na—na kufumbwa wa boonse babo taelede kusyoma mbubonya mbuli Mbwe cita; ta beelede kucita boobo. Mbuli mbo Nda mwaambila cifumo cino, Ta ndizuminani akwalo a mukaintu wangu, na taelede kuzuminana a ndime. Ino kuli Nda unka ku tafule nkabela Junior wabweza paii ya appele elyo Mebo paii ya cheri. Mukwesu, toonse tulya mapaii, toonse tula zuminana eco, pele... Elyo toonse tukambauka Makanimabotu akozyenye. Lulayo lwa mbungano yakwe...

137 Nywebo mulizi, Petro a Paulo baka jisi kwiimpana, kutali mu njiisyo yabo, pele kunzila Petro mbwaakali kulilemeke mwini. Ba kali jisi i—ikwiimpana kuniini muli nkuko, pele tiikwaka baanzaanya pe. Ba kali babunyina. Baa, masimpe tu yooba aa kwiimpana, kutali kwiimpana... Ta ndizuminani aba Assemblisi ya Leza. Ta ndizuminani a tuyanza twabo, pele kuli bantu banji mu Assemblisi ya Leza abo bali mbakwesu bayandisi. Ta ndizuminani a njiisyo ya Babumwi, pele kuli banji bantu abo bali mbantu bayandisi.

138 Ndila zumina... kutazuminana a bana Baptisti, a bana Presbyteria a tuyanza twabo, pele mukati muya, kuli Banakristo beni.

139 Kumwi na cimwi masakati aya Nda vwiila telegramu. Nda iimpya. I mukwesu, mukambausi wa Baptisti, wakati uyo... kali kuyandaula kwa ciindi cilamfu kuboola ku busena... na kusika

ku busena oko muntu nkwaalemeka Leza mukati muya mu busena bwa kulemekana umwi aumwi.

¹⁴⁰ Elyo mukwesu muyandisi uboola ku mbungano eyi kati, “Ndiyo kutola kubusena buli boobo.” Wa kali kusukamina kusika kuno, muna Baptisti. Nywebo mwabona, bali mwaikene kumasena oonse. Inga tii ndazuminana a kayanza kabo, pele Ndila yanda bacibeela cimbi...?...Aboobo mu taambi ezyo kujatikizya bakwesu.

¹⁴¹ Lino mukati muno, zipego ezi...zyeelede kulangililwa. Taakwe cipego...Kweelede ku cilangilizya. Saatani inga wakkopela kufumbwa cipego. Amulange ba Beatosi aba eno baya bukkopela kuponya kwa Buleza: busofwi, tombe, bolede, kwaka talikila mu gehena. Mwabona? Ncibotu.

293. Sena Daniele wakali muntu wane mu bbila lya mulilo nkaambo wa kali musinsimi mu bukkalo obuya?

¹⁴² Peepe, wa kali Jesu. I Muntu wane wakali i...mbuli Mwana wa Leza. Ta ndiyeeyi kuti wakali musinsimi, nkambo walo wakali mudindi lya balavu; pele inga tii Nda—Nda syoma kuti Daniele wakali mu bbila lya mulilo. Ta—Ta ndikonzyi pe... Lino, awo inga kono luleme, pele mpawo oko nkuyeeya buyo kwangu.

294. Mukwesu Branham, muli Matalikilo 6 a kapango ka 12, Leza wakati bantu boonse bakabisya nzila yakwe. Sena eci cijisi kutondeka ku kulekana a lukwatano? Ikuti na mbombubo, sa Jesu taka jisi kutondeka ku cintu nciconya cindi Na kati, “Mbuli mbo kwakabede ku mazuba akwa Nowa, mbubonya mbo ciyooba cindi Mwana aa muntu aakuyubununwa” muli Matayo 24, kapango ka 38 a 39?

295. Mukwesu Branham, sena kuyooba bana bayo zyalwa mu ciindi ca Mileniamu...myaka iili cuulu Mileniamu, myaka iili cuulu comwe kulela kwa Kristo ano aa nyika? Na kuyooba citondezyo cili coonse aa nyika...cibi cili coonse (mundi jatile) aa nyika kuciindi eco; alimwi sa kuyooba bantu aa nyika mu mibili yanyama ku ciindi eco?

¹⁴³ Ndiyo soleka buyo kuyiindamo cakufwambaana kwini. Lino, muli Matalikilo cipati 6, kampango 12, Leza wakati bantu boonse bakabisya...Inzya, olo lwakali lukwatano, kulekana, a zintuzyonse zimbi. I Bbaibbele lyakati, “Mbuli mbo kwakabede mu mazuba akwa Nowa, nzila mbo bakali kukwata, a kukwasigwa,” a zimwi zimbi mbuli zeezyo. Eeco ncimwi ca zitondezyo zya ciindi camamanino, cimwi buyo ca zitondezyo.

¹⁴⁴ Lino, ikuti na nkukoonse nyika ncoyakali kucita, Ta ndikonzyi kuciita kuti ncizibyo ca ciindi camamanino, buyo Mbwe takonzyi kwiita kwaambaula mu myaambo kuba cizibyo ca Muuya Uusalala. Nca bwini kuti kweelede kusika ciindi lukwatano a kulekana nekuyooba buyo mbubonya mbuli mbo

kwakabede mu mazuba akwa Nowa, pele kuli zintu zinji loko zimbi zyeenda acalo; ncimwi buyo ca zitondezyo.

¹⁴⁵ Elyo kwaambaula mu myaambo ncimwi ca zitondezyo zya Muuya Uusalala, pele kutali citondezyo citonkomene ca Muuya Uusalala, kutali biyo banakazi a baalumi kukwata a kuleka a kukwata alubo. Eco inga teecaba citondezyo cilikke. Ikuti na eco nce cimwi biyo cakaliko, inga tii Nda ciita boobo. Mwabona? Zintu zimwi zyeede kweenda antoomwe a kwaambaula mu myaambo na kufumbwa cipego cimbi kucibamba kuba ca Leza.

¹⁴⁶ Lino, “Sa bana bayo zyalwa kuciindi bulelo bwa Meleniamu ya myaka iili cuulu?” Oyo ngo mubuzyo mu miyeeyo yangu, ngo Nda kamwaambila buzuba bumwi. Ta ndizi. Uboneka oonse mbuli mbo ukonzya; uboneka oonse mbuli kuti taukonzyi kuba. Ndi yooba uusyomeka kuli ndinywe mbuli Mbwe zyi nzila ya kuba. Ta ndizi kuli ciindi cino. Ikuti na Leza wasola ku ciyubununa, Ndiyo mwaambila. Pele amulindile; ceelede kuzwa kuli Leza. Muli bana bangu. Inga tii ndamwaambila. Ta ndizi naa kuyooba nanka ta ku kabi. Nse konzyi kwaamba.

¹⁴⁷ “Na sa kuyooba cibi aa nyika kuciindi eco?” Peepe! Ta kukabi cibi aa nyika. Saatani ula angidwe.

¹⁴⁸ “Elyo sa kuyooba bantu aa nyika mu mibili yanyama kuciindi eco?” Iiyi, munene! Tu yooba aa mibili yabulemu mpoonya ano aa nyika, kulya, kunywa, kuyaka maanda, a—a—a kupona mbubonya buyo mbo tucita lino kwa myaka iili cuulu. Calo—calo nkupumuna kuzwaa kukwatana kwa Nabwiinga a Sibwiinga.

296. Mukwesu Branham, ino Jesu wakali kwaamba nzi muli Matayo 12, kapango 32, awo Jesu mpaakati, “Kufumbwa muntu uwamba bbala lyakusampaula Muuya Uusalala, oyo ta kalekelelwi, nekuba mu inyika eyi, naanka mu inyika iiboola”? Akaka kondi pandulwida tupango otu twa Lugwalo. Nda lumba. Elyo kujisi zina lya mwaalumi; walo mukutausi. Ncibotu.

¹⁴⁹ Mukwesu, Ndili . . . uli silwiiyo lwabukombi, Nseli obo. Pele Nda yanda kwaamba ceeci, kuti Jesu wakati, “Kufumbwa oyo uyooamba ijwi kusampaula Muuya Uusalala ta kalekelelwi.” Mu majwi amwi, ku cibikka amwi aa Lugwalo, “Zibi zya musyobo oonse ku muntu ziyo lekelelwa, pele kusanka Muuya Uusalala bantu taba kalekelelwi.” Kusanka Muuya Uusalala nku fubaazika, kutongauka, kuubausya, kucita cintucimwi mbuli ceeco nku kosola munyinka akati ka ciluzi a cilubide.

¹⁵⁰ Lino, ikuti na wabona Muuya Uusalala . . . Kupa mukozyanyo, ino kuti Muuya Uusalala waboola aansii awa a kutweluka mbuli Mbo ucita, alimwi ino kuti oyo kauli Muuya Uusalala, nkabela to Usyoma kuti wali nguwe, elyo wazwa a Ku fubaazya a Ku tongauka; Ta ndikwe makani eco ncosola kucita, uli manide. Elyo to konzyi kucicita. Eco cila tondezya

mponya awo kuti toli wa Leza, nkaambo Lunyungu lwa Leza lula kkalilila mu muntu nkabela ta konzyi kubisya. Elyo ncizi cibi? Kutasyoma. Cindi a bona Ijwi kutondezegwa, uyo Li syoma. Elyo ukonzya biyo . . .

¹⁵¹ Mwabona, kuli cibi comwe biyo, cibi comwe buyo. Mbangaye bazi obo? Oko nkutasyoma. Mbo mbubo. Kucita bumambi tacili cibi. Kufweba misanga, kwaamba bubeji, kukonkezya, eco tacili cibi. Obo mbube bwa kutasyoma. Ula kucita, nkaambo toli musyomi. Mbo mbubo. Aboobo, mwabona, kuli cibi comwe biyo, nkabela oko nkutasyoma. “Oyo uta syomi wa betekwa kale.” Takukwe makani eco neacita na taakwe, kuzwa kukutalika wabetekwa kale. Ncibotu.

297. Mukwesu Branham, cililubide na kuli uutakwetwe mukubusyi—uutakwetwe (taamba cintu) kugela akwe . . . masusu abo? Ndi yeeyela kuti mwanakazi.

¹⁵² Iyi! Iyi, cili—cili lubide ku mwanakazi uuli oonse kugela masusu akwe.

Oyo mubuzyo buyo mufwaafwi muniini. Sena mwa—sena mwa fwa ng’onzi na? Ee, tuyo—tu yo binda cakufwambaana mbuli mbo tukonzya. Ndali kusoleka kusika ku lunyungu olo lwa nzoka maningi.

Kokombela mwana wesu mulombe . . .

Eyo ni nkumbizyo ya mupailo. Nda bweza buyo yeeyi a kubindaana, buyo . . .

298. Mukwesu Branham, sena banakazi bala zumizigwa kubeleka milimo ya buleya kakuli bali jisi baalumi banseba zibotu a bana? Nda buzizya muntuumwi umbi mubuzyo oyu.

¹⁵³ Ee, Ta—Ta—Ta—Ta ndizi kujatikizya ceeco. Ta ndikonzyi kwaamba. Pele Ndi—Ndi jisi buyo kulimvwa oku. Anda ambe ceeci: Ndila syoma, ikuti ne Nda kali i—i mwanakazi alimwi Ndi lizi kuti mulumi wangu wakali anseba mbotu a ncito mbotu, ulabeleka, Nda syoma inga ndaba a—a kubotelwa kupati kuli ndime kukkala ku ng’anda, kulanganya bana bangu a kubamba . . . alimwi—alimwi—alimwi kulanganya bana bangu a kuba komezya, a kuyanda Mwami. Elyo ikuti na Ndali jisi ciindi cili coonse kuzwa ku kuwasha kwangu a zintu nze Nda keelede kucita, Nda yeeya inga Nda yiisya bana bangu mbo kubelekelwa Mwami.

¹⁵⁴ Lino, ikuti na mujisi—nkongole na cintucimwi nco soleka kugwasya mulumi wako kubbadelela, na cintucimwi nco elede kucita ca . . . Ee, Ndi yeeya kuti eco cili kabotu ikuti na usoleka ku mugwasya. Elyo—elyo kopona koli mulindu. Elyo Ndi—Ndi yeeya kuteeti nciyumu. Taakwe muntu uujisi kumvwisya kubotu uuyanda mukaintu wakwe kunjila mu nkamu, oko kuli nkamu ya baalumi batombe, bacisapi a zintu mbuli zeezyo. Pele ikuti

na mwanakazi wayandika kunjila muli eyo, Ndi yeeya kuti weelede ku . . . mulumi wakwe weelede kuziba kuti Munakristo wini uukonzya kusyomwa, mwanakazi ulabusyome.

¹⁵⁵ Pele lino, mbuli kwaamba kuti ta yeledde kubeleka, Ta—Ta ndizi. Mwabona, taakwe Lugwalo lwakwiiminina eco. Nda buyo—Nda amba buyo muzeezo oyo. Pele Ndi yeeya kuti na mwanakazi uyanda kubeleka elyo uyanda kubeleka . . .

¹⁵⁶ Lino, Nda lwana ncobeni ku kubelekela mu ma ofesi aya oko baalumi a boonse basimilimo . . . Bali lemeka bumwi, ku baambila kudana kubbi. Elyo mwanakazi mubotu, uusalala kakkede awo, a zintu ezi zyoonse zibbi zyacisapi cankwela zyaambwa koonse mbuli boobo, Nda—Nda lwana eco. Ndi yeeya kuti weelede kuzwa aakati ka zintu zili boobo.

¹⁵⁷ Pele lino, ikuti na mwanakazi ulakonzya kulijata mbuli—i mulindu wini a kusoleka kugwasya mulumi wakwe kucita cintucimwi kukkwanisya zyakusama zimwi zya bana kuya ku cikolo, na—na kubbadela inkongole, na cintucimwi mbuli ceeco, elyo uyanda kubeleka mane ezyo zyamana . . . Lino, oyu tali Mwami, nkambo Ta ndijisi Lugwalo lwa ceeci. Ndili mukwaamba buyo kuti uyooba muzeezo wangu; pele bumbi, Inga tee ndayeeya buyo kuti nkaambo uyanda kubeleka kuti kacita zybumpelenge a kuba, na, mali manji aa kubelesya, kucita zybumpelenge, a kuya ku mabbiaholo, na kunywa, kufweba, a kulilemeka bumwi; Nse syomi kuti weelede kucicita. Ndi yeeya kuti weelede kukkala ku muunzi, kusola kuba mulindu, a kulanganya ng'anda yakwe.

299. Ikuti na Jesu muli lwabili . . . (Peepe!) Ikuti na Jesu . . . ikuti na mu lukwatano lwabili oko bacibeela bobile bakalekana . . . i . . . ci (k-w-e-e-m- . . .) kweempwa kwalo nkweempwa kweelede, na uleelede kumanizya, na, sena uleelede kumanizya luswaanano lwa lukwatano lwako kuti ululame?

“Ikuti—ikuti na ulimu lukwatano lwabili oko bacibeela boonse oko bakalekana . . .” Ndi yeeya kuti Nda wiingula kale oyo. Mwabona? Iiyi, waingulwa kale oyo. Oko bacibeela boonse nko—oko . . . Nda buyo . . .

¹⁵⁸ Nda—Nda lombozwa netwa talangalanga zintu ezi, bantu. Ndi jisi beenzuma bakkede mpoonya awa, okuya mu baswiilizi aba okuno abo Mbe zyi . . . Ci tandila kundijaya ncobeni kwaamba ceeco, pele Nde—Nde elede ku caamba. Mwabona? Elyo inyika ili mu ciimo cibaabi maningi.

¹⁵⁹ Umwi mwanakazi uutakweankwaya, muniini, wakaindi kupanga bulubizi a kukwatwa ku mukolwi elyo—elyo baba boobo, mwaalumi utakweankwaya wakakwata simweendanzila mu kutaciziba, elyo mpawo kwaangwa ku mwanakazi oyo na mwaalumi kufumbwa kuti kabapona. Eco ncitu ciyoosya. Lukwatano ncitu cisetekene.

Ziindi zinji bana basizibi bala bindaana a kucita zintu ezyo, mpawo balagambwa obo coonse mbocibede. Nda—Nci... Nda syoma, ikuti na Mwami uyo ndizumizya kupandulula olu lukwatano a kulekana nzila mbo zyeedelede kuba, Ndila syoma ciyo salazya maningi cintu coonse ca ceeco. Nku koonse... [Mamanino aa lubazu lutaanzi lwa teepu; lubazu lwabili lwatalika aa mubuzyo utamaninide—Mul.]

300. Tula bona... Nkaambonzi ta tukonzyi kusambala maanda esu? Nda lumba. Swebo... P.S. Twa kakomba a kulimyakulya—a—kwii sambala, nekubaboobo taakwe kuvwiilwa.

¹⁶⁰ Ee lino, Mukwesu na Mucizi (taba sainide zina lyabo), pele kufumbwa na mbaani, lino, ikuti na musoleka kusambala lubono lwanu nkabela mwakacita eco... Mu yanda kulusambala alimwi ambweni kutegwa muule lumbi na kufumbwa nco muyanda kucita, Ta ndizi. Ikuti makanze anu aliluleme, musoleka kuula ng'anda... Ikuti na mujisi bana na cintucimwi mbuli ceeco, muyanda kuba janina ng'anda mbotu na cintucimwi... Ta ndizi koonse kujatikizya ncico, pele inga Nda amba ceeci: Ikuti na musoleka kulusambala, a kuliimyakulya a kusoleka kulusambala, mpawo amwiituule ku Mwami a kuluba kujatikizya njiyo. Mwabona? Nkaambo inga kwaba kuti Leza... Inga mwalongela mubusena bumbi, nkabela antela inga tii caba kabotu. Mwabona?

¹⁶¹ Ikuti na uli Munakristo a kusyoma mu Mwami, nkambo mbobede nikwataba boobo newatali kuliimyakulya a kukomba. Mwabona? Aboobo inga Nda lituula buyo ku Mwami. Kwaamba, “Lino, Mwami, caba ciindi Cako kuli ndiswe ku lusambala, Uyo tuma sikuula.” Mpawo ca tuulwa ku Mwami, muleke cakucita kuli ncico a kuzumanana. Nda syoma ciyo beleka. Ndi baanga ndiya bubinda maningi awa, nkaambo Ndiya bumaninwa buyo ciindi.

301. Mukwesu Branham, sena cili lubide ku mwanakazi kuvunga masusu akwe?

¹⁶² Nda inda kale muli oyo. Masimpe, Ta ndikwe makani, kowabamba buyo kaali malamfu. Mwabona? Ta ndi... Ndi lizi uli... Ta ndaambi kuti kuba “cisesyo” kuli ndinywe no basimbi. Mwabona? Oko nkusinizya. Yebo—yebo—yebo uyanda kuziba, alimwi uli muku ndibuzya. Yebo ujisi kaanzambwene muli ndime kwatababoobo noota ndibuzya oyo. Lino, Ndi jisi kaanzambwene muli nduwe, Mucizi, kuti eco Nceti kwaambile, Nda syoma uyo cicita.

¹⁶³ Ta ndikonzyi kutondezya eco mu Lugwalo. Ikuti na ulayanda... Ikuti na to jisi masusu aavungene, mabotu nkabela uli mwanakazi, uyanda kuboneka kabotu ku mulumi wako, ku mweenzinyoko musankwa, na cintucimwi mbuli eco, Nse—Nse konzyi kukwaambila makani a kubamba masusu ako

kuvungana na—na ino bakaciita kuti nzi, kwaapendula na cintucimwi? Nse—Nse jisi cintu kwaamba amakani a ceeco; cili kuli nduwe. Nywebo mwabona? Ndi—Ndi. . . Yebo buyo, aakati. . . Yebo kobuzya buyo Mwami eco cakucita, Walo—Uyo kwaambila eco, nkaambo Ndi—Ndili mukusola kupandulula zintu ezi kwiinda ku Lugwalo. Mwabona?

302. Akaka pandulula Bakorinto Bataanzi 13:8-12. Lino mukuti Ijwi lilondokede Iya kaboozegwa ku Mbungano sa—sa tungango otu twa kazulizigwa?

164 Lino, Ndi yeeya kuti Nda langanya kale oyo, embo Na? “Elyo cindi malondosi asika, eco cili mu cibeela ciyo manizigwa.” Paulo wakati, “Nekubakuti Nda amba mu mwaambo wa bantu a baangelo, alimwi Nda cita zintu ezi zyoonse awa. . . Pele cindi malondosi asika. . .” Lino, sena kuli cintu cilondokede kunze Iya Leza? Peepe, munene! Sena Leza ngo mulondosi? *Ku matalikilo kwakali i* [Mbunga yavwiila, “Ijwi.”—Mul.] *elyo Ijwi lyakali antoomwe a Leza, elyo Ijwi wakali Leza*. I Ijwi licili Leza. Mwabona? Ncibotu. Cindi ayo malondosi asika, eco cili mu cibeela cila manizigwa.

303. Mukwesu Branham, sena cili luleme kugela masusu kuba mu bupange bwa tafule?

165 Ndi yeeyela—Ndi yeeyela kuti oyu mwaalumi; Nda—Nda syoma mbocibede. Ee eno, banakazi bamwi balacita eco. Masimpe. Nda kali mu bbaasi kuya kutala ciindi cimwi cindi ni Nda kali sikulangalanga zyamusokwe awa. Kuya kutala awa. . . Nda kali kkede awo, elyo mwaalumi wakali kwaambaula mbuli boobo, wa kasamide cipoompo ca sikuumpilila, elyo Nda kali kwaambaula buyo kuli nguwe. Elyo wakali kuzumanana kufweba musanga watombwe, kasamide magilazi a sikuumpilila kananwidwe mbuli boobo. Kali atala mpoonya awa ku Sellersburg. Elyo Nda kali kkede awo nkeambaula ku mulombwana oyo. Wa kaamba cintucimwi awo, elyo toonse twa kaseka; Nda ka mugunta ku kuulu; Nda kati, “Mulombe, eco—eco citole cibunge ncobeni, embo na?”

Elyo Nda kali kkede awo mbuli boobo, alimwi i—mukugama umwi—i mwanakazi kakkede kumbali oko waka, “Yawe, Ruth, sena ulainka ku. . .?”

166 Wakasamide ovolosi, mupati maningi, mubbabbani mbuli buyo mwaalumi, ka kkede awo kafweba musanga watombwe kaulundumuna kuzwa mu mpemo zyakwe, Nda kali kuyeeya kuti waa kali mwaalumi. Cintucimwi kujatikizya kulosya muzenge uubelesya acetyleni elyo kacita cintucimwi, kauma a mutwe wa muntuumwi a kuuma *eco nco mwiita kuteeti* musaalo, elyo katalika kuseka. Nda seka ambebo a kubakula lubayi nkoonya ku kuulu kwakwe, nkeyeeya kuti wakali mwaalumi. Ti ndaka ziba lwaandaano. To konzyi kubaandanya. Elyo

Bbaibbele lyakati, “Kufumbwa mwanakazi uusama cikobela ca mwaalumi, calo ncisesemyo.” Nceeco we.

167 Peepe, Mukwesu, ikuti na uyanda kugelwa kwa bubambe mbuli tafule, Ndiyo kwaambila: kolindila buyo mane usike kutandila musela wangu, uyooba komwe. Aboobo. . . Eco cili luleme. Ta ndaambi eco mbuli ceeco, mweenzuma. Lelekwe moyo wako ikuti na ulasyoma Mukwesu Branham uyo kwaambila bwini. Ta ndiyeeyi kuti Leza waamba kufumbwacintu kujatikizya mwaalumi, cilivumbyo cakwe—cakwe ncakuti kufumbwa kuti kagela masusu akwe. Ikuti na walekela masusu akwe kulampa kalengelela mbuli mwanakazi, Bbaibbele lyamba kuti mause ku mwaalumi kucita ceeco.

168 Pele lino, ikuti yebo—kufumbwa kuti kojisi masusu ako alimwi uli mulombe muniini. . . Elyo Ndi lizi Nda caamba kunji kujatikizya ncico: “Elyo yebo, ba Ricky, a kugelwa oko kwamasusu kwa bubambe mbuli tafule,” a koonse mbuli boobo, a zintu mbuli boobo, pele Nda—Nda aamba buyo eco. Mwabona?

169 Ta ndi—Ta ndiyeeyi Leza ula makani ku muntu obo mbwa gela masusu akwe, kufumbwa kuti kaagela, nkaambo mutwe wakwe ngu Leza. Pele mutwe wa mwanakazi mwaalumi; nkambokaako, walo weelede. . . Elyo na waa gela masusu akwe, waa ubausya mutwe wakwe. Mpawo mwanakazi uubaukide weelede kulekwa a kusubulwa. Mbo mbubo? Aboobo ikuti na mwanakazi wagela masusu akwe, walo ujisi—mulumi wakwe uli jisi nguzu cakumaninina zya mu Bbaibbele mu kupona kwa bubu—muntu uubaukide. Mbangaye bazi kuti obo Mbwini? Mbo lyakaamba Bbaibbele, nkambo ubausya mutwe wakwe. Taakwe mwanakazi uubaukide weelede kuponwa awe.

304. Mukwesu Branham, cindi Isaya naakali kwaamba ku bana basimbi ba Zioni (na kukanana ku, Nda amba, Ndi yeeyela kuti bapandulula “kukananwa kwa”) bana basimbi ba Zioni kujatikizya tusakatizyo, tupapalete masusu kuvungana, elyo mu mweenya wa masusu aa bambidwe kabotu, lubala; mu mweenya wa. . . Sena eco cilajatikizya ku buzuba bwa sunu na Bbaibbele lyakaindi tali cikwe nguzu mbuli bamwi mbo baamba?

170 I Bbaibbele lyakaindi lyoonse licibeleka, alimwi lyoonse ijwi mbolizulwa elyo Leza ndyaamba licibeleka. Iiyi, munene! Cintu buyo nco licita kuzwa ku Bbaibbele lipya kuyaku Bbaibbele lyakaindi, li lemya buyo. Jesu wakati, “Mwa kabamvwa kabaamba kuti, ‘Uta citi bumambi’ (kweelede wakali mu mucito); pele Nda mwaambila, kufumbwa muntu uulanga mwanakazi caku musukama wacita kale bumambi a nguwe mu moyo wakwe.” Ino nzintu zibotu maningi ezi!

Lino, Nde elede kujala, beenzuma. Kwalo ciya bumana ciindi aniini. Lino, oyo mulamfu loko. Tu bone ikuti na Nda konzya kujana cintucimwi cimbi. Tu bone.

305. Mukwesu Branham, mbobuti banakazi mbo beelede (oh, ma!) kubamba masusu abo?

¹⁷¹ Alubo, kufumbwa buyo nzila njo muyanda. Timoteo Mutaanzi 2:9. Mwabona? “Amuleke banakazi balibambe mu zikobela zya bulemu.” **Ndi yanda ku—Ndi yanda kubamba angu kaabotezya kuli Leza.** (Leza aku leleke, Mucizi uyandwa.) **Nda lumba. Akube kuti Leza aku leleke. Ko tu kombela.** Elyo muntu wasaina zina lyakwe.

¹⁷² Sharon, ncobeni, Mucizi! Leza aku leleke. Ko wabamba buyo kufumbwa kuti kaali malamfu, Mucizi. Walo musimbi muniini. Leza aku leleke, Oyandwa. Kuli kabotu, Koya kumbele ncobeni.

306. Kwaakumana kukwempwa kwa Nabwiinga sena kuyooaba nakalindu mufubafuba uli oonse uyo futulwa na boonse bayo sweeka?

¹⁷³ Peepe! Mwabona, zintuzyonse ziyoomana ku mbungano ya Bamasi cindi Nabwiinga aakutolwa kuzwa ku nyika. I Muuya wa Leza wazwa ku nyika: “Oyo ucili simatombe kacili simatombe mbubonya; oyo uululeme kacili uululeme mbubonya; oyo uusalala kacili uusalala mbubonya.” Mu majwi amwi busena busalala bwazula busi bunji, oko i—i Simulao waima ku kombelezezya kaambo. Kristo wazwa mu busena busalala; buzuba Bwakwe bwa kuyanzanya bwamana. I Kukwempwa kwasika; Ula zwa ku busena busalala, kwiinka a kubweza Bbuku lya Lununuko, elyo wataminina zintuzyonse Nzya kanununa. Takucikwe mulimo wakuyanzanya. Mbangaye bamvwisya ceeco? Ndi jisi muli cimwi ca Zinatimizyo—na cimwi ca i . . . Inzya, Zinatimizyo, Nda syoma mbo cakabede, kuti Kristo ulaboola kutaminina mulimo Wakwe wakuyanzanya.

¹⁷⁴ Lino, kwa kaindi kaniini. “Sena nakalindu mufubafuba uyo futulwa?” Peepe! Kufumbwa cicitika waa—cicitika lino. Kwaakumana ciindi eco walo unooli mu ciimo. . . Lino, uyo elela kwiinda Muciindi ca Mapenzi mapati. Alimwi kaambo ka ncico, nkaambo wa kakaka Mulungo wacibi mu buzulwe Bwawo. Walo musyomi, uliita buyo kuba musyomi, pele uyo elela kwiinda Muciindi ca Mapenzi mapati. I Bbaibbele lyakati, “Elyo bamwi babo, simwaaba wakaswida maanzi kuzwa ku mulomo wakwe a kuunka kuyo lwana . . .” Elyo ino ndi oora mbolibede. I . . .

¹⁷⁵ Takunaba ciindi mu makani aakale oko kuteeti mbungano iliita kuzina buyo iyooba a nzala mpati ya kujana lubbizyo lwa Muuya Uusalala. Nda—Nda kambaukila Bantu Bamakani aa Bunakristo. Cakuzumanana, mbana Presbyteria, abana Lutherani, ba Katolika, a boonse, bana Baptisti ku myaanda, Mbungano ya Kristo, bana Nazareni, Pilgrimu Holinesi, ba Seventh Day Adventisti, boonse babo bala pupanina mukati kusoleka ku—ku jana . . . Mwabona?

¹⁷⁶ Lino, eci ncintu cibotelezya. Akaka muta cibwezi mbuli njiisyo, pele sena mula mvwisya eco Lugwalo nco lwa kaamba

kuyo citika eco caakuba? Ciindi cakali manide. Nkambo amulange, kwakali banakalindu bali ciloba, na, banakalindu bali kkumi bakainka kuyo swaana Sibwiinga, alimwi cisela ca mbabo bakali jisi mafuta mu malampi abo, cisela ca mbabo tiiba ka jisi. Eco cakali cibeela ca Mubili ca bafu a cibeela ca baumi. I basongo bosanwe, cindi niba—i koongolola nikwakasika, “Amubone Sibwiinga. . .” boonse baka londola, na, kabuka a ku londola malampi abo kuti banjile mu pobwe lya mucado. Pele cindi nakalindu mufubafuba nakati, “Amu tupe mafuta anu amwi, malampi esu azima. (Mwabona?) Amu tupe mafuta anu.” Ba kati, “Kutali obo, tu jisi buyo aelela ndiswe. Kamuya mukaule.” Elyo kuciindi niba kaunka kuyo aula, Sibwiinga wakasika.

¹⁷⁷ Cindi kwaambilizya kubuleya nokwaka mwaisigwa, mulao, “I Sibwiinga ulasika,” bantubonse bakayanda kululama, cakubinda kwini. Sena talili nde oora cindi bulembo nobuli aa bwaanda?

¹⁷⁸ “Oh, tu yanda lubbizyo lwa Muuya Uusalala.” “Tu yanda *eci, eco*, na *cimbi!*” Pele kucindi nibakainka kuyo Aula, Sibwiinga wakasika. I basongo ba kanjila, elyo bakacaala aanze oko kuyooba kulila, koomoka, a kuluma ntwinu.

¹⁷⁹ Ndi jisi buyo mibuzyo mibotu muno yaku sanganya a oyo: “Nguni muntu oyo wakasamide cikobela wa kanjila, oyo watakasamide cikobela ca mucado?” Elyo mibuzyo eyi yoonse ilaswaanya kwini muli ceeco.

307. Sena muntu uleelede kupa kwakkumi ku mugeme, na sa Munakristo weelede kubeleka?

¹⁸⁰ Masimpe uleelede. Ngo muntu umwi uyo beleka, walo Munakristo.

¹⁸¹ “Kupa kwakkumi ku mugame?” Citola kuli oyo mugame mbwabede. Mwabona? Mbo mbubo. Muba Hebrayo 7, ciindi citaanzi zya kkumi nizya kaambaulwa mu—mu bwiime obo swebo. . . Amu lindile asyoonto, Ndi syoma, mubuzyo wabili. Peepe! Uh-uh. Peepe! Ya Mukwesu. . . Kati, “Mibuzyo yobile ya Mukwesu Branham.”

¹⁸² Cindi. . . Muba Hebrayo cipati 7, cindi Abrahamu, kajokela kuzwa kukujaya bami, wakaswaana Melekisedeki, wakaMupa kwakkumi. Oyo wakali Melekisedeki, Mwami wa Salemu, uuli ngo Mwaami wa Luumuno, a Mwaami wa Bululami, oyo takali uumbi pele Leza Mwini. Mwabona?

¹⁸³ Pele cindi wapa zyakkumi. . . Mubwini, oko nko jisi nkoloto ya zyakkumi nkooko nkojana cakulya cako. “Amulete zyakkumi zyanu zyoonse mukati mu ciyobwedo Cangu, mbwaamba i Mwami. (Mbo mbubo?) Elyo amu Ndi soleke muli zeezyo mbwaamba Leza, cakuti na Nse kajuli zizaluzyo zyaku Julu a kutila zilongezyo cakuti tamukabi a busena bukubwene bwa

kucitambwida.” Nda zundikizya mwaalumi na mwanakazi uuli oonse oyo kutali sikupa wa kwakkumi kutambula eco.

¹⁸⁴ Nda konzya kwiima awa kusikila cifumo, ku mwaambila eco cakacitika buyo cindi ni Nda ka cibona, a mu ciimo eco mo Nda kabede. Pele cakusyomeka buyo mbuli mbwe Nda kakonzya kucita lyoonse, Nda kapa zimanyakkumi. Elyo cindi ni Nda kabweza mali angu eni kuzwida ku mbungano kuno na kuzwida ku miswaangano yangu mipati, Nda kali kunga ndabweza kumwi. . . Nda pa kwakkumi. Mpawo Nda kali kukuvozya bakutausi, a kupa kumwi kwa nkuko ku bakutausi. Mpawo, cindi ni Nda takakonzya kucita boobo, mpawo cintu nce Nda kacita, Nda kayobola cipanzi cakkumi a kupa Leza makumi fuka. Elyo mpawo, cindi mulao niwa nda ambila kuti Tii ndakeelede kucita ceeco, Nda kacita kubweza. . . Elyo ikuti na Nda kacita, oonse aka bbadelwa kuli ngawo, mpawo inga Nda kacita kubweza a kwaengulusya ku milimo imbi yakutolela lusyomo a zimwi zimbi, elyo mpawo kubweza buyo kuvola kuzwa ku madollar aali mwaanda mu mwiki; elyo Nda kapa zimanyakkumi kuzwa kuli ayo.

¹⁸⁵ Iiyi, munene! Nda syoma mu kupa zimanyakkumi. Ncimwi cazileleko zya Leza eco ca katondezegwa kuba cileleko. Yebo wati, “Eco nca Cizuminano Cakale.” Nca Cizuminano Cipywa acalo! Iiyi, munene!

308. Oyandwa Mukwesu Branham, ikuti na muvwanda wazyalwa kuzwa i. . .kutali ku lukwato, sa mwana oyu inga wasolwa kufutulwa na kuya mu Kukwempwa?

¹⁸⁶ Kufutulwa? Baa masimpe, Nda syoma mwana ula konzya. . . I mwana takonzyi kucinca eco calo cakacitwa. Obo mbwini. Pele Nda. . .Kujatikizya kuya mu Kukwempwa. . .Kufutulwa, inga Nda amba, “Iiyi.” Pele mu Kukwempwa ni mbuto ya kakanzwa nje iinka mu Kukwempwa. Elyo Nse konzyi kusyoma kuti bumambi ni mbuto ya kakanzwa. Nywebo mwamvwa na? Mwabona? Nda syoma bantu inga—muvwanda inga wafutulwa; ta jisi—jisi nguzu zyakwe mwini. Mucito mubyaabi a zintu.

¹⁸⁷ Pele lino, Cizuminano Cakale cindi muvwanda naka zyalwa kali mwana wamusokwe, taakali kukonzya kunjila mu mbunga ya Mwami kwa inzyalani zili kkumi, myaka iili myaanda yone a kumwi, olo lutuko lwakali lubbi maningi. Amu ciyeeye buyo eco. I muvwanda kutakwe kaambo, bazukulu bakwe ba bazukululwa, bazukululwa, bazukululwa, bazukululwa, bazukululwa, bazukululwa, bazukululwa, bazukululwa, bazukululwa, amuyeeye buyo, bazukululwa ba bazukululwa, bazukululwa, bazukululwa, bazukululwa bali kkumi iba muvwanda tii bakali kukozya akwalo kunjila mu mbunga ya Leza. Mbo mbubo.

¹⁸⁸ Pele nywebo amubone, taakwe cakali anguzu zikubwene kukonzya kulekelela cibi eco. I bulowa bwa Cizuminano Cakale

tiibwa kajatila zibi; bwaka vumba cibi. Pele Bulowa bwa Jesu Kristo bwaka cizimaazy. Olo ndo lwaandano lino. Cindi Bulowa bwa Jesu Kristo bwasya, olo ndwaandano.

309. Mukwesu Branham, tu yanda kuba muni loko ku Mulumbe wako mbuli mbo kukonzeka. Sena tu kalongele ku Arizona na Jeffersonville?

¹⁸⁹ Amu lyeezeke nobeni, nekuba kumwi. Ndila muyanda masimpe, Ta ndikwe makani oko nkomwiinka, eco nco mucita. Pele lino, mbuli kukulwaizya, Nda syoma inga Nda boola ku Jeffersonville. Ikuti na mwali kuyanda kulonga kuli koonse, inga Nda boola ku Jeff. Nda syoma Ndili kokuno kwiinda Mbeli mu Arizona. Oko kuli kabotu.

310. Mukwesu Branham, sena—sena cimanide kale ciindi caku kambauka basizibi?

¹⁹⁰ Peepe! Peepe! Uta bikki eco mu mizeezo yako, mukwesu. Kozumanana kuyaka ng'anda. Kozumanana kucita zintuzyonse nzo konzya. Kozumanana buyo kusikila ukatolwe. Mwabona?

311. Mubuzyo wabili. Sena bakafutulwa beelede kulipambula kuli basizibi mu kukomba? Sena bakafutulwa beelede kulipambula kuli basizibi ku kukomba?

¹⁹¹ Ta ndizi cini eco nco waamba kuli ceeco. Ikuti na waamba basizibi bali anze i. . . Mula komba Leza kuli koonse. Pele Ndi yeeya kuti na twakacita, mbobuti mbo tuyooaba aa mbungano, nkambo basizibi bala boola mumonya mu mbungano a kukkala muni lya Munakristo. Utali pambuli kuzwa ku cintu cili coonse cita cibi, kutali sizibi. Kojana sizibi ikuti na ulakonzya, pele tabi sicaabilo wa cibi cakwe.

312. Sena mukaintu wakafutulwa weelede kulikasya ku mulumi wakwe ikuti na ngu sizibi?

¹⁹² Peepe, munene! Peepe, munene! Oyo mulumi wako. Uyo musakanya kule loko kuzwa kuli Leza lyoonse kukucita boobo. Mwabona? Mbo mbubo, Mukwesu, Mucizi. Waka mukwata; ngu wako, a nduwe uli wakwe.

313. Mukwesu Branham, ino mbu panduluzi nzi bwa kupambukanya camulao? Sena bantu bala angulukide kukwata na eli ndi bbala buyo limbi lya kulekana? Ndi yanda makani amwi ali ceeci.

¹⁹³ Masimpe bali kwatene. Kufumbwa kuti babweza cikonke eco, bali kwatene. Mbuli buyo mulombe, ikuti na mulombe wasyomezya musimbi kumukwata kungsi aa lusyomo lubotu, uli sinikizidwe ku musimbi oyo. Ncimwi buyo kuti uli mukwete. I cintu buyo mulao ncoucita, ukupa i—i pepa lya nguzu zyakupona antoomwe kuzwa kukuba mulumi a mukaintu watakaba acipobwe cakusekelela kwa lukwatano. Pele cindi mwaalumi aambila mwanakazi kuti, “Ndiyo kukwata, Oyandwa; Ndiyo

kubweza kuba mukaintu wangu. Sa uyo bweza...?” walo ulikwete.

¹⁹⁴ Cikonke cako cilisetekene; eco nceci kukwatanya muli koonse. Kwiina mukambausi ukonzya kukukwatanya, kunyina mubetesi, na cintu cimbi; calo ncikonke cako kuli Leza a ku mwaalumi oyu. Cindi wa syomezeya, yebo ulikwete.

¹⁹⁵ Kolangisya. Yebo wati, “Mukwesu Branham, sena eco...? Yebo wati... Yebo wati inga uyo ingula oyo ku Bbaibbele.” Sena wali kuyanda Bbaibbele ali nguwo? Ko tambika maanza ako na ula kuyanda. Lino, tu jisi maminiti atandila ku cisambomwe na lusele. Yaa.

¹⁹⁶ “Josefa, mulumi wakwe, mukuba muntu uululeme (mulumi wakwe ngwa katangide, waka mwiita kale kuti mulumi wakwe)... Josefa, mulumi wakwe, mukuba muntu uululeme, ‘mukuyeeya’ wakali kuyanda ku muleka cakumbali mbuli boobu; pele kabatana kuswaangana, waa kajanwa kuba mwana wa Muuya Uusalala. (Mwabona?) Elyo Angelo wa Mwami wa kalibonya kuli nguwe mu ciloto a kwaamba, ‘Josefa, omwana wa Davida, utayoowi kulibwezela nguwe, Maria, mukaintu wako.’” Kalikwetwe kale, wa ka mu syomezezye kale.

¹⁹⁷ Elyo wa... Elyo mulindu muniini, ikuti na wakasyomezeya ku kwatwa mulombe oyo, ulisinikizidwe ku kucicita. Ikuti na wakwata uumbi kwamana kusinikizigwa oko, yebo uyo cita, kuzwa lino mane muli koonse, unooona mu bumambi. Elyo amubone, cintu nciconya ku mulombe kusyomezeya kukwata mwanakazi... .

¹⁹⁸ Uta bambi cikonke ku muntu uli oonse citakuti waamba kukkalikila kuli ncico. Koyeeya, nkooko kwa Bbaibbele kuli nguwo. Josefa wakasyomezeya kukwata Maria. Elyo Leza wakati oyo wa kali... .

¹⁹⁹ Kabale milao ya Cizuminano Cakale ali ceeco. Mwabona? I mulao wa Cizuminano Cakale, ikuti na wasyomezeya kukwata mwanakazi, nkabela wa kakwata umbi, wa kali kucita bumambi; elyo cakakutanzya kuzwa ku cilabba. Iiyi, munene! Yebo weelede kubamba zikonke zyako cindi wa syomezeya mwanakazi oyo. Walo nčilongo ciniini cisetekene, nkabela nca kuletya buumi bwa bavwanda mu inyika alubo. Aboobo cindi wa mu syomezeya, weelede kumu kwata.

314. Sena ciindi cimanide kale kuba miswaangano ya ntolongo a mulimo uli boobo ku bumboni kusola kufutula bantu? Alimwi sa umwi weelede kusambala zyoonse nzya jisi lino, Mwami ulaboola calino maningi?

²⁰⁰ Ee, mbobuti—mbobuti mbo... Nda syoma taakwe ni Nda kaamba cintu cili coonse cikonzya kukubamba kusyoma cili boobo. Sena Nda kacita? Ikuti na Nda kacita, ko ndilekelela! Tii ndakali kupandulula... Mwabona? Uta yeeyeli buyo zintu

ezi kuti zintu ezyo. Kozumanana ncobeni, kukambauka, kuba a muswaangano wa ntolongo, kusika ku bantubonse, elyo uta . . .

²⁰¹ Amulangisye awa. Iba Seventh Day Adventisti kuno kutali ciindi cilamfu cainda, kutandila myaka ili makumi osanwe na makumi ali cisambomwe yainda, Nda kacibona mu mutende wa *Courier-Journal* (Ndi li cijisi amwi aa busena mu bbokesi lya lubulo), katendululwa kapati ika mutende wa *Courier-Journal*, oko nkoba kasowa mababa aakaindi, oko kuciindi nibakali kutegwa bana Miller kabatana kuba ba Seventh Day Adventisti. Elyo baka jisi pepa mbolizulwa mu mutende wa *Courier* kutala kuno ku Franklin, Kentucky, cindi boonse nibaka sambala mbono zyabo a ku . . . Ba kabikka buzuba bumwi, kabutondezya ku Lugwalo, Jesu wakali kuboola ku buzuba obo, elyo bakaunka kutala a kubweza tuntimbwa a zintu, a kukkala aatala aa cilundu. I cifumo cakatobela bakaseluka, mume wakasomauna mapepe abo oonse, elyo bakaseluka ansi kabapompolokede. Mwabona? Ntukamu twabukombi bwanguzuzu a zintu.

²⁰² Mu tasyomi ceeco. Jesu inga taaboola kwa mwaanda wa myaka akwalo. Ta ndizi cindi Na boola. Taakwe muntu uuzi cindi Na boola! Pele Ndiyo soleka kuyabuya kukambauka a kucita zintuzyonse Nze konzya mane Aka boole. Ikuti na Tako sunu, Ndi no Mu langila juunza. Ikuti na Tako kuno ku . . . mvwiki eyi, Ndino Mu langila mvwiki itobela. Ikuti na Tako kuno mu myaka iitobela iili kkumi, elyo Nke pona, Ndino Mu langila ku myaka iitobela iili makumi otatwe. Mwabona? Ndi cino langila. Nse zyi cindi Nayo boola, pele Ndi yanda kupona bwini ku Ijwi Lyakwe a bwini ku bantu Bakwe, a kupona mbuli Munakristo, a kulindila kuboola Kwakwe. Mwabona?

²⁰³ Kozumanana kukambauka miswaangano ya ntolongo, kubamba bantubonse ku kufutulwa mbuli mbo konzya. Ta ndizi cindi Na boola; taakwe uuzi. Pele inga Nda amba cintu eci comwe. Eci ncencico Nce sola ku mwaambila, alimwi Nda syoma tamu kosola kubikka bupanduluzi bwanu. . . Kutali kubwekela muntu oyu. Leza aku longezye Mukwesu, Mucizi, kufumbwa mbobede. Kuboneka kuti wali muntu uzwa kutali mu dolopo, nkambo lwali aa—aa kkaadi lya mposo, Nda yeeya, kuzwaku Denver, Colorado, a . . . Iiyi, Mpela ya mulundu waku Pike, Colorado. Aboobo inga kunooli muntuumwi wakutumizya kwiinda kumposo, pele oko—oko kuli kabotu kumaninina. Inga baujana a teepu.

²⁰⁴ Pele atu yeeye, muta cinci cili coonse, kunze lya nzila zyanu buyo kuzwa ku cibi kuyaku bululami. Amuzubonane buyo nkoonya ku ncito zyanu, kuyabuya nkoonya mbubonya. Boonse abo bamwisya kabotu amwaambe, “Ameni!” [Mbunga yavwiila “Ameni!”—Mul.] Mwabona? Amucite obo lino!

315. Mukwesu Branham, muli Matayo 12:40, ilati, “Mbuli Jona mbwaakali mukati—mazuba otatwe a masiku otatwe

mwida lya nswi; awalo mbubonya Mwana wa muntu mbwa yooba mazuba otatwe a masiku otatwe mu moyo wa nyika.” Ino inga bwaba buti buzuba obo mbo baamba... sunu kuti baamba kuteeti Wa bikkwa mu cuumbwe Bwasanu mangolezya a kubuka Munsondo cifumo, kakubamba buyo masiku obile a buzuba bomwe?

²⁰⁵ Lino, ikuti na mwalangisya, lya kati, “Mbuli mbo kwakabede” (nywebo mwabona?) mu mazuba cindi Jona nakali mwida lya nswi mazuba otatwe a masiku otatwe. Kwalo kwakali mumonya mu mazuba otatwe a masiku otatwe, mumonya mu mazuba otatwe a masiku otatwe, nkambo tamu konzyi kubamba Lugwalo kubeja. I musinsimi wakati, “Nse kalekeli Umwi wangu uusalala kubona kubola, naanka Nse kasiyi buntu Bwakwe mu gehena.” Elyo kubola kulatalika kuba mu mubili wamuntu mu maora ali makumi ali ciloba aobile, kwalo mazuba otatwe a masiku otatwe. Ciindicimwi mumonya ku mazuba ayo otatwe a masiku otatwe kuti Walo uleelede kubuka kuzwaku kabanda.

²⁰⁶ Aboobo mukuba mazuba otatwe a masiku otatwe, tacaambi kuti ceelede kuba mbubonya loko; ncindicimwi mumonya mu mazuba ayo otatwe a masiku otatwe. Wa kalelede kubuka, nkaambo cisinsime tacikonzyi kutyolwa, kuti i... Ta kakonzya kubona kubola nkabela niwa kabola ikuti Na kakkala kuciindi eco nciconya loko.

316. Mukwesu Branham, ino kuti muntu wakali kwete nkabela wakalekana (Tacili cibyaabi eco na, mwabona, minji loko? Lino, Nse lwanisya cintu ku bantu; nceeco buyo cili mu mizeezo ya bantu. Masimpe, bala penzegwa. I Kukwempwa, bantu tii bakali kuyeeya kunji kujatikizya ceeco; tii cakali maningi kuli ncico. Pele lino, ca vumba inyika ncobeni. Elyo bantu balabala zintu ezi zintu mu Lugwalo. Elyo bantu, Basalidwe, kumasena kuya bali mukunjila kuyo cilanga. Elyo bala cibona, nkabela bala sinizya. Ba yanda kuziba. Ako nkekaambo Ndi yanda kuuvwiila mbubonya biyo a kuyeeya kwini kuli nguwo mbuli Mbwe konzya kuupa kuli ndinywe.)—**kali kwete elyo wakalekana elyo mpawo kukwatulula mwanakazi awalo wakakwetwe a kulekana elyo mpawo kukwatwa kuli nguwe, elyo bobile aba sa inga—inga... kabakwetene ku meso aa Leza... sa bali kwetene mu meso aa Leza? Mbobuti bobile na umwi wabo mbwa konzya kuba mu Kukwempwa?**

²⁰⁷ Mbobuti? Ta ndizyi. Inga tiinda kwaambila. Mubuzyo ngwa kuti, “Sa inga bakonzya kuba mu Kukwempwa?” Ba kalekana, umwi umwi wabo wakalekana, umwi aumwi wabo ujisi mulongwe uupona, mpawo baka kwatulula, bobile bakakwatulula. Elyo lino, umwi oyo... Mwanakazi oyu ujisi mulumi uupona; mwaalumi oyu ujisi mukaintu uupona. Elyo lino, balo bajisi bana a zimwi zimbi nkabela bayanda kuboola

kuli Leza. Sa inga bainka mu Kukwempwa? Eco ciyooba kuli Taata Wakujulu. Nse konzya kwiingula oyo. Mwabona?

208 Nda—Nda kabona cintu comwe. I Bbaibbele lyaamba kuti bayo tegwa basimamambi. Elyo Bbaibbele lyakaamba akwalo, “I simamambi taka njili Bwami bwaku Julu.” Nkukoonse Nkwe konzya kwaamba. Ndi—Ndi lizi, kuti eco cila ndijaya buyo kwaamba eco, pele ta Ndi konzyi kwaamba cita eco Ijwi nco lyaamba. Nde elede kukkala a ceeco. Nda syoma kuti koonse oko nkulubizya. Nkwaali masena mu Bbaibbele . . .

209 Nse mu kulwaizyi. Akaka, andi mupe buyo Lugwalo luniini. Akaka, kaka muta—muta—muta . . . Ikuti na ulapona cakukkomana a mulumi wako, kupona cakukkomana a mukaintu wako, kaka kocibede mbubonya obo. Sena uyoocita? Buyo—buyo kwa, nkaambo Nda mwaambila eco, muta—muta lekelel bana baniini kakutakwe muunzi a zintu mbuli zeezyo. Leza wakabamba kuboozezya mu masena nkambo ka bantu abo—abo—abo baka lubizya zintu. Nywebo mulayeeya, Jesu wakaamba zya Davida cindi nakafwide nzala, wa kanjila mu tempele lya Leza a kulya zinkwa zyamabonwabonwa, ezyo zyakali kuzumizigwa buyo ku mupaizi, nkabela wakajanwa katakwe kaambo. I bapaizi abalo bala sankwa Sabata aa buzuba bwa Sabata nkabela bala janwa kakutakwe kaambo, elyo mupati maningi kwiinda Sabata wakali ano. Mwabona? Kuli . . . Ndi . . . Atu—atu cisiye kuli Leza, a kuzumanana, elyo kupona biyo nzila njo . . . Koponena biyo—biyo Kristo eno.

210 Atu bone, inga caba ciindi cako cakunjila. Ta cibambi . . . Bulubizi bobile tabu konzyi kululamika bomwe. Koyabuya buyo a kupona mbuli mbobede ikuti na—ikuti na muli kkomene antoomwe. Abweni ujisi mukwatwa uuteeleli. Ndiyo amba cintu eci comwe: ikuti na ujisi mulongwe uuteeleli mu mukaintu oyo, mu buumi obu, toka mujani muya muli imwi iimbi. Bulubizi boonse buyo lulamikwa.

317. Sena basyomi boonse bakazyalululwa bayo njila mu Kukwempwa?

211 Peepe, basyaalizi buyo, basyaalizi buyo, kutali basyomi boonse bakazyalululwa. I Bbaibbele lyakati, “Elyo bamwi ba bafu teeba kaponi kwa myaka iili cuulu,” elyo mpawo baka busigwa a kupambulwa, mbelele kuzwaku mpongo. Kutali bazyalululwa boonse bayo njila i . . . kweendelana ku Lugwalo.

318. Ino ncitondezyo nzi cakuti muntu uzwide Muuya Uusalala ncobeni?

212 Johane 14:26: Walo uyo . . . “Cindi Muuya Uusalala wasika (mwabona?), Uyo mutondezya zintu ziciza.” Mwabona? Uyo oba . . . Uyo cilondola; “pangwa aabantu” tacika konzyi kucicita; elyo Walo ndi Ijwi. Cindi Walo Muuya Uusalala wasika, Uyo lizibya Mwini muli ndinywe ku Lugwalo. Elyo eco nce citondezyo

cakasimpe cakuti Muuya Uusalala uli muli ndinywe, nkaambo Ndi Ijwi.

²¹³ Lino mulange! Ino kuti wakaambaula mu myaambo? Ndi yanda buyo ku mubuzya kuti. Jesu wakati cindi Muuya Uusalala wasika inga Uyo cita. Elyo ino kuti wakaambaula mu myaambo, kasotauka mujulu aansi, kaongolola, a zintuzyonse zimbi, elyo mpawo ku boola ku Ijwi; elyo inga Nda kwaambila lubbizyo lwa...ku kutondezya kwiinda ku Lugwalo mbuli mbo Nda cita, kuteeti lubbizyo kubelesya bubande bwa Taata, Mwana, a Muuya Uusalala taku mvugwi kabotu ncobeni mu Lugwalo, taakwe muntu wakasolwa kubbizigwa mbuli boobo, elyo mula zumanana a kujatilila kuli nkuko nekubaboobo? Sa inga mwandaambila Muuya Uusalala muli ndinywe inga wacita cintu mbuli ceeco? Mbobuti Mbo Uko nzya kukaka Ijwi Lyawo?

²¹⁴ Cindi Nda mutondezya eco ceelede kutola busena mu buzuba bunu, obo Mwana wa muntu mbwaelede kuli yubununa Mwini, aceeco Nca elede kucita, a Magwalo aya oonse aka liko eno, elyo mpawo ku Mu bona kaseluka mpoonya ansi a kucizibya, nkabela mula jatilila nkoonya ku kabungwe a kwaamba kuti mwaka zyalululwa? Sa inga mwabamba kuyeyya kubotu kuzwa kuli ceeco?

²¹⁵ Sa inga Nda aambila mukaintu wangu kuti Nda muyanda, elyo—kuba ciindi ca misaalo aa mwanakazi uumbi, a kucita zybumpelenge, elyo mpawo ku mwaambila kuzwa ku moyo wangu kuti Nda muyanda? Mu yeeya kuti olo inga lwaba luyandisyo lwabwini? Sa inga wandaambila kuti ula ndiyanda, elyo kakuli Nda tantamuka, walo kacita zybumpelenge a mwaalumi umbi?

²¹⁶ Neencico ncobeni Israyeli nco yakacita ku . . . Nywebo mulizi Bbaibbele awo, nzila Mbwa kaamba, kwaambaula . . . Israyeli, kati, “Mwa kwazamuna maanza anu a kunjizya muntu oonse oyo uuswaya, nkabela mwacita cibeela ca buvuule kuli Ndime; elyo Ndiyo muleka.” Mbubonya! Ncinzi eco? Ucita bumambi ku mubili wako. Elyo cindi mwanakazi aunka a kupona a mwaalumi uumbi, na mwaalumi a mwanakazi uumbi, kakuli bali kwetene lwabo, bali mukusofwaazya nyama yabo ini. Elyo cindi muntu aamba kuti Munakristo nkabela wakakaka Lugwalo cakumaninina mukuba lululeme, ucita bumambi ku Mubili oyo ngwa taminina kuti mwabede. Mwabona? Aboobo calo ncaando ca sikulwanakristo, cakuti inga kwacenga Basale nikwali kukonzeka.

319. Mukwesu Branham, sena cili luleme i—i mwana muniini kusama tuluke na zibbudula?

²¹⁷ Muniini buti? Akube kuti ube mubetesi wa ceeco; ikuti na uli Munakristo. I kasimbi na kufumbwa mwana muniini maningi, Nda yeeyela, Ta ndizi, Nda . . . Cintu buyo Nce ndizi, Bbaibbele lyaamba kuti ncisesemyo ku mwanakazi kusama cikobela eco—

eco ca mwaalumi. Mwabona? “I mwanakazi,” teelya kaamba, “i mwana.” Pele lino, Nda buyo. . . Yebo kolyeeleka omwini ku makani aceeco, Nda. . . Ku cibeela cangu, Ta ndiboni kulubila ku mwana muniini maningi, kasimbi kaniini maningi a myaka yone na yosanwe yakukomena a. . . Cindi nobali bantu baniini, nywebo mulizi nzila Nje waamba, ba leendauka kuya mu lubuwa. Ikuti na usamide, oto nto mwiita kuti tulukwe na kufumbwa, walo mwana muniini maningi, Ta—Ta ndiboni cintu cilubide kuli ncico. Ambweni. . .

²¹⁸ Mwabona, Nda mwaambila buyo eco Ijwi nco lyaamba. Calo ncisesemyo ku mwanakazi kusama cikobela ca mwaalumi.

320. Nkokuli nko tuyo bunganina antoomwe? Elyo wakati kuli bunganya lwanu ku Myeembo.

²¹⁹ Nda syoma, muzolwani, Mucizi, kufumbwa mbocibede, uli—uli lubizize awo. Tii nda kaamba kuli bunganya lwesu ku Myeembo. Nda kati Israyeli yaka bunganina ku Myeembo, kutali Nabwiinga Munamasi. Peepe, peepe! I Myeembo, kulila kwa Myeembo ili Ciloba kwakali kwa kubunganya Israyeli (mbangaye bazi boobo?) kuzwa kumasena oonse i. . . Inzya, kutali i. . . Peepe, peepe! Uh-uh! Peepe, kutali—kutali—kutali Israyeli. Aboobo, takuli kuti. . . Ta tubunganini ku Myeembo antoomwe i—ku—Nabwiinga taciti. I Myeembo iboola kwamana Pobwe lya Pentekoste. Mwabona? Elyo Kukwempwa kwasika. . . Elyo kutegwa. . . kutali mubuzyo oyu lino.

321. Mukwesu Branham, ikuti na uli jisi ciindi akaka kopandulula Matayo 10:41. Ndi yanda kuziba ino bulumbu bwa musinsimi niinzi?

²²⁰ Ee lino, Jesu wakati, “Kufumbwa muntu uutambula musinsimi mu zina lya musinsimi, ulatambula bulumbu bwa musinsimi.” I bulumbu bwa musinsimi nkuba mulongwe wa musinsimi. Kufumbwa muntu uutambula mululami mu zina lya mululami, ulatambula bulumbu bwa mululami. Sa mbo mbubo? Elyo ikuti na bayanda kuziba bulumbu bwa musinsimi mbobubede, kwalo nkuba mulongwe ku musinsimi. Mwabona? Eco nce cilumbo. Walo mweenzinyoko.

²²¹ Mbuli mwanakazi muna Shunema, inga caboola mu nzila yabubelesye ciindicimwi. Mwabona? Ca kacita kuli nguwe. Mwabona? Amulangilile balanda ba Leza.

Oh, ma! Lino, tuli. . . Nde—Nde elede buyo kujala alimwi, mweenzuma, Nda—Nda bijilwa kucicita, pele amulangisye buyo awa, amulange buyo cintu, myaanda. [Mukwesu Branham wakulwaizigwa ku mbunga kwiingula iimbi—Mul.] Peepe! Pele—Ndi lizi, pele amubone, Nda—Nda muyanda mu kwaamba boobo, pele Ndi yeeya kujatikizya bantu aba bacete baceenzya myaanda ya mamaile sunumasiku. Ma, balo buyo. . . kuli banji loko mukati muya, Nda. . .

322. Mukwesu Branham, Ndi yanda kuziba kujatikizya Mileniamu. Sena iyooba kwaakumana Cilalilo ca Lukwatano, na—na kunooli aa nyika, koonse kujatikizya nkuko. Nda cita—nse mvwisyi kujatikizya njiyo.

²²² Ee, Mukwesu na Mucizi, nciyumu kuli ndime ku umvwisya, lwangu. Pele cintu comwe Nce konzya kwaamba nceeci: eco Cilalilo ca Lukwatano ciboola kakutanaba Mileniamu.

²²³ Lino, mwabona, muntuumwi, Ndi lizi kubusenabumwi mukati muno ujisi mubuzyo ali ceeco, oyo waamba kuti, “Mukwesu Branham, uli—uli lubizizye aa mvwiki zili makumi aali ciloba zya Daniele. Ku cinooli mvwiki zili makumi aali ciloba.” Peepe, Mesiya wa keelede kuboola a kusinsima, nkabela akatikati ka mvwiki zili makumi aali ciloba, mvwiki zili makumi aali ciloba, zili myaka iili ciloba, Wa keelede ku—Wa keelede kunyonyoonwa kuzwa aakati ka baumi a kubambwa cituuzyo. Mbangaye bayeeya eco? Yaa. Myaka yongaye mpawo Jesu nja kakambauka, Mesiya? Yotatwe a cisela. Mpawo kucili yotatwe a cisela ibikkidwe.

²²⁴ Elyo mu Ciyubunuzyo cipati 11, basinsimi aba bobile, bayo sinsima kwa mazuba ali cuulu amyaanda yobile a makumi otatwe. Myaka yotatwe a cisela icisyomezedwe ku Israyeli cindi Nabwiinga Namasi anoinkide. Mbangaye bamvwisya eco lino? Mwabona? Yaa, yaa.

323. Eci ni. . . Ndi jisi cisambalilo cakulida zisusulo nkabela ndikutaukila bana ba cikolo cipati kwa cibeela cipati. Kuzwa kuciindi ca kuboola mu Mumuni, Nda katola puu tubule a i (cibbonanza; bali jisi) j-bbokesi kubusena. I bakubusyi bala fweba alimwi bayanda cizyano cakuliyuumba buniini aa i—aa kapepele. Ndi jula buyo kutandila maora one mu buzuba. Ta ndi—Ta ndizumini kufweba na kunywa, pele Ndili nyongene mu kubaa busena.

²²⁵ Yebo ulizi, eelyo ndi penzi. Mwabona? I cintu ca ncico, nkuti uli—uli. . . ndiza mpo ponena. Pele yebo ulizi eco nce cinga ca cita kuli ndime? Eco inga candibamba kulibilika loko cakuti Nse konzyi. . . Ndi—Ndi—kuti. . . Inga wakonzya kuli yumyayumya a ncico, pele nkamu eyo ya ba “Ricky” mukati omo iililemeka bumwi mbuli boobo, a ba “Ricketta,” Inga—Inga—nga ca ndisondola. Mwabona?

²²⁶ Elyo Nda kwaambila; Ndi—Ndi. . . Ikuti na bwaba bwangu, Ndi lizi eco Nce nga ndacita. Inga ndaamba, “Ko leka eco na kuzwa awa.” Mwabona? Inga ndeendelezya musyobo umbi mubotu wa busena na kuteendelezya pe. Pele yebo, ikuti na weelede kucicita nkambo kakuponena, Nse yandi ku kuubausya, Mukwesu na Mucizi. Ndi—Ndi lizi nciyumu kwaamba zintu ezi; pele kuti—kuti buyo. . . Ta ciluleme (yebo wabona?), nkaambo ciboneka mbuli kubaanga. . .

²²⁷ Mbuli muntuumwi waamba cifumo cino kujatikizya banakazi besu kusama madressi mafwaafwi loko, banakazi besu bacipati, wakali mukozyanyo mubi ku balindu bakubusyi. Ndi yeeya cili luleme acalo. Yebo wabona?

²²⁸ Elyo Ndi yeeya kuti ncintu neiconya. Cindi bakubona mukati muya oko kufweba oku koonse a kulilemeka bumwi, elyo ulizi kuti bumboni bwako, a kusinganya oku koonse a—a kubeleka antoomwe a bana baniini mbuli boobo, elyo balo kulilemeka bumwi mbuli boobo, elyo yebo kotaambi cintu kujatikizya ncico, ncitu cibyaabi bu bumboni bwako. Ko cita kufumbwa cintu Mwami nca kusololela. Nda lomba kuti Leza uyo kusololela mu nzila iiluleme.

324. Ikuti (w-i-i-m-a...) kwiima mu mundando kunjila mu mbungano ciyooba ciibalusyo buyo, ncinzi ciyo citika na tatu kaindi mu Mapenzi mapati? Sa twe elede kuba—kuba babonwa...nkukonya...kupenga kumwi? Ikuti ta tweelede kubona...

Mwabona? Nda...Mubuzyo oyu ndiza mbo ubede. Ndi soleka kubinda; Ta—Ta—Ta ndeelede kucita ceeci. Nde elede kubikka eyi kunze, nkaambo mbo busena mbo konzya kukkala ali nguwo kwa oora (mwabona?) elyo ci—laminya biyo. Ndiyo—Ndiyo leka.

²²⁹ Langa. I bantu bayanda kwaamba ceeco, kuyeeya kuti ba—i Mbungano iyo sika ku Mapenzi mapati. Mwabona? Tai kaciti; Tai konzyi (mwabona?), nkaambo Ya kanununwa kale.

²³⁰ Lino, mbungano, i—i basyomi kuzina buyo mbuli Lota, uyo inda Muciindi ca Mapenzi mapati (mwabona?) a kufutulwa mbuli kuti kwakali ku mulilo. Nowa wakainda Muciindi ca Mapenzi mapati, katola atali ali ngawo, wakazwa a Hamu oyo wakasofwaazyza nyika alubo. Mwabona? Lota wakazwa, bana bakwe beni bakoona awe, elyo wakazyala bana kwiinda ku bana bakwe beni ibasimbi. Mwabona? Pele Abrahamu wakazyala Lunyungu lwa Bwami, kazyala Lunyungu lwa cisyomezyo. Enoki wakaunka ku Bulemu mu Kukwempwa, wakeenda buyo mpawo wakainka ku muunzi. Taakwe na kainda Muciindi ca Mapenzi mapati. Yebo wabona?

²³¹ Nceeco we. Mwabona? Ta iciti, Bbaibbele tali konzyi ku cikozyanyo...Elyo cikozyanyo ta cikonyi kukakilwa. Mwabona? Ta caambi kumbele kuti Nabwiinga...Lino, mbungano iyo inda Muciindi ca Mapenzi mapati.

²³² Lino, bantu balati, “Ino kujatikizya basalali bataanzi?” Oko kwakali kucinca kwa mabanze. Oko kwakali kungsi lya kupenga, kwalo ikuti na wikaliko kuno kumvwa *Makkalo Aa Mbungano*, a kubona nzila mbo bakanjila mu mudima oyo nkabela bakacita ceeco, mpawo eco citondezya oko nkobakacita kunjila kupenga oko, nkaambo bumwi abumwi bukkalo bwa mbungano a zintuzyoonse zyaka talika kutondezya kuti zyakali

kuya busiya maningi a kusiya maningi, mane kumalekelo baka njila busena cakumaninina cakuti bakatama Zina Lyakwe a kusala zina limbi ndyo bakali kupona nkabela bakafwa, Sardisi. Elyo mpawo yakazumanana kuyutuka, Tuataira a Sardisi, elyo mpawo yakayutuka, mpawo yakatalika kuyutukila ku Filadefia aamwi ambi, elyo mpawo kusika ku ciindi cakwiitwa kwa Nabwiinga oyo wa keelede kuloboka lunyonyooko loonse. Ya balwa kweelede kuloboka lunyonyooko olu loonse a bukali bweelede kuboole aa nyika, kuti mubalwe kweelela ku luloboko, kutali kwiinda muli ndulo, ku luloboko. Mwabona? Sena mwamvwisya eno, bantubonse? Mwabona?

²³³ I mbungano, ikasaala, kufumbwa cintu aanze lya Nabwiinga uusalidwe ciyo inda Muciindi ca Mapenzi mapati. Taba kabuki mu bubuke butaanzi: “I bamwi bafu teeba kaponi kwa myaka ili cuulu,” Nabwiinga buyo uusalidwe, wakakanzwa, wakasalidwe kale, kusala Kwakwe Leza. “Nguni oyo, Mukwesu Branham?” Ta ndizi. Nse konzyi ku mwaambila kuti nguni, pele Ndi lizi uyooba kuya, nkaambo Mwami wakati bayooba. Mwabona? Balo mbe mbabo bayo unka kujulu kuzwa ku Mapenzi mapati, pele bamwi babo bayo inda mu Mapenzi mapati, kooni mubulongo, a zintuzyonse ziyo jaigwa kakutanaba Mileniamu. Mpawo i—i balulami bayozwa mu Mileniamu a kupona kwa myaka ili cuulu.

²³⁴ Elyo kwaakumana myaka ili cuulu, mpawo Lubeta lwa Cuunocabwami cipati Cituba lwasika, elyo mpawo bafu, boonse baluleme a babi ba busigwa. Elyo mabbuku ajulwa, elyo Bbuku lya Buumi lya kajulwa; elyo basalali, Mukaintu a Mulumi, bakkala a kubeteka inyika. Elyo awo kwaboola kucitika kaambo: “Elyo Uyo beteka masi onse ku musako wa butale.” Masi onse ayoyima kunembo Lyakwe okuya, nkabela Uyo babeteka ku musako wa butale. Uyo andaanya mbelele kuzwaku mpongo a kwaamba ku mpongo, “Amuzwe,” a mbelele, “Amuboole, nywebo no mulelekedwe kwa Taata Wangu.”

²³⁵ Lino mpawo, kuyooba muswaangano wa zivuka iwa basalali aa cilawo ca nyika. Elyo Saatani uyo angululwa kuzwaku ntolongo yakwe a kuyo lwana alubo a basalali, mbubonya buyo eco nca kacita mu Bulemu kumatalikilo. Elyo mpawo Leza waunsa mulilo a sulufa kuzwaku majulu, nkabela nyika yoonse yagusigwa mbuli... Ya kapyi buyo a kunyonyonwa. Elyo takucikwe lwizi, takucikwe maanzi, takucitwe cintu cisyeede aa nyika. Volukkano iyofafaza a kubbotoka a kifulida, a cintu coonse...

²³⁶ “Elyo Nda kabona Majulu Mapya a Nyika Mpya: nkambo majulu mataanzi a nyika ntaanzi zyaka loba; nkabela tii kwacilikwe lwizi. Mebo, Johane, kabona Muunzi Uusalala kuuseluka kuzwa kuli Leza kuzwaku Julu mbuli Nabwiinga wali sakatizya nkambo ka mulumi wakwe.” Mula ciyeeya? Elyo muli Nabwiinga oy... “Amubone Cikombelo ca Leza

caba aa bantu,” elyo Leza uyo kkala a mbabo aa Muunzi oyu wakabambwa mbuli piramidi lya mamaile aa masikkweya myaanda iili kkumi aosanwe. Elyo mukati ka mpela ya Muunzi kuyooba Mumuni. Ameni!

Oh, munzi oyo aa Cilundu ca Zioni,
Mbuli mweenzu, nekuba Ndi cuuyanda.
Ndiyo mu swana mu makkalo,
Cindi Nda kusika ku muunzi aa cilundu.

²³⁷ Aa mpela ya Cilundu ca Zioni kuyo kkala Mwanaambebele. Elyo Muunzi tauka yandi mumuni, nkambo Mwanaambebele ngo Mumuni wa nguwo. Elyo atala Mwanaambebele kuyooba Taata, uuli ngu *Logosi*, Leza, Mumuni mupati, Mumuni Utamani walo uyo yaka aatala buyo lya Cuunocabwami. Elyo Jesu takabi aa Cuunocabwami ica Wisi Wakwe, Uyo oba a Cuunocabwami Cakwe. Elyo Taata uyo lengalenga atala lya Mwana, kwalo Taata a Mwana bayooba Bomwe. “Elyo noba cinoambaula, Ndiyo vuwa. Kabatana konzya kuyeeya, Ndi yeeyela mbabo.” Mbo mbubo.

²³⁸ Elyo Jesu uyoopa bukkalo bulondokede, bulondokede ku . . . i Leza muumi uulondokede, kuti Wa kanununa a kupeda kuli Taata. Sa mbo mbubo? Yo langa kuli Leza Taata uuli Muuya, kutali muntu, Muuya. Bulenge boonse bwa bubotu bwakabungana antoomwe, nkokuti Leza. Elyo mu bubotu . . . Lino, kufumbwa cintu cipilingene kuzwa ku cibotu calo ncibi; obo mbwami bwa Saatani. Cibotu coonse nca Leza. Elyo bubi mbwa . . .

²³⁹ Elyo mpawo Leza wakaba cintu cilaabwaampe mu Muntu uutegwa Jesu Kristo oyo wakali Mwana Wakwe. Mwana Oyu wakapa Buumi Bwakwe kutegwa inga Wa leta bana bambi, kutegwa Leza abonwe kuba, kabeleka muli zyoonse zilanganisigwa. “Mu buzuba obo muyo ziba kuti Ndili muli Taata, Taata muli Ndime, Mebo muli ndinywe a nywebo muli Ndime.”

²⁴⁰ Oh, mukwesu, kuyooba buzuba bwini. To cikayandiki kweenzya kuzwa ku Birmingham kuzomvwa Mulumbe; Mulumbe uunoli andiswe ncobeni mpawo embo na? Oh, ku yooba i—ku yooba ciindi cibotu, cibotu maningi. Tu langila buzuba obo; Leza kububinzya kuti buboole.

²⁴¹ Oyo Muunzi mupati uukkede awo (eno, mwabona?), ta ka . . . Yebo wayeeya, “Mamaile aali myaanda ili kkumi ayosanwe kulampa?” Mbo lya kaamba Bbaibbele. Lino, takabi mamaile ali myaanda iili kkumi ayosanwe kulungumana kujulu mbuli boobo. Mwabona? Tu jisi kweeleka kumbi bupange bwanyika cakuti mabazu oonse ano elene; eyo nje piramidi. Mwabona?

²⁴² Elyo Muunzi uyo talika antela kutandila madigirii a makumi ali cisambomwe. Elyo ikuti watalika, mamaile aali myaanda iili kkumi ayosanwe ya nguwo, amuyeeye buyo mbo uunooli

mulamfu kujulu, pele ino mbulamfu buti mbouya kutola kuba kokuya. To kazibi kuti wali kweenda kutanta cilundu. Ku mamaile aali myaanda iili kkumi ayosanwe kulampa mujulu ku madigrii ali makumi ali cisambomwe, uli buyo kutandila mbuli *boobu*. Mwabona? Elyo Muunzi oonse uli aa cilundu eci. Elyo mulamfu buyo kuya mujulu mbuli mbouli mu bulamfu; walo mulamfu buyo mbuli mboubede mu bukwasule. I kulampa mujulu, ku kuyaansi, ku bukwasule, uli—uleelene; malambo oonse aleelene. I piramidi ijisi malambo one, elyo malambo one aya ayooba . . .

²⁴³ Lino, malambo kuzunguluka Muunzi ayooba—tukokola tuli myaanda yobile a kkumi acisambomwe kulampa, makkwibbiki aali mwaanda a makumi ali one aone, elyo bumwi abumwi bwao ndibbwe. Amuyeeye buyo Muunzi oyo, beenzuma. Oh, ma! Nkaambonzi—nkamboonzi nco tukkalila muno mu busena bupya? Nkaambonzi nco tucita zintu ezi? Nkaambonzi nco tweenzya mbuli boobo? Nkaambonzi nco tu—nkaambonzi nco tu fwaba? Kulelelela ku inci aimwi ya nzila.

Oh, mafwabi a lweendo takaambi cintu pe,
Cindi Nda kusika kumamanino a nzila.

Mbo mbubo. Elyo, oh, ino cinooli ciindi.

²⁴⁴ Elyo Jesu awo uyo kkala aa Cuunocabwami. Elyo kuzwa kungsi lya Cuunocabwami kuyo kunka mulonga wa Buumi, kucoomena ansi mu malambo aya one mu lwaanzi luniini, a kunjila mu tulonga tuniini, elyo kuboola kupanga mulonga, alimwi ansi kwiinda ku Muunzi. Uyo unka nkoonya ansi kwiinda mu tugwagwa mbuli boobo, elyo ku mabazu oonse kwiimvwi masamu aa buumi ayo azyala, na, kucinca micelo yayo mu mazuba ali makumi otatwe lyoonse—lyoonse. Oh, ino Muunzi.

²⁴⁵ Elyo amuyeeye, Leza, Cilenga, oyo wakalenga majulu a nyika, uli mu Bulemu ndyoonya lino kubamba Muunzi oyo. Abrahamu wa Ka ulangila. Wa kasiya munzi wakwe; wa kapambula zintuzyonse ezyo zyakali ziyandisi kuli nguwe a kulangila . . . Nkaambonzi? Wa kali musinsimi. Elyo mukuba musinsimi, wa kali swaangene ku Muuya a cibeela ca Muuya. Elyo Cintucimwi caka mwaambila mukati kakwe, “Ngooyo Muunzi,” elyo watalika Ku ulangila. Kati, “Ndili muzwakule, a mweenzu. Ndi yandaula Muunzi oyo wa Muyasi a Sikuucita kali Leza.” Wa kalizi kuti Muunzi wakali ku busenabumwi. Oh, ma! Elyo Nda syoma kuti mpoonya aa masena awo mpa Ka ulangila, moonya muya mu Palestine, nkookuya Nkwe nobukila, nkambo Uli aa Cilundu ca Zioni. Mpaawo abusena Mpo uya kubeda.

²⁴⁶ Amulange oko Nko ulampa kusika mu i—mu lwizi, kuzwaku lwizi kusikaku lwizi. Amuyeeye Muunzi oyo wa mamaile aali myaanda iili kkumi ayosanwe kaukkede awo a zilundu zya Mwami. Oh, eco inga caba cibotu maningi!

²⁴⁷ Elyo mulavu a kabelele bayo lala antoomwe. I mulavu uyoolya mani mbuli musune. Elyo masekese uyooba sibuuza, nkabela umpe uyo vubwa. Ino cinooli ciindi! Taakwe cintu ciyo nyonganya na kunyonyoona; zintuzyonse ziyoooba mu luumuno. Ta kucikabi kucembaala; ta kucikabi malwazi, taacikwe kufwa.

²⁴⁸ Nobantu, aka takali kaano kamwi ika Santa Claus, cintucimwi cakuyeyela buyo, cili lembedwe mu Ijwi. Elyo Ijwi talina kakilwa. Elyo kuyeeya zya cisyomezyo nciconya ca... Kutali kaindi mu buzuba bwa Bbaibbele, pele mu buzuba bunu, buzuba obo Leza, sunu, kutali kabeela komwe kakasola kukakilwa ika Ijwi Lyakwe. Oh, Ndiya ku Muunzi oyo. Nda Uyanda, tamu citi na?

²⁴⁹ Peepe! Lino, Mukwesu, Mucizi, yaamba kuti twenti wani theeti. Ndi lizi Ndi jisi beenzuma kuno kuzwa ku lweendo loonse kuselemukila mu Kentucky. Ndi lizi Ndi jisi beenzuma kuno kuzwa ku zibeela zyandeene zya cisi. Ikuti na kukkala masiku oonse, Ndiyo bbadelela busena bwako. Nda mwaambila, kuti wajisi zisusulo kazi mulindila a kubbadelela ma motelo anu ikuti na mwali kuyanda kukkala. Elyo cintu buyo nco mweelede kucita nku mubona kusule kuya, elyo Ndiyo cicita ncobeni. Ndiyo cita kufumbwa cintu Nce konzya kumugwasya. Nda muyanda.

²⁵⁰ Ta ndaambi kuvwiila mibuzyo eyi ndiza ziindizimwi ca kwiimpana. Ikuti na to cisyomi, eco cili kabotu kumaninina. Ndi yanda kuti mu ndiyande mbubonya buyo, nkaambo Leza ulizi kuti Nda mucitila mu nzila eyo. Ndi vwiila buyo mibuzyo eyi ku bubotu kwa ku bubotu kwangu kuzi-. . . Inga nke lubide muli imwi, mweenzuma, pele tii cakacitwa aacaali. Ikuti ni Ndali jisi mibuzyo itandila ku cisambomwe na lusele, kutegwa Nda konzya buyo kukkala ncobeni anjiyo a kwiipandulula buyo kusika kungsi kwini, pele Mebo, mubusena bwakulanganya muli yoonse lino. . . Ndi jisi misyoonto yayo ijatikizya lukwatano a kulekana. Nda jisi buyo. . . yeeya kuti inga Nda ingula misyoonto yayo. Tee ndakonzya kujana iimbi ibikkidwe awa, kwiibweza, pele Ndi jisi imwi mibuzyo iyandikamaningi awa, mibuzyo iyandika maningi. Ndi yanda kwii vwiila kuli ndinywe ikuti na Nda konzya.

²⁵¹ Lino, ikuti upona muni loko awa, katumine Billy, Bwatatu; Ndi noози kuciindi eco naa Ndi nojokede. Ndiyo komba mvwiki ino. Pele Ndi jisi miswaangano minji yakubuzanyanya kwakumbali, oh, mulwi uutandila mbuli *boobo*. Elyo Ndi jisi itandila kuvula *boobo* mu Arizona ya kubamba bumwi bwa mazuba aya cindi Nda konzya. Elyo balo mbantu baciswa loko. Bamwi babo bali jisi mapenzi, nkabela tabazyi buyo eco cakucita: balumi a bamakaintu bajisi mapenzi.

²⁵² Elyo imwi ya yeeyi yakacitwa kubambwa kuba miswaangano yakubuzanyanya kwakumbali, nkaambo inga tii

Nda ibalila bantu ncobeni, eco bantu nco bakaamba mukati muno kujatikizya makani aa lukwatano lwabo a zintu mbuli zeezyo. Elyo Nda kacita Billy kujokela biyo a kuziba kuti mbaani, elyo—elyo ku baita, a kubaambila kuti tuyo babikka ku muswaangano wakubuzanyanya kwakumbali, kutegwa Nda konzya kwiiambaula. Imwi ilayandika kapati, alimwi mibuzyo yeelede kuvwiilwa.

²⁵³ Ndili kokuno kusola kumugwasya, nkaambo Nda muyanda. Muli bana bangu abo Mbe kazyalila Kristo. Nda taminina umwi aunwi wanu. Nda mutaminina sunumasiku; Nda taminina ciindi coonse; Nda mutaminina lyoonse, alimwi kuti mbuli mukwesu a mucizi wangu. Muli bana bangu; Ndi—Ndime uso mu Makani mabotu, kutali uso mbuli mbo cinga caba mupaizi, Ndime—Ndime uso mu Makani mabotu mbuli Paulo mbwa kaamba okuya. Nda kamuzyalila Kristo, elyo eno, Nda—Nda mukwatanya kuli Kristo; oko nkumu tanganya kuli Kristo mbuli musimbi usalala. Muta nduusyi bweeme! Muta nduusyi bweeme! Amukkale kamuli musimbi mubotu.

²⁵⁴ “Ino Ndiyo cicita buti, Mukwesu Branham?” Kokkala ncobeni a Ijwi; kopona kosalala a kunjoloma; kotakwe cakucita a zintu zya inyika. Ikuti na luyandisyo lwayo luli mu moyo wako, koamba, “Oh, Jesu, akaka kogusya eco kuli ndime. Ta ndiyandi kuba boobo.”

Lino Ta ndaambi buyo kuba muntu umwi oyo—oyo waamba eci. Nda—Nda amba kuba musyomi wini. Kosyoma Jesu Kristo a kuponena Nguwe mazuba oonse. Uta citi bubi.

²⁵⁵ Lino, ziindi zinji Nda kanana buzumini bwa bana Calvinisti. Lino, tandi yeeyi ikuti obo bumwa ngulula kucita kufumbwa cintu nco muyanda. I mulombwana buzuba bumwi. . . Nda kati, “Sena waliko ku mbungano?”

Wa kati, “Nda kaunka kuyo vwima.”

I mukaintu wa mwaalumi wakandisikila, nkabela waa kali kuboola kuzwaku busena bwakusanzizya zisani Munsondo muncini walosezya makkobili. Elyo Nda kati, “Nkaambonzi nco taunka ku mbungano?”

Waa kati, “Ndali kuwasha.”

Nda kati, “To elede kucita ceeco.”

“Ee,” waa kati, “Nseli similao wakaindi.”

Nda kati, “Pele Ndali kuyeeya kuti wakali Munakristo.” Mwabona? Nda kati, “Sena ulizi kuti wali kubikka cilebyo munzila ya muntuumwi?” Mwabona? Nda kati, “Ci. . .”

“Ee, aah, Nda—Nda syoma eci. Ta ndeelede kucita zintu ezyo. Ta ndili similao.”

²⁵⁶ Ee, kolanga Mukwesu, Mucizi wangu, kolanga okuno. Paulo wakati, “Ikuti na kulya nyama kubikka cilebyo munzila

ya mukwesu wangu, Nse kalyi limbi nyama kufumbwa kuti inyika kaiciimvwi.” Elyo Ndi yeeya kuti inga caba cibotu loko coonse . . .

²⁵⁷ Lino, wati, “Mukwesu Branham, yebo ulavwima. Sa wakasola kuvwima Munsondo?” Andi kwaambile cintucimwi. Kutali . . .Nseli lumbaizyi kuli ceeci, pele Ndili . . .Nseli Sinsabata lino, Ndi syoma kuti Muuya Uusalala ni Sabata yesu. Nda syoma obo, pele Nda syoma kuti twe elede kulemeka bubuke obo mbuli ciibalusyo. Eco nciibalusyo cakuti Ndi . . . Ikuti ulemeka buzuba bumwi, kulemeka bubuke obo.

²⁵⁸ Lino, taakwe mulao wa kubamba buzuba bumwi buli boonse, nkaambo ulanjila mu Sabata, luumuno, ciindi wa njila muli Nguwe. Ndi jisi mubuzyo oyo mukati muno wa kwiingula caino maningi akwalo, Mwami na wayanda, kujatikizya kuti buzuba bwa Sabata niinzi? Ndiyo bupandulula, Leza na wayanda.

Elyo eno amubone, amuyeeye eci. Mwabona? Cindi ni Nda kali musankwa muniini, nkoonya kuno oko Eichs nkwakali kukkala kumbali lya mugwagwa, Nda kali kutandila myaka iili kkumi ayone yakukomena; Nda kali kuteya tukole aakujanina cakuponena. I cintu buyo Nce kajisi kugwasya kujana cakulya mu ng’anda yesu kwakali kujata babbule, maskratisi, baoppossamu.

Nda kali kubotelwa kuteya tukole, alimwi Nda kaleelede kukucita. Nda kali kunga ndaunka ku cikolo nkenunka bweema mbuli skunki, alimwi Nda—Nda kajisi cikobela comwe luzutu, alimwi nci coonse Nce kali kukonzya kusama. Nkukoonse Nkwe kajisi. Baama bakali kunga bazigusya a ku ziwasha, a kuzijosya; elyo eno, eyo nje nzila Mbwe kakonzya kuya ku cikolo, musankwa muniini. Pele Nda kaliimvwi kutala kuya busiku bumwi; Nda kati, “Nda teya tukole kutala kuya kubusena bwa ba Wathen, kwiinda aatala lya waa.” Nda kali kunga ndazwa cifumo acifumo kutandila tuu okuloko a lampi kulanganya tukole otu, mpawo kujokela mu ciindi kuya ku cikolo. Nda kali kunga ndajata basulwe; Kali kujana maseenti aali kkumi aosanwe kuzwa kuli baabo. Elyo Nda kalikunga ndaula cipakete ca misyonga kuzwa kuli baaba, alimwi ndiza kujaya basulwe abo botatwe na bone. Eco neotwa tajisi mukujika mabbisiketi a basulwe—baa, musinza usalaluka wa cilalilo, Nda kali kunga ndasambala bamwi, elyo ndiza kujana kweelede kuula cinkwa, na cakulya cimwi, na fulawa kajisya musinza. Ta ndizi naa mwakacita kupona mbuli boobo na pe.

²⁵⁹ Nda kali kunga ndateya tooze mu mulonga; kuselemuka, a kujaya nswi, elyo ku zisambala ku maseenti ali kkumi ku paundi lyomwe. Kateya tooze twangu. Nsi ndaka jisi bwaato; Nda kali kunga ndayamba kubelesya citanda. Kunjila mu mulonga, elyo kuucitontola, kugusya bbakete lyangu lya

banamola awa aa citanda a ku bukwasule mbuli boobo, mubili wangu mudukwa mu mulonga, a kulanganya boobu. . .Kajisi ntambo ku lubazu olu, kwaanga nswi zyangu kuya mujulu. Inswi zya boya kumulomo mbuli bwa kaaze kazi ndizambaila twiimbi ku kuulu kuyabuya mbuli boobo, elyo kubikka namola wangu aa . . .

²⁶⁰ Pele kulanga, busiku bunji Nda kaunka mu mulonga oyo kuciindi ca ileveni okuloko a kusomona tubeela toonse twa banamola ku ntambo eyo. Ikuti na tii Nda kakonzya kujata kweelede mu mazuba ali cisambonwe, tee Nda kali kuyanda imwi kuboola aali bwaciloba. Nda kaima awo mu mvula.

²⁶¹ Busiku bumwi Nda kalibona nke ciimvwi, yaama ku. . . Nda kali sizibi; pele Nda kaliimvwi, kuyaama cikunguzyo mbuli boobu, citendele. Oh, mvula yakali kuwa maningi, kuya ku ileveni okuloko. Nda kati, “Ndiyo omuka sunumasiku, pele Nda unka a kuteulula tukole oto. Nse kakajati mu Sabata.” Nda kati, “Nse—Nse kateyi tukole.” Leza wakaleka eco.

²⁶² Nda yeeya ciindi lyoonse Ne kali kuyanda, lyoonse Ne, buumi bwangu boonse ndakali kuyanda kuba muvwimi. Basyaanene mbo bakabede. Nywebo mulizi, banene bakazwida ku masena aa mu miinzi aabambidwe sicisi; ba kajana penshioni. Nda botelwa buyo masena aamusokwe.

²⁶³ Elyo Nda yeeya lyoonse Nda kali kuyanda. . .Nda—Nda kali kuyanda mu buumi bwangu. . .Kayeeya kuti Ne kakonzya kusola kujana mali aakubwene kusikila Nda konzya kuba .30-30 raifo yangu. . .Ikuti ni Nda kakonzya kusola kucicita, mpawo ni Nda kaula cikama ca tooze. Ni ndaka unka ku malundu; Ne kalekela bamwi bantu kusololelwa. Nda kayeeya, “Ndiza ciindicimwi ikuti na Nka bweze .22 yangu kwiiya kuba sikudula mubotu, muvwimi umwi ciindicimwi inga waku ndiyanda kuzumanana. Ikuti na Ndaba sikudubula mubotu kapati, uyo ndilekela kuzumanana ku bukwalibili bwakwe; Ndiyo unka ku kuvwima.” Nda langa, kulengelela ku malambo angu, nkabela ma raifo ainda kubota ayo mali nga konzya ku ala lengalenga okuya, kusikila Nda konzya kupa bantu ma raifo kuya kukumvwima balikke.

²⁶⁴ Ula ndilekela kunjila malundu a kukambauka, elyo beenzyi bamwi babotu kwiinda baliko mu nyika bala nditola kuya kukuvwima, kwiina kubbadela. “Luzyalo lugambya, obo kumvwika mbokuli kubotu.”

²⁶⁵ Cindi ni Nda. . .Akwalo cifumo cino, muvwimi mudaala wa badiia kuno ku busenabumwi ujisi .35 Remington, Tii yakali kuyandika raifo ncobeni, pele wa kabikka kuboko kwakwe aali ndime, kati uya bucembaala maningi kuvwima, “Ndi yanda kukupa raifo yangu.” Nda kayeeya eco cindi ni Nda kali musankwa muniini, buti, ikuti na Ndi kasole kuyeeya kuti inga Ndi yooba a raifo mbuli eyo, oh, ma, ino mbo cakali nooba.

Elyo lino, Ndi yeeya buyo, kulalengelela aa bulambo bwangu, ma raifo mbotu, masena akwiinka kuyo vwima.

²⁶⁶ Nda yeeya kuunka kumasena, elyo basankwa bakalikunga baula kapapa ka asikrimu. Elyo ziindizimwi bamwi babo bakali kunga bali jisi ka kkobili ka maseenti osanwe kaatala elyo bakali kunga ba nduulila komwe. Ma, tee Nda kali kukonzya kubaulila komwe mukujosya. Nda kayeeya, “Ikuti Nda . . .”

²⁶⁷ Elyo ziindizimwi bakalikunga baula zyakaindi ezi, nzo twiita kuti “tunkwa twanyama igaidwe kamudilarki.” Nse zyi naa nyoonse mula yeeya na pe, pele nobamwi nywebo basikale . . . Ula kuula ku kkobili, cintu coonse cijisi hanyisi uukangidwe. Oh, Nda botelwa zintu ezyo. I mwana muniini tii twa kajisi . . . Cibbuubbu a molasesi (nywebo mulizi mbo cibede) kulya.

²⁶⁸ Lino, muntuumwi wakali kunga wa nduulila kamwi ka tunkwa twanyama igaidwe, a musankwa, Nda kali kunga ndamyankuta tunwe twangu awo Nda kazijata. Cakali—cakali . . . kunona kapatu. Elyo Nda kayeeya, “Musankwa, mwaalumi oyo, ikuti Nda konzya buyo ku muulila kankwa kanyama igaidwe.” Elyo eno, inga Nda ulila mbungano cilalilo cayo.

²⁶⁹ Nda yeeya zintu ezyo zyoonse, alimwi nkokuli nko cakazwida? I luzyalo lwa Leza, taakwe cintu Nce kacita.

²⁷⁰ Nda yeeya nkeselemukila mu mugwagwa kuno elyo Nda kaambaula ku muntuumwi. Ba taata, nywebo nyoonse mulizi, bakali kunywa; bakali kukondola whisky. Elyo eco . . . kwiina muntu waka jisi cakucita a ndime. Nda kali kunga ndaselemukila aa mugwagwa a kusola kwaambaula ku bantu; Ndi ciba swaana bantu sunu. Kusola kwaambaula ku muntuumwi, ikuti na kwiina muntu umbi wa kukananina, bakali kunga baima, “Inzya, uh-huh.” Mwabona? Nda kali muna Branham.

²⁷¹ Aboobo, Nda kali kulimvwa bubi maningi, elyo kunyona, a kweenda kuzwa. Nda kayeeya, “Nse jisi mulandu wa ceeco. Tii ndakacita eco ba taata ncoba kacita. Nse kanywa mu buumi bwangu. Nkaambonzi Nce ndeелеde kuyo imina eco?” Elyo Nda kali kwaambila mukaintu kuno kutali ciindi cilamfu cainda, “Nda katandila kuta kkala mu dolopo.” Leza wakacita cibotu kuli ndime.

²⁷² Nda kayeeya okuya oko nkwa kaambila Natani kakkede kuya cindi cimwi. Natani . . . Davida wakati, “Sa kuli kabotu kuli ndime kupona mu ng’anda iyakidwe aa kedara nkabela bbokesi Iya Leza wangu kungsi lyatente kubusena buya kali vumbidwe.” Wa . . .

Natani, musinsimi, kati, “Davida, kocita koonse kuli mu moyo wako, nkaambo Leza ula anduwe.” I musinsimi waka lubizya, kutali acaali pe.

Busiku obo Mwami wakaboolela musinsimi, kati, “Koya kamwaambile mulanda wangu Davida, ‘Nda kamugusya ku cimpati ca mbelele eco, kaembela mbelele zisyoonto kubusena kuya; elyo Nda kamupa zina mbuli zinalya muntu mulemu oyo wakali mu nyika. (Ta kaamba kuti Wa kamupa zina pati maningi, Wa kamupa buyo zina mbuli bantu balemu abo bakali mu nyika.) Nda kacita zintu ezi zyoonse nkambo ka nduwe, Davida. Nda kanyonyoona basinkondo bako koonse nko kainka. Nda kali mumsi lyako. Nse na kukakilwa pe, alimwi Nse ka kakilwi pe. Pele Nse konzyi kukulekela kuyaka muunzi.”

²⁷³ Nda kayeeya ceeco, ca busena lino oko Leza nkwa ndigwasya a kundi lekela kuziba bantu balemu, kundi lekela kuunka koonse ku inyika. Elyo bantu kuzwa ku inyika yoonse baitila kuboola ku bakombela, a bantu baciswa, alimwi kuyanda maminiti masyoonto kuba a ndinywe, oko kwalo myaka misyoonto buyo yakainda teebe kali kunga banyona akwalo. . . bakali kunga banyona mitwe yabo kubona ndime mu mugwagwa. Elyo eno, basimakwebo bakasumpuka kwiinda ku bantu abo Mbe leta mu dolopo a kuba awa, kwinda muli zyakulya zyabo a mabbilu abo amu ma motelo, a zintu mbuli ezyo, jisi. . . kuya ku ma motelo a mu dolopo koonse a zintu mbuli ezyo.

²⁷⁴ Bantu abo. . . Bantu teebe kali kundi yanda pe; kwiinda wakaba a mpindu kuli ndime. Elyo lino, ku lugwasyo lwa Leza, Nda syoma kuti Ndi lailila Nabwiinga wa Jesu Kristo. Oh. “Luzyalo lugambya, obo kumvwika mbo kuli kubotu.”

²⁷⁵ Nkokuli nko lwakazwida? Lwiiyo lwangu? Nse jisi. Nkokuli nko lwakazwida? Bugame bwangu? Nse jisi. Sena lwa kaboola kuzwa kukuziba kwangu kwa lwiiyo lwabukombi? Nse zyi. Lwa kaboola kunzi? I luzyalo lwa Leza olo lwaka ndifutula.

Nduzyalo lwa ka yiisya moyo wangu kuyoowa,
Nduzyalo lwaka angulula kuyoowa kwangu;
Obo caku kkomana luzyalo lwakalibonya,
I oora Ne kasaanguna kusyoma.

Kwiinda mu ntenda, mafwabi, a tooze tunji,
Nda kasika kale;
Nduzyalo lwa kandi leta nke kwabilidwe
kusika mbuli boobu,
Nduzyalo luyo nditola ku muunzi.

Elyo cindi twa nooli kokuya mu Muunzi oyo
kwa myaka iili zyuulu zili kkumi,
Oyo uumweka maningi kwiinda zuba;
Ta tukabuli ciindi ca kwiimba ntembauzyo
Zyakwe,
Kwinda cindi netwa katalika.

Oh, obo Mbwe yanda Jesu, Zina eelyo bbotu lyaka ndifutula cindi Ne kali i—i sizibi, lya kandiponya cindi Ne kacisidwe, eelyo lindipa cisyomezyo ca munzi mu Dolopo. Ndi jisi munzi mu

Mwaala oyo. Taakwe cintu cimbi cijisi makani lino pele kujana boonse bana ba Leza kuba antoomwe a kwaamba, “Atwe ende.” I oora, aakatikabusiku kuya buba; nkumuka kwiinda mbo tu yeeya. Atu kombe.

²⁷⁶ Mwami Jesu, kujala kwa buzuba bulondokede . . . Mbuli mbo tunga twa ima aa mpela lya mulundu a kulangilila zuba, cindi myeengo iisubila kaiyutuka koonse ku malundu mapati aakumbo kutala, cindi liso pati lya livumba, bayuni bala talika kuya ku nzila zyabo ku ziteente, mbusiku buboola. Twa bona buzuba bumbi bupati bwa Kumuuya cindi Muuya Uusalala niwa tu gwasya kuvwiila mibuzyo eyi. Lino, tuya ku ziteente zyesu, Mwami. Ko tubamba; talekeli cintu ku tuuma, Mwami. Ku tutantamuna ku bazoka ba masiku a bubu. Akube kuti Leza abe muni lyesu ziindi zyoonse, kutu kwabilila a kutu gwasya.

²⁷⁷ Nda komba, Taata Wakujulu, kuti Uyo leleka umwi aumwi wesu oyo wali mu muswaangano, abo bata konzya kubako, boonse bayo swiilila ku mateepu. Akube kuti mibuzyo ita kayumi maningi. Elyo ikuti na Nda lubizya, Mwami, Uli zyi moyo wangu; Tii ndali kuyanda kucita. Nda komba, Leza, ikuti na kuli cintu cili coonse cilubide, kuti To kaciti, kuta cilekela kuzumanana; akube kuti teepu iime. Ta ndilekeli kucenga muntu, Mwami. Andibe mulanda Wako wa kasimpe, nkambo oko nko kuyandisisya kwa moyo wangu oonse. Naanka Nda pona na kufwa, naanka Nda lindila na Nda zumanana, naanka Nda ona na Nda sinsimuka cindi Aboola, tacikwe makani kuli ndime, Taata, luyando Lwako lucitwe. “Nkambo Ndi lizyi kuti Muvuni wangu ulapona, elyo ku mazuba aku mamanino Uyoo ima aa nyika eyi. Elyo nekubakuti tuuka twa lukanda twa nyonyoona mubili oyo, nekubaboobo mu nyama yangu Ndiyo bona Leza.” Oyo wakali Jobu musinsimi cindi na kabona kuboola kwa Mwami.

²⁷⁸ Elyo, Mwami, sunu mbuli balanda Bako, twa langa kumbele a kubona kuboola Kwako. Aboobo tacikwe makani kuli ndiswe, Mwami, cindi, nzila, busena. Tu yanda buyo Ku kubotezya. Tuli mu maanza Aako. Ko tubamba, Mwami, kusikila zuba lipasuke. Ko cipa, elyo mpawo tuyo macing’a kuyaku Zioni oko Dolopo eelyo oko Mwanaambelele nkwali Mumuni.

²⁷⁹ Banike bangu bayandwa awa, Mwami, abo Mbe ka Ku zyalila kwiinda mu zyaanzyo zya Bbaibbele, balo micelo ya Ijwi eli. Bala ndiyanda, alimwi Nda ba yanda. Elyo Ndi lizi kuti Ula tu yanda toonse. Twa komba, Leza, kuti Uyo tumisya ku Ijwi Lyako cakuti inga twa bona buyo Nguwe. Ko cipa, Mwami. Akube kuti tu zulwe loko a Ijwi Lyakwe cakuti Muuya inga wa tu belesya kuli koonse ku busena buli boonse kuyubulula kufumbwa Ijwi Nca kasyomezya. Kupa eco kuli ndiswe toonse. Mpaawa ku baswiilizi aba kuno ezi . . .

280 Mukwesu wangu Jackson wajoka lino, kulaale kumusanza mu South Africa. Koya a nguwe a mukaintu wakwe; koba ambabo, Mwami. Beenzye mu lweendo lwabo.

281 Ngooyu Mukwesu Lee Vayle kalemba, kalemba mabala oonse Nge amba, kusola kupanga bbuku. Oh, Leza, kogwasya Mukwesu Vayle a Mucizi Vayle.

282 Mbaaba bakwesu kuzwa kumusanza mu—mu Arkansas, elyo—elyo babunyina bana Martin, elyo—elyo bakwesu aba bambi boonse. Nda komba kuti Uyo oba a umwi aumwi wabo.

283 Koba a Mukwesu Neville, Mukwesu Capps, Mukwesu Ruddell, Mukwesu Jackson, a boonse. Oh, Leza, kuli banji maningi. Ba zwida ku Georgia, ku Alabama, a koonse ku cisi a kuzunguluka inyika. Twa yeeya lwiimbo:

Oh, bazwa Kujwe a Kumbo;
Bazwa ku masi aakule;
Ku kupobola a Mwaami wesu,
Kulya mbuli beenzu Bakwe, (Wa kabatamba
kulya a Nguwe.)
Obo mbo bala acoolwe bamuzwakule aba.
Kubona busyu Bwakwe busetekene,
Kumweka a luyandisyo lwabuleza;
Bali lelekedwe basizyaabilo ba luzyalo
Lwakwe,
Mbuli ngale mu musyini Wakwe kazibalama.

284 Oh, Leza, akube kuti tu mweke maningi mbuli ngale mu musyini Wakwe, cakuti bamwi inga babona a kusukamika ku Mu belekela. Ko cipa, Mwami. Koba kwabilila mu mugwagwa. Koleleka boonse.

285 Elyo Taata, ku ciindi cako cisalidwe. . . Ndili mulanda wako. Ikuti na uyanda kuteeti ndizumanane mvwiki ezi zitobela na kubweza miswaangano eyo yakubuziyanya kwakumbali, kondi yubunwida, Mwami, alimwi ndilekele ndizibe aakati ka lino a Bwatatu kutegwa tu konzye kumvwisya. Ko cipa, Taata, kuteeti bantu bakonzye kusika. Elyo Nda lomba cilongezyo eci cakuti Uyo tu gwasya a—a ku swaana a ndiswe alubo kuno ku ciindi ca muswaangano wesu citobela.

286 Koba a Mukwesu Neville a baalumi abo baleta Ijwi kuselemukila mu Texas, a kubusena mu Arkansas, a masena aandeene; kuba biyo ambabo, Taata. Mukwesu Peary Green a nkamu yoonse okuya, alimwi kuba biyo a boonse babo, Mwami; balo mbana Bako baniini. Masena oonse ku inyika bala lindila ku boola Kwako. Ko tu gwasya, Taata twa lomba, mbuli mbo tuli tuula kuli Nduwe. Mu Zina lya Jesu ko tubelesya. Amenii.

287 Nda botelwa lwiimbo olo, *Bazwa Kujwe a Kumbo*. Mbangaye baizi? Ta ndizi mbuli Mbwe izyi, pele Ndi yeeya kuti Ndi lizi kampango. Inga wabweza, Mucizi. Ta ndizi naa bala konzya kwii mvwisya.

Oh, bazwa Kujwe a Kumbo;
 Bazwa ku masi aakule,
 Ku kupobola a Mwaami wesu,
 Kulya mbuli beenzu Bakwe,
 Obo mbo bala acoolwe bamuzwakule aba.
 Oh, kubona busyu Bwakwe busetekene,
 Kumweka a luyandisyo lwabuleza;
 Bali lelekedwe basizyaabilo ba luzyalo
 Lwakwe,
 Mbuli ngale mu musyini Wakwe kazibalama.

Oh, Jesu ula boola calino;
 Masukusyo esu ayo mana mpawo.
 Oh, ino kuti Mwami wesu weelela kusika
 kuciindi cino
 Kuli baabo baangulukide ku cibi.
 Oh, mpawo sa kuyo muletela lutangalo,
 Na buusu a kufwaba kupati?
 Cindi Mwami wesu mu Bulemu asika,
 Tuyo Mu swaana mu mulengalenga. (Sena ta
 mwiibotelwi? Atwi sole alubo.)

Oh, ba yozwa Kujwe a Kumbo;
 Oh, bazwa ku masi aakule,
 Ku kupobola a Mwaami wesu,
 Kulya mbuli beenzu Bakwe,
 Obo mbo bala acoolwe bamuzwakule aba.
 Kubona busyu Bwakwe busetekene,
 Kumweka a luyandisyo lwabuleza;
 Oh, bali lelekedwe basizyaabilo ba luzyalo
 Lwakwe,
 Mbuli ngale mu musyini Wakwe kazibalama.

Oh, Jesu ula boola calino;
 Masukusyo esu mpawo ayo mana.
 Oh, ino kuti Mwami wesu weelela kusika
 kuciindi cino
 Kuli baabo baangulukide ku cibi.
 Oh, mpawo sa kuyo muletela lutangalo,
 Na buusu a kufwaba kupati?
 Cindi Mwami wesu mu Bulemu asika,
 Tuyo Mu swaana mu mulengalenga.
 (Mbangaye bayanda kuyo Mu swaana kutala
 kuya? Oh, ma!)

Oh, Jesu ula boola calino; (Amujale buyo meso
 anu a kuyeyela kuti mwamvwa kulila kwa

mweembo.)
 Mapenzi esu mpawo ayo mana.
 Oh, ino kuti Mwami wesu weelela kusika
 kuciindi cino
 Kuli baabo baangulukide ku cibi.
 Oh, mpawo sa kuyo muletela lutangalo,
 Na buusu a kufwaba kupati?
 Cindi Mwami wesu mu Bulemu asika,
 Tuyo Mu swaana mu mulengalenga. (Mula
 lubotelwa na?)

²⁸⁸ Pat, koba a camba cibotu! Kuyo pasuka buzuba kuli ndinywe bumwi bwa mafumo aya. Tii ndabona buyo nko caunka, pele cili bonya kabotu. Amen! Ujisi cindi cilamfu, mukwesu, ciyo jokela. Elyo mbuli cinkwa aatala lya maanzi ciyo kujokela buzuba bumwi. Mbo mbubo. Yaa.

Oh, sa mula Mu yanda?

Lusyomo lwangu lulanga kuli Nduwe,
 Yebo Kabelele wa Kalivari,
 Oh, Mufutuli sibuleza!
 Lino kondi swilila Ne komba,
 Kogusya zibi zyangu zyoonse,
 Ta ndilekeli kuleya kuzwa kuli Nduwe.

Kuciindi kusiya kwa buumi Ne lyata,
 Elyo kupenga kula ndibungilila,
 Yebo Koba Mweenzyi wangu,
 Kulailila mudima kuba isikati,
 Kopukuta kuyoowa kwa buusu,
 Oh, kundilekela kuzwa buzuba buno kuba
 Wako kumaninina! (Sena tamu iyandi eyo?)

Lusyomo lwangu lulanga kuli Nduwe,
 Yebo Kabelele wa Kalivari,
 Oh, Mufutuli sibuleza!
 Lino kondi swiilila Ne komba,
 Kogusya zibi zyangu zyoonse;
 Ta ndilekeli kuleya kuzwa kuli Nduwe.

Kalelekwa kaanzyo ako kaswaanganya (Oh,
 ma!)
 Myoyo yesu mu luyandisyo lwa Bunakristo;
 I luswaanano lwa mizeezo iikozyenye
 Luli mbuli lwa kujulu.

Kumbele lya cuuno cabwami ica Taata
 Tu kuna mipailo yesu;
 Kuyoowa kwesu, bulangizi bwesu, makanze
 esu ngamwi,
 Kugwasigwa kwesu a kubambwa kwesu.

Pele cindi twaandaana,
 Ci tupa kucisa kwa mukati;
 Pele tu cino swaangene mu moyo,
 Elyo kulangila kuyo swaangana alubo.

289 Mucizi Wilson, ula yeeya kutandila myaka iili makumi otatwe ayotatwe na makumi otatwe ayosanwe yainda mu muswaangano muniini mu ng'anda twa kali kunga twajatana maanza a umwi aumwi? Nda lizi kuti ulayeeya obo. Oh, atu tambike lino a kujata janza ku muntuumwi.

Kalelekwa kanzyo ako kaswaanganya
 Moyo wesu mu luyandisyo lwa Bunakristo;
 I luswaanano lwa mizeezo iikozyenye
 Luli mbuli lwa kujulu.

Kumbele lya cuuno cabwami ica Taata
 Tu kuna mipailo yesu;
 Kuyoowa kwesu, bwingizi bwesu, makanze
 esu ngamwi,
 Kugwasigwa kwesu a kubambwa kwesu.

Cindi twaandaana,
 Ci tupa kucisa kwa mukati;
 Pele tu cino swaangene mu moyo,
 Elyo kulangila kuyo swaangana alubo.

Sena mula yandana? Banike baniini, amu yandane.

Mane tuka swaangane, mane tuka swaangane,
 Mane tuka swaangane ku matende aa Jesu;
 Mane tuka swaangane, mane tuka swaangane,
 Leza abe a ndinywe mane tuka swaangane
 alubo.

290 Mula Mu yanda? Sa tali Mu botuloko? Sa mula yandana? Tambika koonse, kwaamba cintucimwi kuli umwi aumbi. Kwaamba, “Leza aku longezeze, mukwesu. Kulongezeze, mucizi.”

291 Bali muku tuswiilila sunumasiku koonse ku mulonga kutala, Mucizi Wilson. Inga ndabona Mukwesu Seward mudaala keenda a cibuye, kakamba maanza akwe. Nda bona mukwesu wesu kusule kuya a cilezu ku busyu bwakwe wanyamuna maanza akwe, kalumbaizya Leza; Nda yeeya zya Mukwesu Ryan, obo mbwa kali kukkala awo mu cikombelo cakaindi a cilezu cakwe cilamfu mbuli ceeco. Ula swiilila sunumasiku ku milyango ya Bulemu, musalali uyandwa wakale. Sena Tali mubotuloko?

Kotolelela Zina lya Jesu,
 Mwana wa buusu a wa mapenzi;
 Liyo kupa lutangalo a lugwasyo,
 Oh, kolitola koonse nkoya.


Zina liyandisi, O mbolili bbotu!
 Bulangizi bwa nyika a lutangalo lwaku Julu,
 Zina liyandisi, O mbolili bbotu!
 Bulangizi bwa nyika a lutangalo lwaku Julu.
 Lino, ko tolelela Zina lya Jesu. (Ndya nzi?)
 Mbuli ntobo kutantamuna tooze toonse.
 (Ncinzi cicitika?)
 Cindi masukusyo aku bungilila,
 Koamba zina eelyo lisalala mu mupailo.
 Zina liyandisi, O mbolili bbotu!
 Bulangizi bwa nyika a . . .

Oh, Jesu, koba gwasya Nda lomba . . . ? . . . Ba ponye, Mwami,
 muli Jesu . . . ? . . . sa nci cako acalo . . . ? . . .

Bulangizi bwa nyika a lutangalo lwaku Julu.

Sa oyo musimbi wako muniini? Walo mubotu.

²⁹² Ku miswaangano yakubuzanyanya kwakumbali: Billy waamba kuti mu mubone aakati ka lino a Bwatatu ku miswaangano yakubuzanyanya kwakumbali na kuzwa Bwatatu kusikila mu Mujibelo ku miswaangano iboola yakubuzanyanya kwakumbali, naa . . . Ikuti na tatu jisi kuswaangana kwa Bwatatu, amu mubone, nywebo no mujisi miswaangano yakubuzanyanya kwakumbali. Nobamwi banu, tazyi nzila yaku mujana. Aboobo uyo . . . Boonse bayanda miswaangano yakubuzanyanya kwakumbali, amu mubone Billy.

²⁹³ Mula Mu yanda? Ncibotu. Lino, mane tuka swaangane, Leza amu longezye. Tu yanda kukotamika mitwe yesu; elyo Ndiyo lomba mweenzuma wangu mubotu, usyomeka oyo, uunka kulandukwa lwizi eno, kulaale kumusanza mu Africa, oko cimwi ciindi Nkwe kacita mulimo wakutola lusyomo okuya mu Zina lya Mwami, Mukwesu Sidney Jackson, walo a mukaintu wakwe . . . Twa kabotelwa maningi kubatambula kuba andiswe ku kuswaangana oku kwainda kusyoonto. Obo Leza mbwa mulongezya. Elyo Ndiyo mulomba Mukwesu Sidney Jackson ikuti amwaisye baswiilizi aba mu mupailo. Mukwesu Jackson, inga wacita. 

MIBUZYO A BWIINGUZI TNG64-0823E
(Questions And Answers)

MATOBELANWA AA KULILEMEKA, MALAILILE A NJIISYO ZYA MBUNGANO

Oyu Mulumbe aa Mukwesu William Marrion Branham, wakakambaukwa lutaanzi mu Chikuwa Munsondo mangolezya, Iwvivi 23, 1964, ku Branham Tabernacle mu Jeffersoville, Indiana, U.S.A., wakagusigwa kuzwa ku rekordi yamagnetiki teepu a kulembwa cakutagwisyacintu mu Chikuwa. Obu busanduluzi bwamu Chitonga bwa kalembwa a kumwaisigwa aa Voice Of God Recordings.

CHITONGA

©2018 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Kuzibya Kwa Nguzu Zyakkopi

Nguzu zyoonse zilitaminidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyobolwa mu ciyanza cakujokolosya, kusandululwa mu misyobo iimbi, na kubeleseghwa kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org